

2.727



CATON
—
LE MIROIR
DU RÉGIME
DU CORPS
ET DE L'ÂME



RESERVE

PARIS 1543



7

5

RVE









(aux armes de
Fauquier 2)
dors d'auptin
154-1862

une fante de reliant
a mis le d'auptin
la tête en bas.

R 8° 685 res.

int. 27 27







R. 68f

1553. R.M.

Le mirouer

du Regime et gouuernement du
corps & de Lame : compose par le
sage Caton Senateur Romain:
auquel est comprins deux cens &
Vng commandement: soubz les-
quelz sont comprinses plusieurs
exemples aornees de plu-
sieurs figures.

Rodolphy Mori liber.

M. D. * LIII.
Cerus da: accipe oculatus

En L'imprimerie de Denys Janot Im-
primeur & libraire a Paris.

Tranru



Le Prologue.



D ce petit liure est contenue
Vne briefue et vtile doctrine
pour les simples gens: laquelle
est prinse & cōposée sur le La-
ton: avec aucunes dictions &
auctoritez des saintz Docteurs & des Pro-
phetes: & aussi plusieurs hystoires & exem-
ples autentiques des saintz peres & cro-
niques anciennes braves & approuuées.
Item ce petit liure sera diuise en deux par-
ties principales. La premiere partie prin-
cipale est le proefme qui commence, Cum
animaduertem: & dure iusques à Itaque
deo supplica. La seconde partie principale
traicte la matiere de ce petit liure qui cō-
mence: Itaque deo supplica, & dure iusques
à la fin du petit liure. Item la seconde par-
tie principale est diuisee en deux parties.
La premiere est en prose. La seconde est en
Vers. La premiere qui est en prose commen-
ce. Itaque deo: & dure iusques à Si deus est
animus: laquelle contient cinquantesix cō-
mandemens. Item la seconde partie qui est
en Vers est subdiuisee en quatre parties
principales. La premiere commence: Si
deus: & dure iusques à Tollaris si fortè velis:
laquelle contient quarante commandemens.

La

La seconde partie cōmēce a Telluris si forte
velis : & dure iusques a Hoc quicunque velis :
laquelle contiēt trentecinq commēdemēs.
La tierce partie commence a Hoc quicun-
que , & dure iusques a Securam quicunque :
laquelle contient trentesix commēdemēs.
La quarte partie commence a Securam : et
dure iusques a la fin du liure : laquelle con-
tient cinquante & ung commandement. Et
ainsi ce present liure cōtiēt en somme deux
cens & ung commandement : tant en prose
comme en vers. Mais affin qu'on treuve
plus legierement les hystoires & exēples
qui sont conuenues en ce present liure. Et
aussi pour scauoir sur quel commandement
elles sont adioustees & alleguees - elles se-
ront mises & intitulees par maniere de ru-
buches en commencement : sur lequel chas-
cune sera contenue & alleguee & declairee :
comme pourra Voir chascun qui tira en ce
petit liure.

Fin du Prologue.

A II

Cum



Vm animaduenterem quàm plu-
 rimos homines errare grauitè
 in via morum. Succutendum &
 consulendum opinioni eorum
 fore existimari. Maximè vt glo-
 riosè viuerent, & honorem cōtingerent. Nunc
 te fili charissime docebo quo pacto mores tui
 animi componas. Igitur mea præcepta legi-
 to vt intelligas. Legere enim & non intelli-
 gere negligere est.

QVand ie pensay & consideray en
 mon couraige que plusieurs gens
 erroient griefuement en la voye de
 bonnes meurs: & de bonnes doctri-
 nes: cestassauoir pource quilz ne
 fsoient en nulle maniere de iustice - ne de
 raison: de tant estoient plus obstinez en leur
 iniquite

Iniquite & mauuaise: pour laquelle chose
se deliberay & pensay moult souuent com-
ment pourroye ie remedier - corriger - se-
courir - & donner bon conseil a leur faulx &
desordonnee opinion & iniustice: pource que
plusieurs tenoient & semoient plusieurs er-
reurs & diuerses: & du tout contraires a ius-
tice - Bonne equite - & raison: parquoy ie
deliberay en mon cuer de souuenir & cor-
riger les erreurs & faulx opinions: car chas-
cun de droit escrit doit corriger sa propre er-
reur: & l'erreur de son prochain - & de son af-
fin: & de son frere chrestien: afin que chas-
cun puisse viure glorieusement: cest a dire
Vertueusement: a quil puisse paruenir a hon-
neur & louenge de Dieu & du monde: pour-
ce que ceulx qui viuent Vertueusement &
qui vsent de raison: iustice - & Bonne equite:
ont louenge de Dieu - & de tout le monde: &
cest ce que dict le Philosopher en son liure
Ethiques: qui dict que paruenir a honneur
& louenge: n'est autre chose que d'auoir en
soymesmes tesmoignaige d'aucun bien &
d'aucunes vertus: iacoit ce que tel bien soit
spirituel. come est Vertu ou science: ou tem-
porel - sicomme sont richesses & puissances.
Et pource mon trescher & bien ayme filz ie
te enseigneray & demonstreray clerement les
enseignemens & commandemens que cy a-

pres diras la forme & maniere comment tu
pourras regir & gouverner les meurs de
ton couraige: cest assauoir cōment tu pour-
ras regir & gouverner ton corps - & aussi
ton ame en ce monde - tant es biens spiri-
tuelz - comme es biens temporelz. Et pour-
ce lis & relis souuent mes commandemens
en telle maniere - & en telle facon que tu les
entendes saigement - & retiennes en ta me-
moire & en ton entendement: car lire & non
entendre cest chose despiteuse & de nul prof-
fit: en laquelle ne demeure nulle Verite bti-
le: ne nulle perfection d'entendement: car on
dict en vng commun prouerbe: que celuy qui
lit & rien nentend - autant faict que celuy
qui chasse & rien ne prend. Et pource ne suf-
fist il pas de lire tant seulement mes com-
mandemens: mais les conuient lire & en-
tendre - & considerer en quel propos ie le dis:
car tu les dois lire & relire plus de cent foyz
tant que tu les entendes: car si tu les entēs
& retiens bien parfaictement: tu te secourras
bien gouverner & regir en ce mōde tō corps
& ton ame: pource ce peult & doit intituler &
appeller ce petit liure le regime & gouver-
nement du corps & de lame.

Itaque deo supplica.

En



En ce premier cōmandement cest mōs
 ftre cōme tu dois prier & adorer Dieu
 ton createur tant seulement - & non
 aultrement: car son donnoit a vne creature
 l'honneur & la reuerence- laquelle est due a
 dieu: ce seroit idolatrie: ainsi que tu oras cy
 apres: & dois scauoir qu'ilz sont cinq manie-
 res de porter honneur & reuerēce a dieu son
 createur: cest assauoir- orer- adorer- ieusner-
 sacrifier & louer: pource que dieu est vni-
 uersel cōmandement de toute nostre pro-
 duction- commencement & gouuernement.
 Tu dois scauoir que ydolatrie n'est aultre
 chose que exaulcer: dōner a aultre creature
 l'honneur & la reuerence que on doit faire a
 dieu le createur. Pource te vuerel monstret
 & enseigner comment ydolatrie fut trouuee
 pour cinq causes, La pmiere cause fut pour

euites & fuyr melancolie de la mort d'au-
cuns. De ce racompte le saige dung hom-
me - qui perdit son filz: lequel il aymoit
inoult cherement & tendrement: mais pour
euites & fuyr la melancolie de son filz: & pour
en auoir perpetuelle remembrance & sou-
uenance de luy: fist faire vne ymaige a la
semblance & figure de son filz: laquelle y-
maige il comanda estre adoree par ses sub-
iectz - & seruiteurs - sur peine dinobedi-
ce. De ceste premiere cause didolatrie ra-
compte saint Gregoire en son .vi. chapi.
de saint Luc: comme le Roy de Ninie
quand il fut mort en bataille: son filz (lequel
fut Roy apres luy) fist faire vne ymaige a
la remembrance & figure de son pere: laquelle
ymaige il adoroit tresdeuotement Et com-
manda expressement estre adoree de tous
les subiectz de son royaume: & afin que ses
subiectz eussent plus grand deuotion - & plus
d'affection a ladicte ymaige: fist faire vng
edict & commandement que tous ceulx qui
auroient commis & offense cõtre la royalle
maieste: incontinent quilz adoreroyent ladicte
ymaige: tout leur estoit pardonne. La secon-
de cause pourquoy ydolatrie fut trouuee:
fut pour le grand orgueil - & la grand oultre-
cuydance d'aucuns princes: lesquels se fi-
rent iadis adorer, & honorer comme Dieu.

Le pent-

L'Exemple.

Comme nous auons du Roy *Abugor*
donosor: car affin qu'on l'adorast commanda
 a *Holofernes* (lequel estoit prince de sa terre
 & de sa cheualerie) quil fust destruyre tous
 les dieux de son royaume: affin quil fust res-
 pute & adore come dieu en tout son royaume.
 La tierce cause fut trouuee par adula-
 tion pour impetrer aucunes graces enuers
 aucuns seigneurs: ainsi comme font ceulx
 qui sont pauures: lesquelz adorent les riches
 & puissans princes. Et aussi pareillemēt les
 grans seigneurs come dieu: pour impetrer
 grace & beneuolence. De ce racōpte saint
 Augustin au .ii. liure de la cite de Dieu: qui
 dict que moult de choses sont offees de l'ho-
 me par cultiurement diuin: lesquelz sont at-
 tribuez aux Roys & princes temporelz: en
 leur portant honneur & reuerēce plus grā-
 de: que on ne fait a Dieu. qui est souverain
 Roy: & duquel tous biens en viennent: ceste
 espee de ydolatrie regne encores aujour-
 dhuy aux Roys & princes de ce monde: les-
 quelz se font adorer. & plus haultement. &
 plus magnifiquemēt que dieu. La .iiii. cause
 dydolatrie. fut pource que anciennement ilz
 adoroient les ydoles quād ilz les requeroiēt
 d'aucunes choses: & quilz obtenoient de ce
 quilz demandoient: cuydoiēt que les diables
 qui

q̄ estoiet dedā̄s lesdictes ydolles eussēt puis-
sance sur eulx: & dessus les elem̄s. ainsi cō-
me de faire cesser toutes tempestes: & aussi
pareillemēt quīz eussent puissance de gua-
rir de toutes maladies: & de toutes aduer-
sitez qui leur pouoiet aduenir: laquelle chose
leur venoit par permission diuine: ainsi
comme il sera declare cy apres: au verset.
Mitte archana dei. La .v. cause dydolatrie
fut pour la mauuaise couuoitise d'acquies-
cer les biens & les grans honneurs de ce mise-
rable monde: ainsi cōme ceulx lesquelz ven-
dent & donnēt aux diables: affin quīz puis-
sent accomplir leurs mauuaises voluntez:
& leurs mauuais desirs. On treuve .viii.
especes dydolatrie. La .i. est d'adorer les
ydolles. La .ii. est d'adorer la lumiere: cōme
le soleil: la lune: & les estoilles. La .iii. est d'a-
dorer les elemens: cōme l'air: le feu: l'eau:
& la terre. La .iiii. est d'adorer les hommes &
creatures raisonnables. La .v. est d'adorer
les bestes brutes irraisonnables. La .vi. est
d'adorer les ymaiges & aultres figures hu-
maines. Je ne dy pas qu'on ne doit honorer
les ymaiges des saintz & des saintes de
Paradis: ne de la precieuse vierge Marie
mere de Dieu: pourtant quīz nous dōnent
memoire & font representatiō des saintz &
saintes de Paradis: & non autrement: car
ce se

ce seroit ydolatrie. La .vii. est d'adorer le
temps. Et sachez certainemēt que adorer:
toutes ces choses deuant dictes: cōme dieu.
cest heresie: mais on doit aymer & craindre
Dieu sur toutes choses.

Parentes ama.

E Tu dois aymer & honorer tes parens a-
pres dieu: & leur subuenir ayder a leurs ne-
cessitez: pource dit le prophete que le pere
dauēt autāt adire que nō d'amour: car le filz
pour nulle chose du monde ne doit faillir au
pere: mais le doit aymer de braye amour: &
de braye dilection sans nulle saintise: & luy
subuenir & ayder selō sa puissāce & faculte

Le temple.



Nous en fons dune fille qui iadis nour-
rissoit son pere de sō propre lait: le-
quel estoit emprisonne: pour laquelle
chose

chose son pere luy fut deliuree & rendu en re-
membrance perpetuelle de la grand amour
qu'elle auoit a son pere.

Cognatos cole.

Tu dois honorer & frequenter tes cou-
sins: & les auoir & tenir en grand reuerence:
mais tu dois scauoir qui sont trois manie-
res de cognation. La premiere est spirituel-
le: comme sont les cōperes les commeres.
La seconde cognation est regalle: laquelle
cause se faict par adoption. La tierce co-
gnation charnelle: laquelle vient par con-
sanguinite- & par lignee naturelle.

Datum serua.

Tu dois garder la chose qu'on te donne:
& en auoir memoire au temps aduenir: a-
fin que tu le puisse rendre: car tu y es tenu de
droict escrit: & aussi garder la chose qui t'est
donnee de luy. Et aussi tu le seruueras &
toy plus souuent donner: ou ainsi peus ex-
poser: considerer & penser diligemment de-
uant que tu donnes- & qui tu dois donner.

Beneficii accepti memor esto.

Tu dois auoir memoire & souuenance
des bñs qu'on ta faict: & en rendre graces pre-
mierement a Dieu ton createur. Car cest
celuy

celuy de qui tous les biens que nous auons
 viennent. Secondement a ceulx qui se sont
 fait: affin qu'en temps & en lieu - en puisses
 rendre guerdon a ceulx qui tont bien fait-
 filz en ont nestier - ou necessite au tēps ad-
 uenir: car fortune est aucunesfoys cōtraire:
 car aucunesfoys le riche & puissant homme
 par fortune ou inconuenient de feu- deaue-
 ou de maladie- ou aultre incōuenient tum-
 be maintesfoys en indigence & mendicite: &
 par ainsi dois auoir memoire & souuerance
 de ceulx: lesquelz tont bien secouru en tes
 necessitez.

Maiori cede.



Tu dois donner lieu a plus grand que
 toy. Cest a dire - que quand tu voyes
 vng plus ancien- ou plus honorable
 en aus

en aulcune science: dignite: ou office: tu luy
dois porter honneur & reuerence en telle ma-
niere que se tu es assis: tu te dois leuer quā
tu le vois venir: & si le passe deuant toy tu
dois incliner le genoil a terre: & si le va par
la voye tu le dois accompagner. De ce a-
uons exemple en leuangelles qui dict - que
quand tu seras semont a aucunes nopces
ou conuis: siez toy au plus bas lieu - affin
que quand celuy qui ta semōt viendra vers
toy te die - amy lieue toy - & monte amont:
& ainsi tu seras honnore des assistans en ta
compaignie: car si tu estois au plus hault
lieu: & celuy qui ta inuite & semōt - te disoit:
amy descens plus bas: ce te seroit deshon-
neur & vergongne deuant tous ceulx de la
cōpaignie. Et pource dict saint Anseaul-
me: que les ieunes doiuent estre subiectz aux
anciens - & leur obeyr. Et saint Augustin
dict que par droicte raisō & iustice - le moin-
dre doit obeyr au plus grand: & le plus ieun-
ne se doit leuer & dōner place au plus grā:
& luy bailler le premier lieu quā il se vou-
loit asseoir.

Saluta libenter,

Tu



Tu dois saluer voluntiers cestassauoir
affectueusement & de bon cueur sans
nulle fiction: nō pas pour estre de rechef sa-
lue ou par featerie: ou adulation: mais dois
saluer par humilite & entiere volente: car
saluer n'est aultre chose que mōstrer bō des-
sir: bon vouloir & affectiō a celui quō salue:
affin qu'on le puisse tirer & incliner a amour
& a fabilite: cestassauoir contre ceux-
ques aujourdhuy saluent leur voisin & pro-
chain en telle maniere que ce quilz dient de
la bouche est tout contraire a ce que leur
cueur pense: telles gēs font de leurs lāgues
espees & si pechēt tresgriefuemēt. Et ainsi
apert q̄ mōstre signe d'amour soubz ombre
de deception est tres horrible peche & grand
trahison & cōtre nature: Car naturellemēt
tout

tout homme doit estre amy de tous les autres hommes: car on dict cōtunement que nest si mauuais ennemy que celui qui se monstre amy par fiction pour deceuoir ce luy a qui il monstre signe d'auour: d'autres part nest si grāde hayne que amour sainte & passe soubz ombre de deception.

Matum da.

Tu dois donner. & si dois garder la chose qui t'est dōnee en garde que tu puisses rendre compte quand en seras requis: ou aussi donner en. C'est assauoir au p̄souffreteux quand ilz ont necessite - par bonne & braye amour: & aussi pareillement par bonne et braye charite: sans cōmettre nulles vsures: car tu dois prester sans esperāce den auoir gaing ne profit: car auetremēt ce seroit vsure - ainsi cōme dict saint Luc: Preste sans esperāce den auoir aucun profit ne gaing: car a ce faire nous admoneste: & aussi nous enioinct la sainte escripture: droit canon & nature: car nul ne doit opprimer ne greuer son prochain par vsure: prester son argent a vsure: car nature & bonne equite veut qu'on preste a son prochain quand il est necessite sans nulle vsure: car cest contre nature de prendre vsure et gaing de l'argent qu'on a preste. Et sachez que les vsuriers pechent plus

plus griesuement que ne faict nul aultre pe-
cheur: car tous les aultres pecheurs cessent
à laissent souuent les pechez: mais les vsu-
riers ne cessent iamais de leurs pechez: car
nuict & iour en chascune heure festes & di-
menches pechent & prennent leurs vsures
continuellement sans cesser. Pour ce peult
on bien dire quilz pechent plus griesuement
que nulz aultres pecheurs.

¶ Item on peult bien dire quilz sont pires
que ne fut oncques Judas: car Judas vend
dit Iesuchrist tât seulement: mais vng vsu-
rier vend soy mesmes - & aussi pareillemēt
vend & met en la subiection de lennemy
d'esper tous ses hoirs iusques a la dixiesme
lignee ainsi comme il appert en le pemple
qui cy apres sensuyt.

¶ Le pemple.



B

On



Il eist en la vie des peres de
vng saint preudhomme - lequel
requist a dieu de paradis quil
luy voulsist mōstrer les peines
denfer, auquel nostre seigneur
enuoya vng ange qui le mena en enfer &
dit la plusieurs tourmens : lesquelz souf-
frēt les pauures malheureux damnez. Et nō-
tre les aultres peines & tourmens il veit vne
eschelle en laquelle auoit dix degrez & en
chascun degre auoit dix hommes pendans
par ordre - lesquelz les diables batoyent &
deshuyoyent de griffes moult terriblement &
sur tous les aultres damnez denfer sembla
audict preudhomme que ces dix hommes
souffroyent plus grans & espouventables
tourmens & peines que tous les aultres dā-
nez. Pour laquelle chose requist & deman-
da a l'ange pourquoy ces dix hommes les-
quelz estoient pendus en ladicte eschelle es-
froyent si horriblement tourmentez & quez
gens se estoient. Lors l'ange respondit & dit:
Cestuy vieillard que tu vois qui est au plus
haut lieu de l'eschelle pendu - cest vng vsu-
rier - lequel par vsure a acquis richesses &
grans possessions. Et pource quil est mort
sans en faire restitution il est pendu au plus
haut lieu de l'eschelle & tous ses hoirs qui
ont possede lesdictz heritaiges & mors sans
en faire

en faire restitution sont penduz par ordre
en ceste eschelle iusques a la dixiesme li-
gne l'ung apres l'autre ainsi comme dit est
sont penduz en ladicte eschelle.

Cui des videto.

Tu dois regarder a qui tu dōnes quand
tu veulx dōner ou faire aucunes aumos-
nes : Et cest ce que dit Ecclesiastique en
son quatorziesme chapi. q̄ dit que quand tu
donneras ou feras aucune aumosne: sca-
ches & regardes a qui tu dōneras ou feras
aumofnes. Item saint Hierosme dit: don-
nes euy paires & auy indigens & souffres
teuy & nō pas auy riches & auy porquilleuy.
Item celuy qui veult donner ou veult faire
aucunes aumosnes doit considerer trois
choses. Premieremēt que ce dequoy il veult
faire aumosne soit acquis loyalement:
car de la chose mal & iniustement acquise
nul ne doit faire aumosne. Secondemēt il
doit tenir ordre & maniere en donnāt: car il
doit p̄mier dōner & subuenir a soy mesmes-
puis apres a ses parens & a ses prochains a-
mys: puis auy estrangers sil ya dequoy.
Tiercemēt doit donner par braye charite-
amour & dilection sās nulle vaine gloire &
ypocrisie - car aucuns donnent plus pour
auoir louenge que pour l'amour de Dieu.

Et

Con-

Coniugem ama.

Tu dois aymer & honorer ta femme cō-
me toy mesmes - toute fois la femme par
droit diuin & humain doit estre suiecte a son
mary & luy doit tenir foy & loyaulte: & luy
doit seruir & obeir en toutes choses licites &
hōnestes - pareillemēt l'homme doit traicter
cordialemēt & doucement sa femme & ain-
si la doit aymer par braye amour: car ain-
si cōme ilz sont faitz d'une mesme chair par
charnelle copulation - ainsi doiuent estre vng
cœur & vne pensee par braye amour & dis-
lection. Item la femme le doit aymer & luy
porter foy & loyaulte & reuerēce & luy obeir
tāt cōme ie viura - pareillement l'homme doit
aymer sa fēme & luy tenir foy & loyaulte &
aussi doit introduire & enseigner en bonnes
meurs nōostāt que plusieurs fōt le cōtraire.

Exemple.



Nous lisons aux histoires anciennes
de Rome quil y auoit vne femme qui
estoit noble & de grand lignaige &
parentaige - laquelle se gouernoit mal-
pour laquelle chose son mary la fist mettre
en vne haulte tour tât que nul ne pouoit al-
ler vers elle fors son mary. Vng iour auint
quelle estoit aux fenestres de ladicte tour-
laquelle tour estoit pres des murailles de
ladicte cite - & par la deuant passoit vng estu-
diant lequel elle auoit aultresfois cogneu.
Helas - dit lestudent: dame que faites vous
la si hault en celle tour. Certes - dit elle: mō
mary ma icy enfermee - & si porte la clef en
telle maniere que dicy ne puis saillir ne
nuict ne iour: car de nuict il met les clez
soubz son cheuet. Ha dit le clerc: se vous me
voulez croire - ie trouueray bien maniere cō-
mēt vous sauldrēz de nuict a vostre plaisir.
Certes dit elle ie vous en prie - & ie vous pro-
metz de faire ce quil vous plaira. Alors dit
le clerc ie vous apporteray demain de la
pouëdre de mandegloire de laquelle vous
luy dōrez secretemēt a boire & a māger a sō
soupper - & pour Bray il vouëdra dormir - si
dormira si fort que nul ne le pourra esueil-
ler: Lors vous prēdrez les clez a son che-
uet & puis vous viēdrez pler a moy icy bas
& nous dōnerōs du bon tēps - & puis apres

Bous en retourneuez coucher apres luy. Et
scachez que ia il ne sen esueillera - ne pour
bruyt ne pour noyse que vous faciez. Pour
ce faites que demain au matin vous ayez
vne petite cordelette du fil que vous fillez: &
quelle soit si longue quelle vienne iusques en
bas au pied de la tour - & puis iattacheray
le petit scachet de poudre: Et de tout fut la
bourgoise contete. Et de fait ledit clerc ap-
porta le lendemain le scachet plein de pou-
dre de magedloire - & puis la tira en hault
en sa chambre avec sa cordelette de son fil - &
fit tat en celle nuict mesmes quelle en donna
a boire & a menger au soupper de son mary -
lequel incontinet sendormit - si tost quil fut
coucher: il sendormit si fort quon eust abatu
la tour auant qe se fust esueille. Lors quand
elle veit quiledormoit - elle print la clef puis
oeuvre la porte de la tour & descedit en bas:
puis oeuvre la porte au clerc & se coucheret
ensemble en vng liet en bas: & la se donneret
du bõ temps deuy ou trois heures - puis sen
retourna coucher au pres de son mary qui
estoit moult subtil - & estoit tout esbahy de
ce quiledormoit plus fort quil nauoit accou-
stume: Lors aduint vng soir que quand il eut
souppe il sen alla coucher tout prestement
puis fist semblant de dormir & comença fort a
rofler: mais il ne dormoit pas: car il se gar-
doit

Doit bien de dormir tāt quil pouoit iusques
a tāt quelle sen fut allee - & quād elle veit qe
dormoit si tressort - elle print les clefs & sen
alla cōme elle auoit accoustume avec ledit
clerc au plus bas de la tour: Lors quand le
mary sētīt quelle sen fut allee: il se leua tout
bellemēt - puis sen va fermer sa chambre p
dedās puis sen retourna dormir en son liet -
car il luy estoit force quie dormit trois ou
quatre heures. Tātost apres reuit la bour
goise cuidant entrer en sa chābre cōme elle
auoit accoustume de faire - laquelle fut
moult esbahye quand elle trouua la porte
close: mais elle heurta a la porte & fist tant
quelle esueillā son mary. Helas que vous es
tes bīz haste d fermer la chābre apres moy
quād ie suis yssue pour aller aux necessitez:
Lors le mary respondit & dit: dame ribaude
de vous benez d voz ribaudeises cōme vous
auez accoustume: nul ne vous en pourroit
garder allez vous en - dont vous benez: car
iamais ne coucherez avecques moy: lors la
dame fut fort esbahye & cōmenca a pleurer -
& soy excuser en disant quie nestoit pas ve
rite - puis de rechef le requeroit moult dou
rement qui luy ouurist la porte - en disant
quie nestoit pas verite: Mais pour priere
quelle luy fist ne luy voulut ouurir: Lors
quand elle veit que nulle maniere ne luy

Boulut ouurir - commença a crier a haute
Voix. Se vous ne mouurez ie me iecteray
dedās ce puis qui est icy : car iayme mieulx
moy noyer que deestre deshonoree tout le
tēps de ma vie. Il ne men chaut - dit le ma
ry : ie voudrois que tu fusses desia noyee.
Lors elle print vne grosse pierre qui estoit
empres le puis & la iectāt dedās le puis elle
dit en ceste maniere: A dieu mō amy ie men
bois me noyer - ne iamaïs ne me verrez vi
ure. Et quād le mary ouyt le bruyt d la pier
re - il se leua hastiuement tout nud & saillit
hors d sa chābre - puis se va regarder dedās
le puis cuydant que ce fust sa femme q fust
tumbree dedās: mais elle nestoit pas si folle
car elle estoit cachee derriere la porte: la
quelle incōtinēt que son mary fut sailluy des
hors de sa chābre - elle mōta hastiuemēt des
dās & ferma fort sa chambre par dedans - &
son mary demeura dehors tout nud: puis ou
urit les fenestres de la chābre & commenca
a crier aux voisins en disant que son mary
la vouloit occire. Lors vindrent les voisins
& les voisines & aucuns de ses parēs: a brief
pler apres toutes les allegatiōs & cōplain
tes dune part & dautre : Nul ne pouoit
croire que fut ainsi que sō mary disoit deu
quil la tenoit de si pres long tēps enfermee -
& que luy mesmes portoit les clefs - par
quoy

quoy de fait le mary fut cōtrainct de luy re
querir pardō & ainsi la paix fut faicte. Par
ceste exēple appert clerement quil n'y a pas
grand loyaulte en aucunes femmes.

Erudi liberos.

D dois enseigner a tes enfans
la bōne doctrine & bōnes meurs

T car le philosophe au .viii. liure
Detiques, dit que le pere est cau
se de ce que les enfāns font. Pour
ce doit on estre cause de leurs bōnes meurs
& doctrines : car a ce sont tenues de droict
non pas tant seulement les peres charnelz :
mais aussi les peres spirituelz comme sont
les parrains qui les ont tenuz sur les fons.

Exemple.



Bocce



Dece ra compte en son liure d
la discipline des escoliers du
filz de Lucrissis qui auoit nom
zeno - lequel son pere nourrit
en sa ieunesse sans doctrine &
discipline - lequel despendit les biens de luy
& de son pere au ieu de dez & de tables - &
puis deuint larron - tant que son pere plu-
sieurs fois le rachepta des fourches d mort
deshonte - puis en la fin fut prins & nauoit
plus son pere de quoy le rachepter - & de fait
fut mene aux fourches pour le prendre - le-
quel auant quil fut pendu requist a son pere
Eng don: cest assauoir quil le baisast auant
quil print mort: Lors ainsi que son pere le
baisoit il luy couppa le nez aux dds en disant
en telle maniere: Pere se vous meussiez biez
endocctrine en ma ieunesse en bones meurs:
ie ne fusse pas icy condāne a mourir deshō-
nestement. Et pource affin que vous cognois-
siez que vous auez mal fait: & pour donner
exemple aux autres: ie vous ay coupe le
nez. Pource dit Seneque quon doit ensei-
gner les enfans en leur ieunesse. Comme tu
as exēple de toutes bestes mues & darbres
& herbes lesquelles ont ploye & met lon en
telz ploitz comme on veult quand elles sont
ieunes.

Familiam cura.



Tu dois auoir la cure & gouuernement de ta famille : car pource es appelle pere de famille. pource que de toute ta famille es pere & gouuerneur. & de ce rendras compte deuant Dieu. Item dois scauoir que selon droit canon : le pere de famille & tout homme qui a gouuernement sur sa famille il est tenu en trois manieres. Premierement doit dōner a ung chascun de sa famille ce q̄ luy est necessaire. Secondement il doit cognoistre les vices & vertuz de ses seruiteurs. les vices pour les corriger & de bien faire admonester. & les vertus pour les remunerer. Tiercement tout pere de famille doit bien monstrier bōnes exemples a ses seruiteurs. & estre exemple deueux mesmes affin qu'ilz ne soyent gastez par mauuaises exemples.

In iudicio adesto.

Tu dois estre & comparoir en iugement: Cest a dire que celui qui est appelle en iugement tantost y doit venir & comparoir affin quil ne soit repete rebelle & inobedient & mis en coustumace. Du ainsi soyez en iugement: cest a dire que tu dois estre ferme en iugement especiallement quand tu as bon droit & bonne querelle.

Foro te para.

Tu dois appareiller & disposer de respondre deuant ton iuge competent & luy obeir - cest a dire que tu dois obeir au iuge dessoubz qui tu es subiect: cest assauoir a la iurisdiction de son pays & prouince: car a ce fait nous admonnestre droit canon - & droit diuin: civil & moral.

Ad pretorium stato.

Tu dois estre en iugement - & entendre la sentence de ton iuge competent. Cest a dire que toute persone qui est cite legitimesment deuant son iuge competent ne sen doit departir deuant que la cause soit declarée estre bonne ou mauuaise - affin quil ne soit mis en coustumace & condamne es despens de sa partie aduersse.

Equum iudica.

Tu dois iuger & faire iustement: & dois en telle

en telle maniere examiner & discuter le cas
des parties que tu faces equite & iustice- en
rendant a chascun son droit. Et aussi dois
scauoir que tout iuge doit auoir en soy qua-
tre manieres - Cestassauoir quatre condi-
tions. La premiere est quil doit estre vertueu-
eux- constant- & ferme - & ne se doit point
mener de leger faueur- amytié- hayne- ou
par requeste daultruy. La seconde est quil
doit auoir sapience & science- affin quil sache
bailler a chascun son droit iustement. La
troiesme est quil doit auoir experiance &
industrie - & scauoir quelle chose est droit.
La quatriesme quil doit estre de bonne fa-
me & conuersation.

Minimé iudica.



Tu

U dois siẽ peu souuent iuger - &
quãd tu iuges soit p grãde & meu
re deliberation & conseil: car au
tremẽt ne ferois pas iustice: cõ-
me font aucuns iuges qui iugẽt
à l'aduenture sans faire information: ne ex
aminer le cas de quoy doiũent iuger - & ge-
nerallemẽt ceste doctrine sentend: & doit es-
tre entẽdue de tous iuges - que nul ne iuge
follement du cas d'auetruy - & il ne sera pas
iuge dit le saige.

Pugna pro patria,

Tu dois combattre pour garder & des-
fendre ton pays - cest à dire que tout ainsi
que nous sommes tenuz de droiet: & deffen-
dre noz parens - & garder - pource quilz nous
ont donne estre & pouuoir quilz sont nostre
commencement. Semblablement deuons
garder & deffendre nostre pays - lequel est
cause du commencement de nostre conser-
uation - & de nostre bien. Tulse dit quen-
tre toute la charite & amour - la charite de
ton pays doit estre aymee & mise avec tou-
tes aultres charitez: car par le bien cõmun
dun pays est conserue toutes singulieres
vtilitez & prouffit - pource que de nostre
pays auons toutes noz necessitez - cest assa-
uoir noz bestemens habitations: & delecta-
tions.

Iurandum seruā.

Tu dois garder ton serment & tenir ferme & estable-affin que tu ne te piures- & de uāt que tu promettes ne iures de faire aucunes choses- tu dois considerer si tu pourras tenir & accomplir ce que tu promet. Tout homme ne doit pas en toutes ses promesses iurer: mais en toutes ses promesses doit tenir foy. Itē pour tenir foy on assemble foy - & atraict on les hommes a foy: Itē on habite & demeure es citez. Itē pour tenir foy sont les princes dominatur. Itē pour tenir foy sōt gardees fortresses: chasteaux - & citez. Sainct Augustin & Tullies dient qu'on ne doit pas tant seulement tenir foy a ses amys: mais aussi a ses ennemis.

Minorem te ne contempseris.

Tu ne dois despuiser moindre que toy- cest adire que se aucun moindre de toy te precede en aucune dignite- science- ou office- non pource le dois despuiser - ne tenir a vil. Le pphete dit: Tout ainsi que le corps a plusieurs membres- touteffois tous les membres ne sont pas en vng acte tant seulement- nous sommes plusieurs corps ensemble en Iesuchrist tant seulement- touteffois chascun membre sera en son corps.

Magi-

Magistrum metue.

Tu dois doubter & obeir a ton maistre-
& luy porter honneur & reuerence. cest a di-
re que non pas tant seulement ceulx qui sont
en dignite & office deuons doubter: mais au-
cuns qui ont particulier office. comme sont
maistres descolles: car les escoliers les doi-
uent doubter & porter honneur:

Exemple



Dus fisons es croniques ancien-
Nes - que plusieurs roys & empe-
reurs: iacoit ce q̄ls fussent en gr̄s
hōneurs & dignitez. toutesfois ont porte hō-
neur & reuerence aux maistres qui les ont
appus en leur ieunesse. comme on fist de
Troya L'empereur. qui grandemēt hono-
ra son

ra son maistre Socrates: car luy estant en son estat dhonneur- descendit a terre & luy fist honneur & reuerence.

Litteras disce.

Tu dois apprendre lettres- & sciēce: car par lettres & sciences est fait l'homme semblable a dieu- comme dit saint Ambroise. Parquoy appert que nous deuons apprendre lettres- & science. Item dois scauoir que le scollier q̄ veult apprendre doit auoir trois conditions principales. La premiere est- q̄ ne doit tenir nulle escripture- ne nulle science vile ne desprisee. La seconde est- qui n'ayt honte ne vergongne d'apprendre de tout homme qui luy saura monstrier: La tierce est- que puis quil aura appris- & quil sera bon clerc- quil ne desprise nully: car ilz sont aucuns qui veussent apprendre- & scauoir tant seulement- affin quilz soyent tenuz & reputez pour saiges & grans seigneurs. Les autres veussent apprendre- affin quilz puissent vendre leur science pour auoir argent & honneur- comme font les aduocat3.

Libros lege.

Tu dois souuent lire les liures- & mettre en effet & a memoire ce quilz diēt: mais nul ne doit lire science vile- & de nul effet-
A a plus

à pleines derreurs - comme sont folles que-
stions - sciences seculieres - ne aussi ces su-
pions de poesie.

Quod legeris memento.

Tu dois lire & retenir & mettre à me-
moire ce que tu liras - & y prendre plaisir - &
ne l'oublie pas de leger - comme font plu-
sieurs q' lisent sans y prendre garde ne plai-
sir : car ce quil leur entre par vne oreille :
sautt par lautre.

Nil temere credere.

Tu ne dois rien croire follement ne de
leger ce qu'on te compte & rapporte. Sene-
ca dit qu'on doit premierement examiner son
conseil que croire : car celui qui croit de le-
ger - est leger de pensee & d'entendement. Ilz
qui croit contre les articles de la foy - & ge-
neralement contre nostre mere sainte es-
glise vniuerselle - croit follement - & si peche
mortellement.

Nihil mentiri debes.

Tu ne dois mentir - pource que l'hom-
me menteur vault pis quing larron : car le
larron occist son corps seulement : mais le men-
teur occist son corps & son ame : car mentir
est vng peche diabolique - & sachez que le
premier

premier hōme qui iamais mentit fut Cayn
pource quil mentit quand dieu luy deman-
da quil auoit fait de son frere Abel. & il res-
pondit quil nen scauoit riens. Et incontīnēt
dieu luy donna sa malediction.

Tu dois donner bon conseil a qui te le
demande: Cest adire que tu dois bailler bon
conseil a ceulx qui te le demādent par bone
& meure deliberation: car tout hōme saige
& prudent doit auoir memoire des choses
passees & aduisemēt sur les choses qui sont
aduēir - & dois penser souuent comment
licitemēt - loyalement - & iustement pourras
benir a ton intention - & sur ce prendre &
demander conseil: car nul ne peult trouuer
de luy mesmes - ne ymaginer ce que luy est
mestier. Et pource doit chascun aduiser a
son fait - & sil est de soy mesmes suffisant
pour parfaire ce quil auoit entrepris sans
conseil & ayde daultruy.

Ma'edictus ne esto.

Tu ne dois blasmer ne diffamer au-
truy de fait - de dit - & de pensee - en quelque
maniere que ce soit - vource que cest chose
cōtraire a amptie & d'aye amour. Laquelle
nous deuons auoir & porter l'un a l'autre:
car il n'est si mauuaise chose que nuire a
l'homme tant que fait la mauuaise lāgue.

Tu Pour

Pource nul ne doit diffamer autrui sus
peine de peche mortel.

Existimationem retine.

Tu dois auoir en toy exiſtimation & ad
uiſemēt en toutes tes beſongnes- afin que
tout homme puiſſe dire & penſer tout bien
ſur toy. Sainct Thomas dit: que tout hō-
me doit auoir exiſtimation- & aduiſement
en tous ſes faitz- dequoy il ſempesche- & de
tout ce quil veult faire ſans faillir.

Consultus eſto.

Tu dois eſtre conſeille & aduiſe de ton
fait- & du fait dautrui: ceſt a dire- que tu
foyes tel que tu puiſſes donner cōſeil a toy
meſmes- & aup autres quand tu en auras
beſoing. Sainct Ambroſe dit que tout hō-
me qui veult bien conſeiller les autres: doit
auoir trois choſes- ceſtaſſauoir Sapience-
Juſtice- & louenge- & braye eſperēce de la
choſe ſurquoy il veult donner conſeil.

Vtere virtute.

Tu dois vſer de Vertus- & eſtre Vertu-
eux en toy meſmes- & auoir force de reſiſter
encontre toute aduerſite. Sainct Jehan
dit en L'apocalypſe- que celui qui vaincra
mangera en Paradis du fruit de vie. Et
pource

pource soy es loyal & vertueux iusques a la mort & auras la courõne de vie perpetuelle.

Troco lude.

Tu dois iouer au sabot : car le ieu du sabot est bon & vtile sans nulle immundice ne courroux : car par celuy ieu on peuet faire son exercice & a moderer en soy toutes illicites cogitations.

Alcas fuge

Tu dois fuyr & euitier tous ieu de tables & de dez : car par telz ieu illicites & deshonnestes viennent souuent homicides rancunes & tensions. Item communement ainsi par telz ieu on fait ses amys ses ennemis. Item tu dois scauoir qu'ilz sont quatre choses pourquoy on doit fuyr tous ieu de dez & tous autres ieu illicites. La premiere est pour la grande multitude de pechez qui sen ensuyuent. La seconde - pour la grand tribulation & melancolie que ont les parens de celuy qui ioue. La tierce est - pour la grand fosse qui aduient de iouer. La quarte est - pour la crainte & doubte diuine. De iouer aux dez & autres ieu illicites viennent quinze pechez. Le premier est auarice de gaigner - lequel est fondement & racine de tous maux & pechez. Le secõd est

Volunte de despouiller son prochain- lequel
vient du peche de rapine. Item se le ioueur
ioue en sa maison- ses parens en sont cour-
roucez - & si est marie & aye enfans - il se
courrouce a soy mesmes- a sa femme- & a ses
enfans desheriter- & si est occasion de met-
tre sa femme & ses filles a deshonneur. La
troisiesme est misericorde de crudelité : car
celuy qui ioue voudroit offer a son compai-
gnon ses brayes & sa chemise- laquelle cho-
se ne font pas les larrons des boys qui desro-
bent les pellerins. Le quatriesme peche si
est d'usure: car il ne leur suffist pas de prendre
pour vngze ou douze - ou pour vng an - ou
pour vng mois - ou pour vng iour : car ilz
deutēt auoir tout a vng coup. Le cinquies-
me peche est blapheme d dieu & des saintz.
Le sixiesme est mētir- & plusieurs parolles
oyseuses. Le septiesme est corumpemēt de
parens - & de tous ceulx qui regardēt le ieu:
pource que souuent sinctinent a telz ieux
par accoustumance. Le huitiesme est lars-
recin: car souuēt les ioueurs par pauurete
quand ilz ont tout perdu se mettent a em-
bler- parquoy sont souuent penduz. Le neuf-
tesme est la faulsete qu'ilz font a dser de
faux dez. Le dixiesme est homicide: car sou-
uent pour telz ieux on vient a parolles - a
battre- ou tuer- pource sensuyt souuent ho-
micide.

meisme. L'uniesme est deception: car qui
scait iouer le mieueux- scait decenoir. Le dou
ziesme est ydolatrie: car ilz font de dez leur
dieu- pource que au commencement du de
ilz donnent & baissent leur argent- laquelle
chose n'est pas au commandement de dieu.
Le treziesme est rompemēt de festes: car es
plus grans festes de l'an iouent - & plus les
festes que les autres iours. Le quatorzies
me peche est ire. Le quinziemesme peche est des
laissemēt des biens quilz deueroiēt faire tād
dis quilz iouēt. En ioueurs on trouue dou
ze follies & abusids. La pmiere est vne tres
grande & tres vilie seruitude quād ilz se sub
mettent de faire ce quilz commandent. La
deuziesme est - pource quilz obeissent plus
au commandement des dez- que au cōman
dement de dieu. Ilz ne font pas cōme sainct
Martin: q donna la moytie de son mātcau
pour l'amour de dieu: mais ioueurs laissent
souuēt robbee- pourpoitz- & chemises- puis
sen bōt tous nudz apres leur maistre le dia
ble denfer- qui les gouverne. La troisiemesme
est- que depuis quilz cognoissent la faulsete
des dez - ilz se deueroient pluſtoſt regner-
quilz ne font leur createur - lequel ne leur
fait iamais que tout biē. La quatriemesme est
pource quilz se submettent au iugement de
celuy lequel na fait iamais bon ne iuste iu
gement:

gentent : car il leur baille ce qui n'est pas a
eulx. La cinquieme est- pource quilz pren-
nent plus grand plaisir aux dez quilz ne fôt
es choses saintes & diuines. La vi. est pour
ce quilz ne soyent oyseulx ilz font chose oy-
seuse. Pource dit saint Bernard que cest
grand folie de faire chose oyseuse - pource
euite oyseute. La vii. est pource quilz seuf-
frent que leur ennemy emble vne des plus
precieuses choses quilz ayent- cest assauoir
le temps quilz perdent en iouant. La huy-
tiesme est- pource que d leurs propres maies
ilz gastent & perdēt eulx & leurs biens- les-
quelz nostre seigneur a ses propres mains
a rachete de l'arbre de la croix. La neuuies-
me est- pource que tandis quilz iouent pour
roient faire aucune chose qui leur seroit
profitable- bone & plaisante a dieu le crea-
teur- & a leurs amys- & ilz font le contraire.
La xi. est- pource quilz font oeures & cho-
ses denfans : car ilz se iouent des os & des
pierrettes- comme font les enfans. La dou-
siesme est- quilz ne cuydent point auoir plai-
sir a ce quilz font- si les ny ont aucun profit.



Le temple.

Am



D n eist dung Cheualier qui en iou-
 ant iura par les yeulx dieu- auquel
 incontinent deuant tous ceulx qui
 la estoient son propre oeil luy tumba de la
 teste dessus la table- sur laquelle il iouoit.
Item on eist dung archer- lequel p grand
 courroux tira vne sagette encōtre le ciel en
 despitant dieu- pource quil auoit perdu au
 ieu d larc: mais la sagette ne retourna pas
 iusques au lendemain en celle mesme heu-
 re quil lauoit tiree contre le ciel- laquelle es-
 toit toute pleine de sang quand elle cheut
 du ciel embas.

Le temple.

On eist de saint Bernard que vne fois
 luy estant a cheual vng ioueur luy deman-
 da se il vouloit iouer son cheual cōtre son a-
 me- auquel saint Bernard respondit quil
 en co

en estoit contet - lequel incōtinent tira trois
dez & iecta dix huit pointz : lors print le che-
ual par la bride & dit quil estoit sien & quil
auoit gaigne . Amy attendez vng peu - dit
sainct Bernard - il y a aucuns pointz en ces
dez que tu ne boys pas - pource laisse moy
iecter : lors saint Bernard print les dez - &
en les iectant l'ung des dez se departit en
deux parties - & y auoit en l'une des parties
du de quatre pointz : Et en l'autre trois - &
aux autres deux dez auoit douze - par ain-
si iecta dix neuf pointz : Lors quand le iou-
eur veit le miracle il donna a saint Ber-
nard son ame & luy fist toute obeyssance -
Puis deuint moyne de saint Bernard - &
fina sa vie sainctement.

Cum bonis ambula.

Tu dois aller avecq les bons - & fuyr les
mauluais : cest a dire que tousiours te dois
accompaigner des bōs & des vertueux & fuyr
les mauluais pleins de vices & de pechez.
Item on trouue trois manieres de cōuersa-
tions. La premiere est des bons. La seconde
est des bons avecq les mauluais. La tierce
est des mauluais avecq les mauluais - &
des mauluais avecq les bons. Le poete dit
que l'homme ne se peult passer de soy mes-
mes sans aultre compaignie : car vng amy
a besoing de son amy.

Ante-

Antequàm voceris ad confi-
lium ne accesseris.



Tu ne dois aller au conseil deuant que
tu y sois appelle: car cest grand presumptiõ:
à folsie d'aller au conseil d'autrui deuant
qu'on y soit appelle: pource que par aduerture
on ne deult pas que tu le scaches. Seneca
que dit que cest grande presumption de soy
entremettre à enquerir du conseil d'autrui
quand il ne deult pas que tu le scaches: car
il le cesse pour toy.

Mundus esto.

Tu dois estre pur à net de corps à da-
me: cest à dire que tu te dois garder des vi-
ces à pechez: cõme de luxure: auarice: à de
tous pechez contraires au corps à à lame.

Verecun-

Tu dois auoir honte & Vergongne de faire mal: car nul ne doit auoir Vergongne de bien faire. On trouue six manieres de gens lesquelz ont Vergongne de mal faire. Premieremēt deuant ceulx q̄ sont saiges- pource quon les croyt de leger de ce q̄lz disent soit bien ou soit mal. Secondemēt deuant ceulx q̄ sont deuotz & de bonne vie. Et deuant ceulx avecq̄ lesquelz nous conuersons- pource quon les croit pluſtoſt de noſtre fait que les autres que noſ ne cognoiſſons pas. Tiercement deuant ceulx qui ne ſcauent riens celler- comme ſont les baſſes leurs- menestriers- ſolz- yures & ieunes enfans. Quartement deuant ceulx lesquelz ne nous auoient iamais deu faire mal- pource quilz ne perdent la bonne fame quilz auoient deuant: car ilz cuydent que nous ſoyons bons. Quintement deuant ceulx deſquelz nous voulons eſtre aymez. Sixtemēt deuant ceulx qui ſont plus contraires au fait que nous voulons faire- pource quilz pourroient penſer que le mal fuſt plus grād quil neſt.

Rem tuam custodi.

Tu dois garder ta choſe. Le commandemēt ce peult expoſer en trois manieres. Premierement garder ta choſe: C'eſt a dire
garde

garde ton corps & ta personne - laquelle est
faite & formee a la semblance de Dieu ton
createur. Secondement garde ta chose: cest
a dire ton ame de peche. Tiercement cest a
dire ta substance & biens temporelz - affin
que ne les despenses fissent par ieux dis-
solus ou par luxure - cōme fist le filz de per-
dition - qui despendit tous ses biens avecq
folles fēmes dissolues - & deshonnestes sans
mesure.

Diligentiam adhibe.



Tu dois prendre diligence & cure de tes
besongnes en toutes choses que tu auras
affaire - tant en besongnes spirituelles que
corporelles: car par estre diligent & bien ad-
uise de son faict on escheue plusieurs incon-
ueniens

ueniens & deceptions tant du corps comme
de lame: Cest auaider par croire bon con-
seil- & donner garde des agaitz & mauys de
de ses ennemys spirituelz- & corporelz.

Blandus esto.

Tu dois estre bening- & courtois. Pour
ce que ceulx qui sont doux- & courtois nau-
ront pas tant seulement les biens de ce mō-
de: mais aussi auront le bien eternel de dieu
cōme dit saint Augustin. Saint Bernard
dit se les humbles ont le ciel- & le benings
la terre- que laissera dieu aux orgueilleux &
mauuais: certes il ne leur laissera aultre
chose sinon la peine denfer & perpetuelle
damnation.

Noli irasci abs re.

Tu ne te dois courroucer de a chose in-
certaine: Cest a dire que quand tu es cour-
rouce de la chose incertaine & sans cause le-
gitime pourtant ne dois nul iuger a tort ne
corriger a ton yre: car hōme qui est surprins
dyre ne peult veoir ne cognoistre verite ne
trahyson.

Iracundiam tempera.

Tu dois restraindre & attremper ton y-
re non pas seulement yre soubdaine & sub-
iecte: mais aussi tu te dois garder & attra-
pes

per dyre qui est sans mesure & sans raison:
C'est a dire que tu ne te dois pas subitemēt
& immoderement venger de tes ennemys
a ton appetit.

Neminem irriseris.

E Tu ne te dois mocquer ne truffer d'au-
truy especialement quand tu as desir & vo-
lunte d'auoir compaignie avecq luy: mais
te dois efforcer deestre en sa grace de toute
ta puissance.

Miserum noli irridere.

Tu ne te dois truffer des infortunez a q
fortune est contraire / especialement quā d
il est en sa fortune & misere: mais si es dois
conforter & ayder de ton pouoir & luy dons
ner bonne esperance en dieu.

Raro conuina.

Tu dois peu souuent boire & manger en
compaignie: C'est a dire que tu dois peu sou-
uent aller au conuis & manger d'austruy ne
conuier austruy a boyre na menger.

Exemple

On treuve es hystoires anciēnes que A-
lepadie arriva en vng pays - auquel les gē
faisoient grand abstinence: pour laquelle
chose

chose ilz viuoient treslonguement A ce propos racompte Boece de consolation quau premier aage du mōde deuāt le deluge- les gens ne mengeoient iamaiz chair- ne buuoient vin: mais mengeoient tant seulement ce que la terre apportoit de sa nature sans labeur- & si ieusnoient iusques au despres sans hoire ne māger- puis se souppoient de grād- & de chastaines tant seulement. Pour ce dit Boece q̄lz estoient bien heureux pour ce quilz estoient plus fors que nous ne sommes maintenant On trouue quon acquiert neuf prouffitx de sobriete en abstinence. Le premier est sante de corps & dame. Le secōd est allongnement de vie. Le troysiesme est ioyeusete de vie corporelle & spirituelle. Le quart est quon dort & repose mieulx. Le quint est pource quon a meilleur appetit de manger. Le sixiesme est pource quon acquiert louenge & grace enuers dieu. Le septiesme est deliurement de mort. Le huytiesme est refraingnement de bouche de trop parler. Le neuuiiesme est debouttement de loup- qui est le diable dēfer: car ainsi que la fain chasse le loup hors du bois: Ainsi sobriete chasse le dyable hors de l'homme.

Pauca in conuiuio loquere.

Tu



Tu dois peu parler en beuvant & en
mangeant. C'est à dire que tu dois peu
parler en beuvant & en mangeant par
mesure - quand il est necessite. Senecque
dict : Je te commande que tu parles tard-
peu - & souvent. Sainct Ambroise dict que
celuy qui ne scait parler se doit taire.

Quod satis est dormi.

Tu dois dormir par mesure quand il est
necessite : & que nature requiert & ta cõple-
xion & non plus. C'est à dire que tu te dois
garder de trop dormir & de trop veiller.

Exemple

On treuve es hystoires anciennes que
Macrobius : quand il voult combattre con-

D

tre les

tre les Assiriens voyant quil estoit trop fol-
ble- & que Assiriens estoient plus fors que
luy: il aduisa dauoir de la pouldre de mande-
gloire: laquelle faict merueilleusement dor-
mir: puis mist la pouldre en tous les vais-
seaux de vin qui estoient en sa tente: puis
fist semblant luy & tous ses gens de sen
fuyr: Lors les Assiriens vindrent audict
siege a tout leur puissance pour aller a
Macrobius: mais auant qu'ilz assassent a-
pres luy - ilz burent tant des vins de Ma-
crobius (ou il auoit mis ladicte pouldre) que
tantost leur fut force de dormir: & s'endormi-
rent en telle maniere qu'ilz estoient comme
mors. A morassement parler - le diable tue
& occist tous ceulx qui trouue endormis en
peche mortel: pource qu'ilz nont puissance
deulx deffendre - ne resister contre le diable
denfer.

Meretricem fuge

Tu dois fuyr les folles femmes - & les
maquerelles - & leurs deceptions: car elles
sont plus subtiles que le diable. Item te
dois tenir a ta femme si tu es marie. Sainct
Ihusostome dict: Celuy est fol qui laisse sa
bonne prude femme - & tient folles femmes
en sa compaignie.

L'empereur.

Pierre



Pierre Alphons raconte en son liure
quen Espagne en la cite Hispalensi
auoit vne belle Bourgoyse - & bien ay-
mee de son mary. Si aduint que y auoit
vng ieune clerc qui senamoura & la requist
plusieurs foys d'amours : mais pour riens
ne si voulut consentir. Et lors quand le
clerc vit que estoit du tout reffuse - il entre
en si grand melancolie qu'il sembloit mieulx
mort que viu. Mais pres de son hostel a-
uoit vne maquerele : laquelle auoit grand
cognoissance avec ladicte Bourgoyse.
Lors quand ladicte maquerele sceut que
ledict clerc estoit en tel point - elle vint par-
ler a luy - et luy demanda qui luy
falloit - ne pourquoy il estoit en si grand
melancolie - en le reconfortant : & fist tant
qu'elle sceut tout son faict. Et de faict
Dij fist

fist marche avec ladicte maquerele pour
trouuer maniere de faire son pfaisir de la-
dicte Bourgoyse - & de paruenir a son inten-
tion. Celle vieille maquerele auoit vne pe-
tite chiensnette qu'on appelloit parquette:
laquelle fist ieusner troys iours entiers sans
boire & sans menger: puis luy donna a men-
ger vng peu de chair - avecques tressorte
moustarde: puis sen alla parler a la Bour-
goyse - & mena la maquerele sa chiensnette
avec elle: mais pource quelle auoit men-
ge celle moustarde - elle ne faisoit que pleurer
& plaindre. Et lors ladicte Bourgoyse luy
demanda pourquoy sa chiensnette pleuroit
& se cōplaignoit si fort: laquelle luy respon-
dit en soupirant & en pleurant. Helas ma-
dame: ma chiensnette & moy auōs bien cau-
se de pleurer. Pourquoy - dit la Bourgoyse:
ie vous prie que vous me disez la cause. He-
las madame - ie ne le vous oseroy dire: tou-
tesfois la Bourgoyse la pria tāt quelle luy
dist. Madame - puis quil vous plaist ie le
vous diray: Ceste chiensnette que vous voyez
icy est ma propre fille: laquelle par la vo-
lunte de dieu a este muee en vne chiensnette:
pource qu'vng ieune homme laymoit: mais
pour riens ne se voulut consentir de luy satis-
re sa volūte: parquoy les dieux se sont con-
soulez & l'ont muee en vne chiensnette: com-

me vous voyez : & pource pource ainsi con-
tinuellement : & quand elle le ne me puis ten-
nir de pleurer. L'Œment dist la Bourgoyse :
vous dictes merueilles : est il vray ce que
vous dictes : laquelle luy iura que cestoit la
pure verite. Helas dist la Bourgoyse (qui
creut de legier - & luy dist) : Ne cognois tu
pas ung tel clerc : Duy dea madame : ie le
cognois bien. Certes dist la Bourgoyse : il
ma prie de damours : & ma offert plusieurs
grans dons : mais iamais pour riens ne me
suis voulu accorder de faire a son plaisir de
moy : pourquoy ie scay quil est en grand me-
lancolie & langueur - comme on ma dict : &
pource sil estoit ainsi comme tu dis : ie se-
roye muee en vne chiennette - comme est ta
fille : se les dieux se courroucoient a moy.
Certes dist la maquerele : se tenez langue -
ment le clerc en telle langueur & melanco-
lie : vous estes en grand peril destre muee en
vne chiennette : & si en pourrez pleurer tous
les iours de vostre vie : Parquoy ma dame :
ie vous conseille auant que les dieux se cour-
roucent a vous - que vous faciez la volonte
dudict clerc : car se vous estiez muee en vne
chiennette - vous seriez deshonoree : & aussi
feriez deshonneur a tout vostre lignaige - &
a vous mesmes tout premier : aussi ladicte
Bourgoyse saduisa par ladicte maquerele

doubtât son deshonneur : & aussi de ses pa-
rens : & se cōsentit & creut ce quelle luy auoit
dict. Lors en gâs souspirs & melancolie pour
doubte quil ne luy vint pis : dist a la maque-
relle quelle alast vers ledict clerc : & quelle
luy dist quil vint parler a elle : & quil feroit
delle ce quil luy plairoit. Lors la maquerelle
fut moult ioyeuse en son cuer. Puis sen
va vers ledict clerc- & luy dist quil fist bon-
ne chere : & que incontinent sen alast vers la
Bourgoyse : & quil feroit delle a sa volun-
te : lequel y alla incontinent : & paya la ma-
querelle ce quil luy auoit promis : & ainsi fist
a sa volonte de sadicte Bourgoyse- par le
moyen de ladicte maquerelle.

Vino te tempera.

Tu te dois attemper de vin : & boire par
mesure : cest a dire quon doit boire tant quil
fussise a nature- & non plus. Aristote dict en
ses secretz quil enuoya a Alexandre que
plusieurs maux benoient de boire trop de
vin. Le premier est- pource quil trouble l'en-
tendement & memoire. Le deuxiesme est :
car il empesche le sens. Le troiziesme si est :
pource quil trouble le cerueau. Le quatries-
me est : pource quil affoiblist & debilite les
vertus de l'homme. Le cinquiesme est : pour-
ce quil faict auoir mauuais appetit. Le
sixiesme

sixiesme est- pource quil faict trembler les
membres. Le septiesme est- pource quil en-
gendre & embrase tout le corps de chaleur: &
si de struyt le foye: faict Venir gros sang:
generalement destruyt & affoiblist toutes
les vertus du corps & de lame.

Le temple.



O Il y eut ung Hermite qui souuent es-
choit tente de laisser son Hermitai-
ge: & de retourner au monde: auquel
si apparut ung Ange de par Dieu son crea-
teur: & luy dist - que sil vouloit retourner
au monde: quil ne pourroit iamais eschap-
per quêtre tous les autres maux & pechez
qui se font en cestuy monde quil y en auoit

troys: desquelz faisoit quil en commist ung:
cestassauoir auarice- luxure- & yuressse: &
quil esleut lequel bonedroit commettre des
troys. Lors L hermite respondit- & dist: puis
quil conuenoit quil commist l'ung des troys
pechez quil esleiroit yuressse: & non pas auarice:
pource que auarice est racine de tous
pechez- ne aussi luxure: pource quelle gaste
& destruyt tout le corps de l'homme. Et ainsi
le meschant retourna au monde: lequel ung
iour beut si largement du vin quil fut yure:
& incontinent fut tente du peche de luxure:
lequel peche commist de faict: & apres de-
uint auaricieux: & se mist a embler: & par
ainsi tous les troys pechez: cestassauoir a-
uarice- luxure- yuressse: & non yuressse tant
seulement commist.

Nil ex arbitrio virium feceris.

Tu ne dois rien faire de ton arbitraire:
cestassauoir sans conseil de plus saige que
toy: & que tu ne dois pas faire en ton con-
seil a force corporelle- & spirituelle- nen ta
science & sapience: mais tu dois prendre &
requerir le conseil d'autrui & des saiges &
parler de la chose que tu vaudras faire: car
plusieurs voyent plus cler- & scauent plus
que ne faict ung tant seulement.

Patien-

Patienter parentes vince.

Tu dois vaincre tes parens par douces parolles courtoyses & amiables sans faire force ne rebellion contre iceulx: pour ce que cest vng des principaulx commandemens de nostre loy qu'on doit obeyr à son pere & à sa mere.

Patere legem quam ipse feceris.

Tu dois garder la loy que tu as faicte & ordonnee. Cest à dire tous ceulx qui ont faictes les loix: & qui les font de iour en iour doiuent garder & commander les garder.

Exemple.

Valere racôpte en son cinquiesme liure dung qui fist vng edict que quiconques seroit prins en adultere perdroit les deux yeulx. Or aduint que le filz de celuy mesmes qui auoit faict ledict fut prins en adultere: auquel vouloit faire oster les deux yeulx: Mais les seigneurs de la cite prièrent pour luy: affin qu'il luy pardonnast: mais son pere pour riens ne si vouloit consentir: car il vouloit faire iustice & equite: & garder la loy quil auoit ordonnee: mais pour complaire aux seigneurs & à tout le peuple ordonna quil perdroit vng oeil: & son filz laultre: affin que son filz ne perdit du tout les deux:

Deue: & aussi que la loy fust gardee & iustice
obseruee.

Moli concupiscere alienum.



Tu ne dois couuoiter les choses d'au-
truy: car cest contre vng des cōman-
demens de nostre loy. Tullies dict que
nul ne doit reputer les richesses estre a luy:
ne pour luy tant seulement: touteffoys les
richesses sont: & doiuent estre principallē
pour le bien commun & proffit de chascun.

Illud stude quod agere bonum est.

Tu dois estudier de faire ce qui est ne-
cessaire: vtile & profitable au corps & a l'a-
me. Sainct Isidore dict que pour faire vng
mas

mal on pert plusieurs biens: car par ung
 peche plusieurs iustices sont subuerties &
 perdues: pareillemēt par ung mal sont plu-
 sieurs biens subuertis & perdus. Pource tu
 dois mettre peine & diligence de tousiours
 bien faire.

Le temple.



Nous eisons dung roy qui auoit trois
 filz: esquez en la fin de ses iours fist
 son testamēt: cest assauoir que le plus
 paresseux de ses filz seroit son hoir. Lors
 chascū: affin quil peust venir audict herital
 ge vouloit dire quil estoit le plus paresseux.
 Le premier dist qd estoit si paresseux: que sil
 estoit assis empres le feu: & ses iābes ardoient
 quil ne se leueroit pas Le deupiesme dist: qd
 estoit si paresseux: que sil auoit la corde au
 col:

col: & Vng bon coustel bien trenchant: que
son le deuoit pendre quil ne trencheroit pas
la corde. Le troiesme dist: que fil estoit en
Vng bon tict: & la pluye luy cheust conti-
nuellement par dessus les deux yeulx: que
ia pource ne sen releueroit: ne se mettroit a
dextre ne a senestre: & a cestuy dernier don-
na ledict Roy son heritaige- & si iugea quil
estoit plus paresseux que nul aultre. A mo-
ralement parler par cestuy Roy est entendu
le grand diable denfer: lequel est roy & prince
de tous les paresseux. Par le premier filz
sont entenduz ceulx qui sont de mauuaise
compaignee: lesquelz ayment mieulx estre
bruslez du feu de peche: que de laisser leur
mauuaise compaignie. Par le second filz
sont entenduz ceulx qui sont peche mortel:
car iacoit ce quilz scachent bien quilz sont
bien lyez de peche au lyeu du diable: & iugez
a estre mors & penduz au gibet denfer: tou-
teffoys ilz sont si negligens quilz ne veulent
tailler la corde de leur cousteau qui est assez
trenchant: cest assauoir de leur langue par
confession. Par le tiers sont entenduz ceulx
qui tous les iours oyent parler des peines
denfer & de purgatoire: & des ioyes de Pa-
radis- & de tous vices & pechez: & comment
on se doit confesser: & touteffoys ilz sont si
negligens- quilz ne se scauent confesser ne
oster

offer de peche qui est fenestre pour euitier les
peines denfer- ne aller a la dextre: car par
brave contrition on peult acquerir la gloire
de Paradis.

Libenter ferto amorein.

Tu dois porter honneur a tout homme:
cest assauoir que tu te dois gouverner en tel-
le maniere avec toutes personnes que tu
hantes & conuerses - que tu soyes en leur
grace - & amytié : & te dois garder de faire
chose contraire a brave amictéce - parquoy
tu puisses perdre leur amour: & estre en leur
indignation.

SI deus est animus, nobis vt carmina di-
dicunt,
Hic tibi præcipuè sit pura mète colendus.





Le premier commandement de
la premiere partie metricasse
est- que tu dois adorer & croire
Vng seul Dieu en essence : les-
quel a pouoir & puissance sur
toutes choses visibles & invisibles : & fin &
commencement de toutes choses : cōme dict
Salomon : Il gouverne toutes choses par
iustice- poix- & mesure- & par diuine & ex-
cellente grace : a cause! que nous sommes
formez & creez a sa semblance & figure : car
si ne estoit - & si ne nous gouvernoit - toute
nature retourneroit a neāt : cōme elle a este
faicte de neāt- & croire fermement nous en-
seigner raisons - & les chansons desdictz
sainctz Apostres & prophetes- comme il ap-
pert cleremēt es troys Credo: lesquelz chan-
te nostre mere sainte eglise : cest assauoir
au Credo des Apostres - & au Credo qu'on
dict a la messe : & au Credo qui est contenu
au pseaulme de Quicunque vult saluus esse.
&c. Parquoy maintenāt sans plus atten-
dre chascun se doit honorer & resiouyr en
Vraye ferme creance- sans nulles fictions &
corruptions - & par pure - deuote - & nette
pensee : pource quil est par dessus toutes
autres creatures Vng seul Dieu eternal-
fin & commencement de toutes choses.

Au



A D temps que le saige Platon re-
 gnoit: vint & regna vne grand mor-
 talite: si horrible: que les gens mou-
 roient soudainement: lors quand
 Platon vit quil regnoit si cruelle
 mortalite: il fist tant par sa subtilite: quil
 sceut la cause dõt venoit la pestilence: & mor-
 talite: lequel fist faire vng moult grand mi-
 rouer: puis apres le fist porter sur vne moult
 haulte montaigne: & regardoit bien souuent
 dedans le mirouer: en telle maniere quil co-
 gneut & apperceut la cause de ladicte pesti-
 lence: car il vit vne grande multitude de gēs
 qui sailloient de la cite: lesquelz mouroient &
 tumboient soudainement a terre mors. De
 rechef regarda audict mirouer: & vit en deus
 grādes basses - qui estoient dune part & daut-
 tre de la montaigne: & vit vne grāde multi-
 tude

tude de dragons d'une part & d'autre sur les
roches desdictes basses: lesquelz regar-
doient l'un l'autre & siffoient merueilleu-
sement. Et par ainsi apperceut moult cle-
rement Platon que la mortalite & pestilen-
ce venoit du sifflement des dragons: lesquelz
corrompoient l'air: parquoy les gens mou-
roient subitement: a laquelle chose mist le
dict Platon remede: car il fist faire esdictes
basses grands feux: en telle maniere que les
serpens estoient cōtrainctz eulx venir bruf-
ler & saisir dedans lesdictz feux: & ainsi fut
la cite gardee & preseruee de la pestilence.
A parler moralement- au tēps de Platon:
cestassauoir au temps que regnoit saint
Pierre & les autres Apostres: apparut en
sainte eglise vne si grande multitude de dra-
gons: cestassauoir d'hereses & mescreans:
lesquelz par leurs soufflemēs & faulces do-
ctrines preschoient contre les euangilles: &
contre la foy que nostre seigneur nous auoit
baillee & laissee: speciallemēt contre les ar-
ticles de la foy: & semoient plusieurs erreurs
pour peruerbir le peuple de Iesuchrist a
mauuaise creance: mais le Bray Platon-
saint Pierre & les autres Apostres vin-
drent: lesquelz nous ont baille vng beau mi-
rouer: auquel sont tous les articles de no-
stre foy: esquelz nous nous debuons souuent
mirer

mirer & croire fermement - sur peine de estre
bruslez au feu & ballée denfer comme furent
les dragons: par lesquelz articles sont con-
fonduz les erreurs des anciennes heresies.

Plus vigila semper, ne somno deditus esto, v
Nam diuturna quies vitiis alimēta ministrat.

Tu dois veiller en bōnes oeuvres: & fuyr
paresse: laquelle est mere & nourrice de tous
pechez: car par trop long repos & ociosite
sont engendrez principalement trois gros pe-
chez: cest assauoir auarice - luxure & paresse.



Nous lisons en vne hystoire de Grece-
dun homme qui trouua en vng desert vng
aultre homme tout nud: lequel homme sen
fuyt si tost quil lapperceut venir: Mais il
courut

eurut tant apres : que en la fin il le accou-
cent. Et quand l'homme nud vit quil ne pou-
uoit plus fuyr- il se arresta. Et l'autre luy
demanda pourquoy il sensuyoit ainsi fort
deuant luy: le quel luy respondit quil y auoit
en son pays ung roy : le quel auoit vne tour
toute pleine dor & d'argent : laquelle ledict
roy faisoit garder merueilleusement : car
elle estoit en telle maniere faicte : que tant
comme celuy qui la gardoit veilloit: que nul
ny pouoit entrer pour rober le thresor: mais
si tost quil sendormoit: chascun y pouoit en-
trer: & rober ce qui luy plaisoit. Mais le roy
pour euer les perilz de ladicte tour : affin
quil ne perdist son thresor: bailloit toutes les
nuictz a celuy qui vouloit veiller en ladicte
tour : vne pierre precieuse : laquelle a telle
proprieete- que iamais ne se pouoit endormir
celuy qui la tenoit en sa main : mais si tost
que ladicte pierre luy eschappoit de sa
main- il sendormoit. Lors fist crier ledict
roy sur pene de perdre la teste- que celuy qui
garderoit ladicte tour: ne laissast tumber de
sa main ladicte pierre- affin quil ne sendor-
mist - & perdist son thresor. Or aduint vne
nuict que ie fuz commis pour garder ledict
thresor & veiller en ladicte tour : ie laissay
tumber ladicte pierre de ma main: parquoy
mendormis incontinent- & ainsi le thresor de
celuy

celuy roy fut pille a robe: parpuoy doubtant
la punition a sentence du roy: ie men suis
venu en ce desert comme tu vois. A moral-
lement parler - par cestuy roy est entendu
dieu le pere: lequele est roy des roys- seigneur
des seigneurs. Par la tour a thresors dois
entendre l'homme humain: auquel dieu a
mys ung moult grand thresor de grace a de
vertu. Par celuy qui gar doit la tour dois
entendre la raison a entendement de l'hom-
me: car tant que raison veille en l'homme: il
est impossible que les vices a pechez entrent
en la tour: cest assauoir en l'homme. Si tost
que raison dort - a entendement fault- les
vices a pechez entrent en la tour: cest as-
sauoir en l'homme: a ro bent a mettent a
neant le thresor du roy: cest assauoir les ver-
tus de l'homme: a pource est mis a condam-
ne estre au desert tant qu'il aura faict satis-
faction. Pource appert clerement que chas-
cun doit veiller en bonnes meurs. Par la
precieuse pierre est entendu Iesuchrist qui
nous garde de dormir en peche- quand nous
auons memoire de sa benoiste passion.

Virtutem primā esse puta cōpescere linguam,
Proximus ille deo qui scit ratione tacere.

Du se
E ii

¶ Tu te dois taire- & parler par raison- & mesure en tēps & en lieu : car celui est amy de Dieu qui seait taire & parler par raison & mesure- pource que cest la premiere & principale vertu que l'homme peut auoir pour les maux qui sensuyuent des noyses & dissensions qui se meuuent entre les hommes de quelques conditions qu'ilz soient. Salomon dict qui se seait taire & parler a point- est tressaige & prochain amy de Dieu.

Exemple.



¶ On liq̃t que le diable par trente ans- & plus- seſtoit effaye de mettre noyse entre ung marchant de draps & sa femme: lesquelz estoient de tresbonne vie- & quilz

qu'ilz saymoient tresbien : lequel ne pouoit
trouuer maniere de mettre dissention entre
eulx. Lors le diable se mist en figure d'ung
hōme: puis sen alla en vng chemin : auquel
il scauoit qu'il passoit souuent vne maquerelle.
Lors lassist deffoubz vng arbre moult
pensif - triste - & dolēt par semblance: lequel
tenoit en sa main vne bourse pleine d'argent:
puis ainsi que ladicte maquerelle passoit
par ledict chemin - elle trouua ledict ieune
homme assis au chemin: laquelle luy demā-
da qu'il attendoit - ne pourquoy il estoit si
pensif. Le ieune homme luy respondit qu'il
luy donneroit celle bourse pleine d'argent
qu'il tenoit en sa main s'elle luy vouloit iurer
& promettre faire ce qui luy diroit. Laquelle
luy iura & promist quelle feroit tout ce qu'il
luy cōmāderoit. Lors luy dist le ieune hom-
me: Je doubte moult deestre puny en enfer-
pource que iay este trente ans ou plus pour
mettre dissentiō entre vng drappier & sa fe-
me: pource ie te dōne ceste bourse se tu peulx
mettre dissentiō entre eulx. Lors ceste ma-
querelle print la bourse: puis sen alla incon-
tinent parler a la femme de celui drappier:
& luy dist ainsi : Helas madame iay grand
cōpassiō de vous: car vostre mary est en mō
hostel - & a tant faict qu'il a eu compaignie
avec vne ieune femme qui demeure en mon

Hostel & luy a promis de luy donner le drap
d'une robbe du plus fin qui soit seâs. Ha- dist
la dame- ie ne croy pas ce que vous dictes:
car ie l'ay tousiours trouue bon & loyal.
Certes- dist la maquerelle: ie les ay trouuez
au faict: & demain vous en verrez le ppericee
quâd elle viendra querir le drap. Puis apres
la Vieille sen va parler au mary de la Bour-
goyse- & luy dist quelle auoit trouue sa fem-
me à leglise parlant à ung ieune clerc: &
quelle auoit entendu quelle se vouloit ro-
ber- & sen aller par le pays ensemble. Ha-
dist le mary: ie ne le pourroys croire: car ie
scay bien que ma femme est prude femme.
Certes- dist elle: ie vous affie quil est Bray:
vous les trouuerez parlât de brief ensemble.
A tât sen va la Vieille à son hostel: puis en-
uoya la ieune femme qui estoit en son hostel
pour acheter du drap audict marchand.
Lors quâd la femme du drappier la vit- elle
se pensa & creut quil estoit Bray ce que la
Vieille luy auoit dict: laquelle en prit si grâd
courroux & melâcolie quelle ne peut soup-
per: dont son mary fut moult esbâhy & es-
merueille: Car desia auoit souspeçon sur
elle de ce que la Vieille maquerelle luy a-
uoit dict: lequel daultre part commenca à
faire mauuaise chere. Et lendemain ladicte
Vieille fist tant que le ieune clerc parla à la
femme

femme a la presence de son mary. Et adonc
le mary si pensa quil fust Bray. Et de res-
chef la Vieille sen retourna a la Bourgoyse &
luy dist: dame estes vous bien certaine de ce
que ie vous ay dict: certes vous estes per-
due se tantost ny mettez remede. Helas- dist
la Bourgoyse: quel remede y pourray ie met-
tre: Je vous diray- dist la Vieille: faictes ce-
ste nuict quavez vng rasouer: & quand il sera
couche- & qe dormira- vous coupperez troys
poilz de sa barbe: puis les bruslez & donnez a
meger: car iamais depuis nyra vers la ieun-
ne feme si luy bouedia mal de mort: & vous
aymera mieulx que deuant. Certes- dist la
Bourgoyse- vous dictes bien: & ie feray tout
ainsi comme vous lauez dict: puis apres la
Vieille sen alla parler a son mary: & luy dist
que celle nuict sa femme sen vouloit aller
avec le clerc dessusdict: & que sa femme luy
vouloit coupper la gorge: & commēt elle le
deuoit ennyurer. Lors quand vint apres soup-
per: le drappier fist semblant destre yvre- &
dict quil se vouloit aller coucher: & si tost
quil fut couche fist semblāt de dormir. Lors
sa femme print le rasouer pour luy coup-
per trois poilz de sa barbe: comme la Vieille
luy auoit dict. Mais luy q ne dormoit pas:
la prit par la main- en laquelle elle tenoit le
rasouer. Puis apres le marchāt appelle ses

seruiteurs - & puis leur monstra moult euz
demment comme sa femme le vouloit occi-
re & mettre a mort. Le lendemain mada ses
parens & amys & voisins: puis leur dist tou-
te la maniere comme elle luy vouloit coup-
per la gorge. Laquelle comme vaincue ne
seauoit dire mot: car elle ne pouoit dire le
contraire. Mais elle auoit vng bon preu-
d'homme chappellain - qui la tira a part - &
la requist quelle luy dist toute la pure veri-
te. Laquelle luy compta de mot a mot com-
ment la Vieille luy auoit conseillie - de faire
tout ce que vous auez oy: puis appella le
drappier - lequel luy racôta tout son faict.
Adonc on manda la Vieille - & luy fist on di-
re la verite par force de tout le faict: & quâd
on cogneut la trahison que la Vieille auoit
faicte: ilz furent amys comme deuant. Par
cestuy exemple appert clerement que plu-
sieurs mauys viennet par mauuais lan-
gues - & par mauuais rapports.

Sperne repugnando tu tibi contrarius esse,
Conueniet nuli, qui secum dissidet ipse.

Tu ne dois muer ton conseil quand il est
vtille: nestre contraire a toy mesmes - pour-
ce que celui qui est contraire a soy mesmes
ne s'accordera ia avec vng aultre: & pource
dois

dois estre ferme & constant en toy mesme:
sans nulle mutatiō cōtraire a raisō & verite.

Exemple.



On ligit en vne histoire de Rome: que
vng Empereur de Rome qui estoit
moult ancien: se maria a vne moult
belle Roynie: laquelle saccointa de son cuy-
sinier: en telle maniere quelle en eut vng en-
fant masle: & L'empereur cuydāt que ce fust
son filz: quand il fut en aage d'apprendre: le
bailla a vng saige Prophete: Mais l'Em-
pereur tantost apres mourut. Lors le dict
Prophete considerant quil estoit vieulx: &
pres de sa mort: & aussi pource qe scauoit les
conditiōs dudict enfant & ieune Empereur:
& qui estoit son pere luy cōpta sa naissance:
& quē

¶ qui l'auoit engendré: & luy dist en celle ma-
niere: Sçaches que tu es noble de par ta
mere: car tu es filz du cuyfinier de L'empereur:
lequel estoit de tresuail sang. De par ta
mere tu te floues a faire hautes & excellen-
tes oeures: de quoy tu ten orguilles: & des-
pises les ducz & cōtes de ta court: parquoy
desirent plus ta mort que ta vie. Item d'au-
tre part: pource que tu es de tresuail sang de
par ton pere: tu t'applique a ieux deshon-
nestes: & a plusieurs vices: parquoy tu es a
despiser des princes & des barons: & par
ainsi tāt d'une part que d'autre tu en pour-
rois perdre ton empire. Mais affin que tu
euies lesdictz vices & inconueniens ie te don-
neray vne tresbonne & profitable doctri-
ne: car tu te vestirās dorenauant d'une rob-
be nupartie: dōt l'une partie sera de tresbon
fin drap: & l'autre sera de tresuail: affin que
quand tu seras tente de faire vile chose &
deshonnestie que tu regardes la partie de ta
robbe qui est de fin drap: cest assauoir que tu
consideres comment tu es de noble sang de
par ta mere. Et par ainsi tu te corrigeras
en toy mesmes. Assi semblablement quand
tu voudras faire aucunes hautes beson-
nes & tresexcellentes. Regarde de l'autre
partie de la robbe qui est de vil drap. C'est a
dire que tu consideres comment tu es vil de
par ton

par ton pere : & par ainsi tu te garderas de
te orgueillir : & seras tousiours vny en toy
mesmes : ne iamais ne feras chose en toy
contraire.

Si vitam insipias hominum, si denique mores,
Cum culpes alios, nemo sine crimine viuit.

Tu ne dois iuger - blasmer - ne diffamer
auctruy : Car quãd tu blasmes les aultres :
tu dois considerer que nul ne vit sans blas-
me : parquoy tu dois premier estre sans pe-
che - & vertueux - que vouloit faire les aul-
tres vertueux & sans peche.

Exemple.

Nous tisôs en la vie des peres que saint
Moyses hermite fut esleu pour iuger son fre-
re qui estoit coupable de peche : lequel print
vng viel sac plein - & le portoit avec luy -
quand on l'interroguoit pourquoy il portoit
celuy sac - & que cestoit dedans. Il respondit
que cestoit ses pechez : lesquels il ne deoit
point. Et aujourdhuy - dist il : ie suis esleu
pour iuger les pechez des aultres.

Que nocitura tenes, quãuis sint cara relinque
Vtilitas opibus præponi tempore debet.

Tu dois laisser toutes choses qui te sont
contraires - ou nuisibles - iacoit ce quelles
soient cheres - precieuses & delectables : car
l'utilite

utilite: Cest assauoir honneur & bonne fa-
me- tant du corps cōme de lame: & vie spi-
rituelle - doiuent estre preferees & gardees
plus que toutes les richesses & plaisirs mō-
dains de ce monde: qui sont transitoires &
passees en peu de tēps. Si ton oeil te scan-
dalise oste le de toy: car il vauet mieulx per-
dre vng oeil que tout le corps.

Le temple.

Quons voyons par experiance que quand
vng chien porte vne piece de chair en sa
gueulle quand il voit l'umbre de la piece de
la chair quil porte- & quil cuyde prendre l'um-
bre de ladicte piece - qui est plus grande la
moitie que sa piece: mais est trompe: car il
ne trouue riens. Pareillement plusieurs
laisent de seruir dieu pour seruir les vani-
tez & plaisirs de ce monde - qui ne sont que
vmbre au regard de la gloire de Paradis:
pource les deuons laisser: car elles nous
sont nuysibles: iacoit ce quelles soient cheres
tenues- moult plaisantes & delectables.

Constans & leuis, vt res ipsa ex postulat esto,
Temporibus mores sapiēs sine crimine mutat.

Tu dois estre constant & ferme: tāt com-
me la chose le requiert en tēps & en lieu: tāt
en prosperite cōme en aduersite: car le saige
peult

peult & scait muer sans nulz blasmes ne pes-
chez en temps & en lieu: car aucuneffois est
necessite quil soit doulo- & aucuneffois ri-
goureux. L'homme constant & ferme acquiert
moult de biens tēporelz & de vertus. Et par
le contraire l'homme inconstāt despend moult
de biens - & tūmbe en plusieurs vices & pes-
chez. Le saige dict que diuerses meurs & cō-
ditiōs correspondēt a plusieurs: & en diuers
lieux: & dict quil ya tēps de parler- & temps
de mourir- tēps de rire- tēps de plourer- tēps
de plāter- tēps de semer & moissonner- tēps
de spargner & de despendre - tēps de guerre-
tēps de paiz: mais en tous temps doit estre
ferme & constant - & non muable.

Nil temere vxori de seruis crede querenti,
Sepe etenim mulier, quē coniunx diligit, odit.



Tu ne dois croire follement de legier ta femme qui se cōplainct de ses seruiteurs: car la malice femme hayt souuent ce que son mary ayme: specialement quand elle scait que son mary les ayme. Sainct Chrysostome dict quil y a trois choses a quoy on cognoist se la femme hayt ou ayme son mary. Premièrement quand elle cuyde que ce soit le plus saige de tous les autres. Secondement quād elle cuyde que ce soit le plus sot. Tiercement quand elle cuyde quil soit le plus beau. Et rend la raison pourquoy: & dict que parfaicte amour ne peult cognoistre: ne faire iugement: car se tu hays parfaicement vng homme ou vne femme: tout ce quilz feront te desplaira: iacoit ce quil soit bon & proffitable. Et par le contraire se tu aymes oulceune personnes tout ce quil fera & dira te sera agreable: & iacoit quil te soit contraire.

Cūque mones aliquē, nec se velit ipse moneri,
Si tibi sit charus, noli desistere cēptis.

Tu dois resister & admonester par doulces parolles ton amy: & toutes autres personnes: & quand ilz ne se deulent chastier par tes parolles. tu dois tousiours persueuer en les admonestāt de plus en plus sans cesser.

cesser : Speciallement quand ils sont tes
chers amys - & que la chose te touche.

Contra verbosos noli contendere verbis,
Sermo datur cunctis , animi sapientia paucis:

Tu ne dois estimer ne prendre noyse, a
uec ceulx qui sont pleins de parolles super
feues & iniurieuses: car la parolle est donnee
a tous : mais la sciëce de scauoir refraindre
& moderer son couraige & son yre est donnee
a peu de gens. Premièrement nul ne doit
prendre noyse avec l'homme noble & puis
sant: pource qu'aucunesfoys tu pourrois
choir en son danger. Secondement avec
l'homme riche: pource que pour son or & son
argent pourroit trouuer maniere de toy
nuire & greuer. Tiercement avec celui qui
est plein de superfeues & iniurieuses parol
les: pource que tu ny pourroys auoir hon
neur: iacoit ce que tu eusses bonne cause &
iuste. Quartement contre celui qui prend
voluntiers noyse & debat a tout homme - &
sans raison: car par petites parolles on
vient a grandes parolles souuent & a grand
inconuenient.

Exemple.

On



O ligit en la Vie des peres qu'un
 saint homme nommé Macaire: auquel
 fut reuele par la volonte diuine quil
 y auoit en vne cite pres la ou il demouroit
 deux femmes & deux freres: lesquelles na-
 uoient iamais eu noyse ne debat ensemble
 de dict & de faict - ne de pensee: lesquelles
 alla veoir come il luy auoit este dict de par
 dieu: mais si tost quelles veirēt le saint pu-
 shomme: cōmencerēt a crier a haulte voix:
 en disant: Ha sire - pleust a dieu que ce fust
 le plaisir de noz marys que nous entrissions
 en religion: car cestuy monde ne nous plaist
 point: pour cause des noyses & debatz qui
 si font. Lors le saint pere les conforta: &
 leur dist quelles perseuerassent ainsi come
 elles auoient accoustume en bonne amour
 & dilection: tant quil plairoit a dieu & a la
 benoiste

Benoiste vierge Marie- & aussi a leurs mar-
rys.

Dilige sic alios vt sis tibi charus amicus.

Sic bonus esto bonis, ne te mala damna se-
quantur,

Tu dois aymer chascun- & toy premier-
ement: car tu dois en telle maniere estre
bon aux bons- & a tout homme qui ne puisse
benir aucun dommaige: Car charite doit
comencer a soy mesmes: Pour ce dit saint
Augustin quod doit mettre ordre en charite &
amour. Premierement on doit aymer dieu:
car il est par dessus nous. Secondement son
ame & pensee- pour ce quelle est entre nous.
Tiercement son prochain & amy- & les an-
ges- pour ce quilz sont delez nous. Quar-
tesment on doit aymer les choses exterieures-
pour ce quelles sont d'empres nous- desquel-
les nous viuons corporellement.

Des signes d'amour. Le premier signe
est: car celui qui t'ayme oyt voluntiers par-
ler de toy. Le deuziesme signe: car il parle
voluntiers de toy: Le tiers: car il pense sou-
uent en toy sans soy ennuyer. Le quatriesme:
car il met pour toy son corps & ses biens a
ton besoing. Le cinquiesme: car il te garde
de dommaige. Le. vi. car il appaise le domai-
ge que

ce qu'on ta fait. Le vii. car il a ioye d ta pſ-
perite- & bonne fortune. Le viii. car il a ioye
& plaisir de te deoir & de ta presence. Le ix.
car il a desplaisir de ton absence. Le x. car
il ayme ce que tu aymes - & hait ce que tu
hais. Le xi car il met peine de te faire plai-
sir. Le xii. car il doubte de te faire desplai-
sir. Le xiii. car il met peine dattraire les
autres a ton amour. Le xiiii. car il garde
cherement ce que tu luy donnes. Le xv. car
il fait ce que luy conseilles. Le xvi. car
il te demande feablement conseil de ses af-
faires.

Rumores fuge, ne incipias nouus author ha-
beri.

Nam nulli tacuisse nocet, nocet esse loquutū.

Tu ne te dois entremettre de raconter
nouuelles ne mensonges- affin qu'on ne die
que tu soyes controuueur & deuineur de mē-
songes- & de nouuelles tēsons : car bien peu
parler nuist bien souuent: mais trop parler
nuist bien souuent- pource faulx soy taire &
pler a point: car plusieurs parolles ne peu-
uent estre sans vices & pechez.

Item le saige dit que trop parler est con-
traire a nature- pource que nature nous or-
donne vne bouche & deux oreilles en signi-
fiant

fiant que nous deuons deux fois plus ouyr
que parler: car tout homme doit estre leger
doyr a tardif de parler. Pour ce dit Socrate
a ung homme qui parloit trop: Dy moy
dit il- toy qui nas quune bouche a deux o-
reilles pourquoy tu dois deux fois plus ouy-
r que parler.

Rem tibi promissam, certo promittere noli.
Rara fides, ideo quia multi multa loquuntur.

Tu ne dois a auetruy promettre la cho-
se certaine quon ta promise- laquelle p ad-
uerture est incertaine. Pour ce ne doit on croi-
re ne adiouster foy au dit de plusieurs: car
peusieurs souuent disent le cōtraire de ce qez
deussēt faire. Ainsi cōne se tu promettoys
a aucun de bailler dix ou douze florins: les-
quelz on ta promis pour certain - tu pour-
rois estre trouue mesonger: car celui qui les
ta promis pour certain- par aduerture nen
fera riens Et ainsi tu ne dois point promet-
tre assigner la chose a auetruy que tu nas
de fait en ta puissance: car celui qui pro-
met de leger est souuent tenu mensonger.
On dit communement que celui est fol de
promettre de donner l'anguille qui tient par
la queue - laquelle luy peult eschapper de
leger.

Cum te quis laudat, tuus iudex esse memeto.
Plus aliis de te tu, quam tibi credere noli.

¶ Tu dois estre iuge des louenges qu'on te
fait ou donne & attribue a toy : car tu dois
plus croire toy mesmes qui en scais la ve-
rite - que croire follement ce que les autres
dient de toy - comme font les flateurs qui
veussent impetier graces deuers aucuns p
flaterie. Selon qu'on treuve en droit cand
il ya quatre manieres de louenge: Premie-
remet quand on t'attribue le bien que tu as.
Secondemet quand on exauce trop le bien
que tu as. Tiercement quand on reprouue
le mal que tu as - & qu'on scait en toy. Quar-
tement quand aucun ment a son escient
pour toy complaire. Item pour quatre cho-
ses tu ne dois croire ces flateurs. La pre-
miere pource qu'ilz sont come oyseleurs - &
beneurs - lesquelz te veussent decevoir par
leurs laqs - & douces parolles. La seconde
est pource qu'ilz ressembtent la Seraine qui
endort les Hariniers - & puis les fait perir.
Dinsi font les flateurs p douces parolles -
& puis les font tumber en plusieurs vices &
pechez. La tierce: car ilz ressembtent a L'es-
corpion & a la mouche a miel qui oignent p
deuant & poignent par derriere. La quarte
est pource qu'ilz sont comme flateurs qui
froient

froyent les boeufz sauuaiges pour les pren-
dre: car ilz frotēt a gratent la teste affin qes
les puissent prendre a mener a mort. pquoy
tu dois fuyr toutes telles deceptions fon-
dees en douces parolles a decepuables.

Officium alterius multis narrare memento.
Atque aliis cum tu benefeceris ipse, fileto.



Tu dois dire a racōpter a plusieurs les
biens faitz d'autrui - cest assauoir les biens
que les autres ont fait - affin que tu ne soy-
es repete de scognoissant des biens - offices -
a autres benefices quon ta faitz a donnez:
mais quand tu feras aucuns biens tu ten
dois taire. Et les faire tāt secrettemēt que
la main senestre ne scache que fait la dext-
re. Cest a dire que tu le dois faire sans bai-
f iii ne

ne gloire-hypocrisie:pource que les ypocri-
tes si donnent plus pour auoir louenge du
mōde-que pour l'amour de dieu. Sainct Au-
gustin dit que toute creature doit louer dieu
à luy rendre graces des biens qui luy a faitz-
& ce preuue par les quatre elements. Pres-
mieremēt. La terre dit: Loue dieu ou ie t'en
gloutiray dedās moy cōme ie fis Datthan
& Abiron. Leau dit: loue dieu ou ie te noi-
ray dedās moy avec les delicieux pleins de
vaine gloire ainsi comme fis au deluge. Le
feu dit: Loue dieu ou ie te brusteray avec
Sodomites. L'air si dit: Loue dieu ou ie t'es-
uiteray avec les Juifz: cest assauoir se tu ne
rendz graces à dieu de tous les biens quil ta
faitz- affin que tu ne soyes repute ingrat.

Multorum cum facta senex & dicta resences.
Fac tibi succurrant, iuuenis quę feceris ipse.

Tu dois prendre exēple aux faitz & ditz
des anciens-lesquelz ont este vertueux & d
bonne vie- affin que tu soyes vertueux cō-
me ilz ont este: car tu te dois si saigement
gouuerner en ta ieunesse- affin que tu en
ayes louenge & proffit de dieu & du monde-
& aussi affin que tu soys exēple de ceulx
qui viendront apres toy.

Exēple.

Exemple.

Quons auds exemple dung prophete nōs
me Elezarie - lequel aymoit mieulx mou-
rir que faire ne consentir faire contre la loy
affin que tout homme print exemple a sa
grand constance & fermete a pres sa mort-
pource quil mouroit pour soustenir la foy &
verite: Et dit que nul ne se doit glorifier de
vieillesse daage si na vieillesse de sapience
& de vertus.

Ne cures si quis tacito fermone loquatur.
Consciuis ipse sibi de se putat omnia dici.



Et ne dois curer se tu dois parler aul-
cū secretement ensemble - cest assauoir se tu
es pur & net sās vices & sās blasmes. Pour
ce que cestuy qui est coupable & plein de vi-
ces & pechez cuyde que tout ce quon con-

Jeille en secret soit de son fait > pource quil
a tousiours doute & remors de consciēce en
soymesmes. Sainct Luc raconte en son
viii. chapitre dūng Jūif qui disoit & souspes
connoit en soymesmes quād Marie Ma-
gdalaine lauoir les piedz de Jhesuchrist de
ses larmes & essuyoit de ses cheueux. Et
pensoit si cestuy homme estoit prophete &
sainct hōme il ne se laisseroit point toucher
a femme pecheresse: car il auoit suspicion
en son cuer que Jhesuchrist estoit faulx pro-
phete & iniuste & pour ceste cause ne deuōs
auoir suspicion sur aucuns pourtant silz
parlent secrettement ensemble: ou font au-
tre chose - quand nous ne scauons ne nen-
tendons la cause pourquoy: car nous deuōs
plustost penser le bien que le mal - pource
que les choses douteuses se doiuent inter-
preter a la meilleure partie & plustost pen-
ser le bien que le mal.

Cum fueris fœlix que sunt aduersa caueto.
Non eodem cursu respondent vltima primis.

Tu dois foyr & doubter fortune - iacōit
ce que tu soyes riche & puissant de biens tē-
porelz & spirituelz: car on doit en tēps d'ab-
bondance auoir souuenāce de pauvrete. Et
touteffois tu te dois garder d'acquiescer & de-
tenir

tenir iniustement les richesses mal acquises
car moult souuent les choses dernieres ne
ressembler pas aux premieres. La roue de
fortune croist & descroist comme fait la lu-
ne: car iamais ne se tient en ung point: car
incontinent se mue de prosperite en aduer-
sité. Pource dit que les choses dernieres ne
ressembler pas par ung mesme cours aux
premieres: car fortune ne se tient iamais en
ung point: pource dit Boece de cōsolation
que celui qui tombe n'est pas ferme - cest à
dire que celui qui vient de prosperite en ad-
uersité n'est pas bien heureux.

Cum dubia & fragilis sit nobis vita tributa.
In morte alterius spem tu tibi ponere noli.

Tu ne dois auoir esperance ne ne dois
en nulle maniere du monde ne desirer ne pen-
ser la mort d'autrui pour esperance ne pour
faueur d'auoir ses biens apres sa mort. Pour
ce que nostre vie est fragile - doubteuse &
tresincertaine: car aussi tost meurt ienne
que vieulx: car on treuve au marche plus
de peaulx de veau que de bache.

Quand



¶ Quand le roy Alepandre eut gaigne la
 bataille cōtre le roy de Perse - il sen retour-
 na en son palais royal en Babylone - & si
 tost quil fut assis a table il entra en la salle
 dng oyseau sauuaige - lequel bola plusi-
 eurs tours parmi la salle - puis sassist des-
 sus la table deuant lempereur - & la fist dng
 oeuf puis sen bola - duquel oeuf saillit dng
 petit herminssel lequel circuyoit a lentour
 dudict oeuf cuydant entrer en loeuf par les
 pertuis dōt il estoit saillly - lequel ny sceut en
 nulle maniere retourner: mais tantost mou-
 rut. Quād le roy Alepandre vit ce: fut moult
 esbaly - & en songeāt il pensa toute la nuict
 cuydant que ce fust aucun signe de trahi-
 son - & de rechef celle nuict dne femme de la
 dicte cite fist dng enfant moytie hōme: cest-
 assauoir depuis la ceincture en sus - laquelle
 le roy

le moytie estoit morte - & l'autre moytie es-
toit beste viue - lequel enfant lon luy appor-
ta deoir - dequoy fut plus esbahy & esmer-
ueille que deuant n'auoit este de loyseu & d'
loenf: lors fist assembler tous ses astrolo-
gies pour iuger & scauoir que signifioient ces
choses dessusdictes & nommees: lesquelz astro-
logies furent tousiours d'une oppinion - cest
que ces merueilles signifioient sa mort: Lors
l'un d'eulx pla pour tous deuant Alexandre -
& dist que loenf q est rōd signifie tout le mō-
de - & que le petit verminssel signifioit Alex-
andre: car ainsi cōme le petit verminssel ne
pouoit retourner au pertuis de loenf dont il
estoit sailly. Alexandre q auoit vaincu tout
le monde & circuy ne retourneroit point en
Grece dōt il estoit yssu - & luy dit & conclud
que les dieux auoient ordōne q mourust: car
ce dit il: l'enfant q est moytie bis - moytie hō-
me - & moytie beste le signifie - pource que
maintenāt tu nes que hōme - tu es pres d ta
mort - & tes successeurs serōt cōme bestes vi-
ues au regard d toy & des pesses q tu as fai-
tes. Adōc quād Alexandre ouyt ces nouuel-
les: il esleua les yeulx cōtre le ciel & ymēra
à dire à haute voix: O mō grād dieu & sou-
uerain Iuppiter: ie voy bien q ce mōde dōe pe-
tit guerōd: Helas ie cuydois tāt viure en ce
mōde que ieusse acōpley mes vōsitez & mai-
tenant

tenant me fault mourir. Ne cognois clere-
ment que nul ne se doit fier de viure longue-
ment en ce monde comme iay fait - ne sperer
la mort d'auelrui cōme iay fait iusques icy.

Exiguū munus cum dat tibi pauper amicus.
Accipito placidē, plenē & laudare memento.

Tu dois prēdre le petit don que ton pau-
vre amy te donne: car iacoit ce quil soit pe-
tit - tu le dois prendre ioyeusement - & te doit
estre plus agreable que se vng riche le te
donnoit. Pour ce quand on te donne tu ne
dois pas regarder au don sil est grand ou pe-
tit: mais tu le dois prēdre d bon cueur & le re-
mercier pleinement: car iacoit ce quil soit pe-
tit - se le refusais luy ferois vergongne.



Quinticia

Quintilianus raconte d'ung pauvre
homme & d'ung riche qui auoient deux iar-
dins qui touchoient en semble. Le pauvre
hōme auoit en son iardin moult belles mou-
ches à miel - & le riche auoit en son iardin &
moult belles fleurs - lequel fist dire au pau-
vre hōme quil estoit mal contēt de ses mou-
ches qui venoient en son iardin prendre le
miel sur les fleurs: Et de ce le pauvre hom-
me ne tint compte: mais les laissa aller cō-
me tousiours elles auoient acoustume: Lors
quand le riche hōme vit quil ne tenoit cōpte
iecta du venin sur les fleurs - en telle ma-
niere que quand elles furent assises dessus
les fleurs - elles furent toutes empoysō-
nē - & furent en moult grand peril de mort.
Mais le pauvre homme lequel estoit bon
medecin tantost mist remede a ce. Et pour
ce quil scauoit que l'hyulle estoit cōtraire au
venin - il print deux petitx vaisseaux quil
auoit tant seulement & non plus - arrosa &
iecta tout le venin d dessus lesdictes mou-
ches - puis les engressa de ladicte hyulle. A
moralement parler par celuy pauvre hōme
qui aymoit bien chèrement ses mouches - &
par lequel tu dois entendre nostre seigneur
Iesuchrist. Et par le riche hōme le diable des-
fer - & par les mouches - les hommes & fem-
mes de ce monde: car quand le diable em-
poysonne

poysonne les hommes de ce monde de vices
& pechez qui estoient condammes a mort-
pource quilz auoient cueilly le miel par des-
sus les fleurs: cestassauoir charnalite & plu-
sieurs vices delectables & doulx a la per-
sonne comme est le miel: lors Jhesuchrist qui
est le souverain medecin print deux petitz
baisseaux dhuylle & vin aigre lesquelz il a-
uoit tant seulemēt - cestassauoir par sa do-
loreuse passion & mort nous ressuscita de
mort - & nous oygnit de lhuylle - cestassauoir
de la grace du saint esprit. Certes chascū
peult dire - que ce fut vng precieus & digne
don - lequel dona nostre seigneur quād il espā-
dit son precieus sang dessus les mouches -
cestassauoir quand il le iecta dessus les pe-
cheurs en les rachepant de mort amere -
Puis les oygnit de lhuylle de misericorde.

Infantem nudum cum te natura creauit.
Paupertatis onus patienter ferre memento.

Tu dois porter patiemment les faiz &
charges de pauurete - que nature ta cree
pauuremēt & tout nud du vêtre de ta mere:
car quād tu vins en ce mōde tu nauois rien
& quād tu ten yras n'emporteras rien - pour
ce dit Boece que nous sommes nez tous
nudz au vêtre de nos meres - & si retournes

rons tous nudz au ventre de noz meres: cest
 en la terre. Pour ce dois porter ce faiz de
 pauvrete patiëment. L'enfant en naissant du
 ventre de sa mere fait trois choses. Premie-
 remēt il pleure- & desia pphetise les maux
 quil doit souffrir en ce mōde tant cōme il vi-
 uira. Secondement il se met a bouchons le
 visage cōtre terre cōme vne beste: en signi-
 fiāt quil est cōpare aux bestes mures. Tier-
 cemēt: car il tiēt la main en la bouche- en si-
 gnifiāt que par le premier peche de noz pre-
 miers peres il doit souffrir plusieurs peines
 en ce mōde- lesquelles ilz cōmirēt p la bouche
 en mangeant le fruct qui estoit deffendu.



¶ Sainct Augustin racōpte en son euvre de
 la cite de dieu: quing ancien hōme cōuia iiii.
 deesses a disner- cestassauoir Juno deesse d
 eyesse

Esse & de puissance - Palas deesse de sa-
pience - & Venus deesse d'amour & benivo-
lence. Et pource quil ne cōua pas la deesse
D discord - illec fut terriblemēt courroucée -
laquelle print vne pomme dor - en laquelle
estoit escrit: A la plus belle soit dōnée: Puis
la iecta au milieu desdictes. iii. deesses. Et
si tost quelles veirent ladicte pōme chascu-
ne la vouloit auoir: mais pour euitier tout
debat - de par elles ordonnerent vng iuge -
cest assauoir Paris pour la iuger - & dōner
à la plus belle - laquelle iugea & la dōna à
la deesse d'amours & beniuolence - comme à
la plus belle. A morasement parler par ces
trois deesses sont entenduz. iii. temps - cest -
assauoir le temps de nature - auquel regne
moult fort puissance: car au temps passe re-
gnoient geans fors & puissans. Item le tēps
de la loy escripte - auquel moult regna Sa-
pience: car en celuy temps furent trouuées
les sciences. Item aussi le temps de grace &
d'amour - cest assauoir quād nostre seigneur
descendit en ce mōde: mais la deesse de dis-
corde - cest assauoir le diable - iecta la pom-
me dor entre lesdictes deesses - cest assauoir
en ce monde par accident - touteffois pour
la discord que le diable mist entre Dieu &
l'homme par peche - le filz de Dieu q est vray
homme qui vient & descend en ce monde en
deesse

deesse d'amour & beniuolence- c'est assauoir
au precieus ventre de la vierge Marie-les
quel depuis nasquit tout nud & pauuement
cō les autres hōes : en apres receut mort
& passion- & retourna tout nud dont il estoit
ne- lequel par sa digne & precieuse passion
nous rachepa des peines denfer.

Ne timeas illam, quæ vite est vltima finis.
Qui mortē metuit, quod viuit perdit idipsum:

E Tu ne dois doubter la mort- laquelle est
fin de ceste vie: car qui la doute il chet qua
si en desesperation- & si est, signe quil a mal
vse sa vie en ce mōde- & quil na pas fait sa
satisfaction ne penitence des ses pechez. Se
neque dit- que la mort nous est chose natu
relle- non pas peine: car pour mourir nous
sommes venus trestous - pource doit estre
garde de tous sans nulle doubstance.

Exemple.

Nous lisons en la vie des peres dung
saict preudhōme abbe nōme Agathon- les
quel quand il deubt mourir - trois iours &
trois nuictz deuant sa mort tint les yeulx
ouuers- & sans soy mouuoir. Alors quād les
freres religieus virent ce - furent moult es
merueillez- & vindrent a luy & linterroguer-

rent. & dirent en telle maniere: pere - dites
nous de par dieu que vous faictes - & ou



vous estes. Lors le saint preudhomme leur
respondit & dit: Je suis deuant mon Dieu
mon createur - & deuant son iugement. Lors
les freres luy dirēt: Et dōcques vous doub-
tez la mort. Ausquelz il dit: Non obstant que
tous les iours de ma vie ie me suis efforce d
garder les cōmandemens de dieu mon crea-
teur: touteffois 'encores ie ne scay si ie suis
digne d'auoir sa grace ou nō: car il y a moult
grand difference entre les iugemens de dieu
& les iugemens des hommes - & dit en la fin:
Sachez que ie ne doute point la mort cor-
porelle nullement: car cest la fin de ceste vie.
De rechef les freres le vouloient interro-
guer. Ausquelz il dit: Ne plez plus a moy:

car

car ie suis biē occupe ailleurs: & si ay moult
de choses a faire. Lequel tantost redit a no-
stre seigneur Ihesuchrist sō esput. Par ceste
exemple il appert clere mēt que nous ne de-
uōs point craindre la mort. Nous auōs ex-
emple des saintz & saintes de Paradis-
que quand on les menoit mourir - ilz esioiēt
si ioyeux quilz ne sentoient point la mort
pour deux causes. La premiere pource qēz
mouroiēt p martire - & pource qēzouroiēt
p martire - ilz esperoient daller en la gloire
de Paradis. La secōde pource qēz scauoient
bien quapres quilz auroient assez deseu en
ce monde pour tout salaire & remuneratiō:
ilz faisoient mourir. Monsieur saint Paul dit
quil nest riēs si certain que la mort - & si nest
rien si incertain que lheure de la mort.

Item le saige dit quil ya trois choses des-
nieres dequoy il nous doit tousiours souue-
nir. La premiere chose derniere dequoy il
nous doit souuenir cest la mort: car nous
sommes en ce monde pour mourir. La ii. est
le grand iugement de dieu: car il ny fauldra
ame zuoyer - il fauldra estre en persōne. La
tierce est les peines dēfer. La quarte est les
toyes d paradis ou sont les saintz & saintes.

Si tibi pro meritis nemo responderet amicus,
In scurare deum noli, sed te ipse coerce.

Si

Tu

Tu ne dois blasmer dieu pourtant se tu
 nas nulz amys. non obstant que tu ayes fait
 plusieurs biens & seruices a aucuns. les-
 quelz ne le cognoissent ne ne se monstrēt es-
 tre tes amys: car tu te dois refraindre & a-
 moderer de parler follement en maugreāt
 & en despitant nostre seigneur Iesuchrist-
 pourtant se fortune & tes amys te sont con-
 traires: mais dois dire comme fist le preud-
 homme Job qui dist dieu te ma donne- dieu
 te ma oste- il est faict cōme il a pleu a dieu
 & dieu soit loue de tout.



Lactance racōpte en vne histoire de Ro-
 me laquelle fut en grād pauvrete par fortu-
 ne de guerre: mais il y auoit en ladicte cite
 vng noble Romain-lequel pour le bien cō-
 mun exposa & despendit toute sa cheuance
 en telle maniere que pour le bien cōmun de-
 uint

uint pauvre. Or aduint quung iour il pas-
soit p dedans vng desert - auquel il trouua
vne coulōne dessus laquelle y auoit vne y-
mage - laquelle tenoit vne de ses mains esle-
uee vers vne montaigne pres dilec - & l'autre
maintenoit dessus ses hanches : mais ledit
Romain alla pres dudict ymage - lequel
moult bien l'aduisa: Lors quād le soleil fra-
pa dessus les espaules dicelle ymage - l'om-
bre de la main quil tenoit en hault respē-
disoit sur la montaigne dilec pres & de ce
fait le Romain alla veoir en ladicte mon-
taigne pour veoir que c'estoit que ledict y-
mage monstroit illec trouua vne porte de
fer qui estoit close - dequoy il fut fort esmer-
ueille - & pensa en soy mesmes de retourner
vers ledict ymage - & q̄l trouueroit la clef
de la porte de fer dessous l'autre main de
l'ymage. Et tout ainsi que ledit Romain
auoit pense: il trouua la clef de ladicte porte
dessous son coste en vne petite porte de fer:
laquelle il print - & puis sen retourna deuers
la montaigne ou il auoit trouue la porte de
fer - laquelle ouurit - & dedans trouua vng
moult grād thresor - duquel il enrichist toute
la cite de Rome: & soy mesmes - & de ce en
rendit graces & louēges a dieu son createur
quād il luy auoit dōne plus de bien que ia-
mais n'auoit eu. En ceste maniere fut d'no-

frre seigneur guer donne pource quil auoit
este patient en ses aduersitez-comme fut le
sainct homme Job.

Ne tibi quid desit, quæsitis vtere parce,
Vtique quod est, serues, semper tibi deesse pu-
tato.

Tu dois despendre & vser de tes biens ac-
quis par mesure-affin quilz ne te faillēt au
temps aduenir: car tu dois tousiours penser
quilz te puenēt faillir en peu de temps & que
quād tu les aurois perdus-tu aurois perdu
la vie & la substance: pource ne les dois dō-
ner a tes amys- ne despendre si largement
que tu nen retiēnes pour le temps aduenir.
Cest a dire a plet moralemēt que tu te dois
en telle maniere gouverner en ce mōde que
en la fin tu puisse auoir la vie eternelle - &
garder si bien les commandemens de nostre
seigneur quilz ne faillent en la fin pour ac-
querir la vie eternelle. On peult vser des
biens de ce mōde illicitemēt en deux manie-
res. Premieremēt quand on les despend in-
iustemēt & sans cause. Secondement quād
on les tient - & on en vit trop auaricieuse-
ment sans en departir aux pauures.

Quod prestare potes, ne bis promiseris vlli.
Ne sis ventosus, dum vis yrbanus haberi.



Tu dois donner quand tu peulx - sans
 promettre deus foys vne chose en prolonge
 geât demain a demai: car nullemēt ne dois
 dire vne chose - a pēser le cōtraire: affin que
 ne sois repoute pour bourdeur a trompeur -
 specialement quād tu vneulx estre repoute
 pour bon a loyal - a dois mettre peine da
 uoir bonne fame a bon loz. Item sensuyuet
 trois maulx principaulx de promettre - a d
 nō tenir sa promesse. Premieremēt pour ce
 que celuy a qui tu as promis de donner cer
 taine somme d'argēt - ou aultre chose a vng
 certain iour - s'attend a toy - a le tient pour
 seur dauoir la chose au iour: Sur celle fiā
 ce peult assigner de donner lad chose a vng
 aultre audiet iour: a aīsi quād tu euy faulx:
 il fauet - a est repoute pour menteur - a se tu
 ne euy eusses promis - il se fust pourueu aie
leurs

seurs. Secondement pource qu'il faulse sa
foy - & est reputé pour barrateur. Tierces-
ment pource qu'on ne te scait ne gre ne gra-
ce quand tu attends trop a donner - pource
dit on: qui tost donne - deux fois donne.

Qui simulat verbis, nec corde est fidus amicus.
Tu quoque fac simile, sic ars deluditur arte.

Tu ne te dois fier en celuy q ne se fainct
estre ton amy p douces parolles & plaisan-
tes si nest amy de cueur & de pensee - pour-
ce tu luy: dois faire le cas pareil: cest assa-
uoir en toy demonstrât fainctement estre amy
dissimulerent: & nō pas de cueur - & que ainsi
vng art & cautelle est vituere & deceu par
vng autre art & cautelle. Du aussi se peult
exposer - q fainct par douces parolles & a-
pres en corrigeāt tes vices & pechez estre tō
ennemy - & son cueur t'ayme loyauement - ce-
luy est vray amy - & pource luy dois faire le
cas pareil en temps & en lieu quād luy sera
mestier. Et par ainsi vng art - cest assa-
uoir vne mauuaise volūte & propos est corrige
par vng aultre art: cest assa-
uoir p bone do-
ctrine & enseignement. On peult garder foy
& loyauete avec sō amy en trois manieres.
Premierement que tu ne le decoiues p dou-
ces parolles. Secondement que pour nulle
chose

chose ne reuellet son secret. Tiercement que
tu ne le laisses point en peril - ou danger a
son pouoir.

Noli homines blādos nimium sermone pro-
bare.

Fistula dulcè canit, volucrē dū decipit auceps.



Tu ne dois pas approuuer les hommes
qui parlent doucement: car douces paroles
les decoignent ainsi comme fait loyseleur -
lequel par son doux chant a faulsete en cō-
tre faisant la doie de loyselet decoipt a fait
tumber en ses tarez. Seneque dit que feate-
rie regne par tout le monde - speciallemēt
es cours des princes a seigneurs tēporelz a
spirituelz. On lict de saint Ambroise qui
reprint publicquement L'empereur de son
peche.

peche. Auquel L'empereur respondit quil a-
 uoit trouue vng homme de verite: Mais au
 iourd'huy les princes- tant deglise comme se-
 culiers ne deussent dire: nentendre ceulx qui
 leur dient verite: car celuy q seait le mieulx
 flater, est le mieulx ayme & le mieulx venu
 en court.

Cū tibi sint nati, nec opes, tunc artibus illos,
 Instrue, quo possint inopem defendere vitam.



¶ Tu dois faire apprendre a tes enfans
 aucun' art & sciēce- parquoy ilz puissent des-
 fendre ou euer la vie souffreteuse & mise-
 rable de ce monde- especialement quād tu
 es pauvre- affin que p pauurete tu ne soye
 contrainct de faire chose dequoy toy & ton
 lignaige puissent auoir blasme ne deshon-
 neur:

neur: car on dict communemēt que mestier
bault mieulx que priuier: car le bon mestier
ne peult faillir- & les richesses faillent. Por-
tocrates racōpte que l'empereur Actonien-
iacoit ce qui fust riche & puissant: faisoit ap-
prendre a ses enfans mestier. Premièrement
faisoit exerciter ses filz en armes: & autres
artz diuers: affin quilz peussent subuenir a
leur vie par leur art silz en auoient besoing
au temps aduenir. Secōdement faisoit ap-
prendre a ses filles ou a ouurer de laine & de
leguille- & a vendre- & a achapter- affin que
si leur têtes leur faillioient- leur mestier les
peust soustenir pour euitier leur vie souffre-
teuse de ce monde: car on voit souuent que
plusieurs qui ont grādz rentes & possēsiōs-
vinnēt souuent a grand pauurete par leur
maulvais gouuernemēt ou par fortune: Et
pource quilz ne scauēt mestiers- art- ou sciē-
ce viennent a plusieurs inconueniens.

Quod vile est carum, quod carum est vile pu-
rato.

Sic tibi nec parcus, nec auarus hemberis ulli.

¶ Tu dois pēser ce qui est vil de present se-
ra cher au tēps aduenir- & par le contraire
dois penser que ce qui est cher de present
sera



sera vile au tēps aduenir: Pource que tu en
dois vser en telle maniere que tu ny soyes
repute auaricieux ne nuysable a toy mes-
mes. ne aux autres. Du aussi se peult ex-
poser autrement quand aucun te dōne vng
dō q̄ est vile a d̄ peu d̄ valeur: tu le dois pour
cher tenir. a p̄ ainsi tu ne seras pas repute
pour ingrat. ne auaricieux: ne couuoiteux.
ne contraire aux autres. na toy mesmes:
Du autrement se peult exposer que ce qui
est vile en ce monde: cest assauoir pauurete
sera chere en l'autre monde deuant dieu. Et
par le cōtraire ce q̄ est cher en ce mōde: cest
assauoir richesse sera vile a desplaisante a
dieu en l'autre monde. Joseph quand il estoit
auecques le Roy Degipte p̄ la reuelation
diuine. luy dict quil seroit sept ans d̄ temps
cher. Et pource conseilla au roy que tandis
que

que les bledz estoient a bon marche quil en
fit pouruoyance: affin quau temps aduenir
en peust ayder a subuenir a son peuple a en
son pays en temps de famine: comme tu as
en l'hystoire au l'edg. vi. chapitre de Genese.

Quæ culpare soles, ea tu ne feceris ipse.
Turpe est doctori, cū culpa redarguit ipsum.

Tu ne dois faire les pechez desquelz tu
dois reprendre a corriger les aultres - affin
que de la mesme punition que tu veulx pu-
nir a corriger les aultres - tu nen soys pu-
ny ne corrige: Car cest sayde chose au do-
cteur quand sa propre coulpe a peche le re-
prend soy mesmes. Pour ce dict saint Augu-
stin - que biē parler a mal diure nest aultre
chose que soy condamner de propre bouche
a parolle: car tu veulx oster la petite buche
qui est en loeil de ton frere - a tu ne scez oster
la grande buche qui est au tien. Parquoy tu
te dois premier corriger - a puis apres corri-
ger les aultres.

Quod iustum est petito, vel quod videatur ho-
nestum.

Nam stultū est petere, id quod possit iure ne-
gari.

Tu



Tu dois demander la chose qui est iuste
 & licite - qui semble estre iuste & licite de de-
 mander: affin qu'on ne te puisse nyer nescō-
 duyre: car cest moult grand folie de demā-
 der la chose qu'on ne peut raisonnablement
 & de droict nyer & refuser. Et pareillement
 dois scauoir quilz sont aucuns qui quierent
 & trouuent cōme sont ceulx lesquelz enten-
 dent ce quilz demandent. Pour ce dit Iesus
 chist: *Querez & vous trouuerez. Sonnez &
 on vous ouurira.* Et pareillement les au-
 tres sont qui quierent. Pour ce dit encores
 Iesuchrist: *Vous ne scauez que vous que-
 rez. Les autres sont qui ne quierent & ne
 trouuent. Accluy qui ignore sera ignore: cest
 & dire que ccluy qui oublie sera oublie.* A-
 uant que tu requieres - ne faces aucune pe-
 titiō se tu deulx estre ouy & exauce - tu
 dois

dois considerer quatre choses. Premiere-
ment que celuy a qui tu enquieres ou fais
aucune petition ayt puissance de donner-ou
de faire la chose que tu demandes. Secons-
dement que celuy qui demãde soit digne da-
uoir la chose quil demãde. Tiercement que
tu ayes vtilite & prouffit de la chose que tu
demãdes. Quartement que ta petition soit
iuste & raisonnable. On peult requerir la no-
stre seigneur iustement trois choses. Pres-
mierement on peult demander la necessite
& soustenement de sa vie: Cest assauoir les
alimentz: mais quon les demãde par raison:
& sans exces. Secõdement la conseruation
de son corps- & de ses biens- tant temporelz
comme spirituelz. Tiercement demander
ayde & s- cours a dieu en iuste bataille- ainsi
comme il appert au liure des Roys.

Ignotum tibi nolito, præponere notis,
Cognita iudicio constant, incognita casu.

¶ Tu ne dois mettre n'approuuer les cho-
ses icogneues- estre vrayes deuãt celles que
tu cognois estre vrayes: car tu peulx faire
vray iugement des choses que tu cognois:
mais d'celles que tu ne cognois: tu ne peulx
iuger sinon a l'aduẽture- cõme quand tu co-
gnois ung bon prendhõme- tu le dois plus
honorer.

Honorer - & dois auoir plus grand fiance en
luy - quen celuy que tu ne cognois - iacoit ce
quil soit bon. Pource dit on communement
quon ne doit reueler son conseil - ne soy ac-
compaigner de l'homme incogneu - dit aussi
quon doit plus aymer le vieulx homme a-
my - esprouue que le nouuel q nest point es-
prouue.

Cum dubia incertis versetur vita periculis.
Pro lucro tibi pone diem, quicūque laboras.

Tu dois croire & scauoir de Bray que ta
vie est doubteuse - & en tresgrand peril & in-
certain: Car nous sommes tous incertains
de l'heure de la mort - & aussi pareillement
des fortunes qui nous peuent aduenir - &
pource nous qui labourons & qui sommes
en ceste basse perilleuse & dāgereuse - nous
doit souffrir ung iour pour nostre labeur &
peine aussi salaire pour le temps passe - au
quel iour deuons auoir contrition & faire
Braye confession de noz pechez.

Vne



Vne vision aduint iadis a vng saint
 prudhomme qui estoit sur la rive de
 la mer: auquel fut aduis que les vns
 des de la mer lenueloppoient: & quelles le
 vouloient emporter & noyer. Parquoy ha-
 stiuemēt sen courut arriere de la mer: mais
 ainsi quil sensuyoit - il vit venir vng terri-
 ble Lyon contre luy pour le deuorer: mais
 de la paour quil eut baissa ses yeulx a ter-
 re: & lors deuant luy vit venir vng Ser-
 pent iectant feu & flamme par la gueulle:
 lequel pareillement le vouloit engloutir. A-
 done quand le prudhomme veit quil ne po-
 uoit eschapper: il leua ses yeulx & regarda
 encontre le Ciel-en priant dieu deuotement
 quil le voulsist preseruer & garder de ce pe-
 ril & danger. Lors le saint prudhomme vit
 descendre vng Ange du Ciel qui tenoit en

¶

¶

Bne main bne coronne : & en l'auttre main
tenoit bne espee : lequel parla a luy - & luy
dist : Ne doubtes - car tu eschapperas de
tous ces perilz : mais que tu faces ce que ie
te diray. Premièrement tu yras contre le
Serpent hardiment : & luy mettras le pied
dedans la gorge : car tantost il sera mort :
puis apres yras contre le Lyon : car il n'est
pas si fort que tu cuydes : car il est tressois
ble : & si te promet de te donner ceste coron-
ne : se tu veulx faire ce que ie t'ay dict : sinon
ie te occiray de ceste espee. A moralement
parler par la mer est entendu tout le monde
qui nous chasse par ses bndes : cest a dire
par diuerses tentations. Par le Lyon est
entendu le diable denfer - lequel nous tente
de iour en iour : mais celui qui veult resis-
ter contre luy - le peult de legier conquerer.
Par le serpent dois entendre la chair - a la-
quelle tu dois mettre le pied dedans la gor-
ge : cest assauoir que tu la dois dompter &
refraindre par ieusnes & oraisōs. Et se tu ne
faictz en ce point : L'age ne te baillera point
la coronne quil porte : mais t'occira de son
espee - & te laissera tumber dedans la mer : cest
assauoir en enfer avecques les damnez.

Vincere cum possis, interdum cede sodali,
Obsequio, quoniam dulces retinentur amici.
Tu ne

Tu ne dois pas tousiours vaincre ne
suppediter tō ennemy: mais tu luy dois au-
cunesfoys pardonner: iacoit ce que tu puis-
ses vaincre & surmonter iustement: & aussi
que tu ayes bonne cause & iuste: toutesfoys
par belles parolles-douces & amiables: tu
ne te dois restraindre de faire ce que tu pour-
ras bien faire: car par telle chose: & par tel
seruice/ & benefice tu le pourras garder: &
aussi pareillement retenir pour ton loyal &
parfaict amy: pource que douces parolles
& amiables restraint grand yre. Item
deux loyaux amys se doivent aymer par-
faictement & estre dune mesme volonte: car
deux chiens sont plus fois & prendre ung
loup quung seul. Ainsi quand deux bons a-
mys sont bien allies ensemble - sont plus
fois & redoubtez quung seul.

Ne dubites, cū magna petas, impendere parua:
His etenim rebus coniungit gratia charos.

Tu ne dois doubter ne plaindre de don-
ner ung petit don a ton amy - quand tu ne
doubtes-ne as vergongne de luy demander
grand don: car par telles choses grace & a-
mytie si cōioingnent & lient ensemble deux
bons amys & compaignons: Cest a dire
quon ne doit point plaindre de donner
H ii choses

choses mondaines qui sont petites & viles
pour acquerir grace & amytie - & beneuo-
lence qui sont de grād proffit: & si sont moult
à priser.

Le temple.

O rigt de deux cōpaignons qui say-
moient moult chèrement: dont l'un
mettoit en escript tout ce que son cō-
paignon luy donnoit. Et semblablement
tout au cas pareil son compaignon mettoit
en escript tout ce que luy donnoit.



E D: aduint quilz eurent question ense-
ble pour scauoir lequel aymoit le plus par-
faictement: & disoit ce luy qui mettoit en es-
crit tout ce que son compaignon luy donnoit
quilz

quil aymoit plus parfaictement : pource
que quand il regardoit en son liure - il luy
souuenoit des beaultz dōs qui luy auoit dō-
nez : lesquelz estoient cause de soy iamaiz
departir de son amour. L'autre respondit
quil disoit bien : mais encores - dist il : iay
meilleure raison que toy : car quād ie regar-
de en mon liure - iay escrit les dons que ie te
donne : affin quiez soient cause de toy tenir
tousiours en parfaicte amour : lesquelz de
tenir question firent iuge vng saige prophe-
te : & iugea que celuy aymoit plus parfai-
ctement qui mettoit en escrit ce quil dōnoit
à son compaignon. A moralement parler :
nostre seigneur nous donne plusieurs dons :
non pas pour les nous reprocher : mais af-
fin quil ne nous perde de legier - les escrit en
son liure : cest assauoir en sa pensee : car se
nous ne le laissons - il ne nous laissera point.
Item daultre part deuons escrire en nos
consciencences les dons & les benefices quil
nous donne - & a donne a lire & estudier sou-
uent : affin que puissions auoir sa gloire &
sa benediction en la fin de nos iours.

¶ iii

Item



Litē inferre caue cū quo tibi gratia iuncta est:
Ira odium generat, cōcordia nutrit amorem.

Tu ne dois prendre noyse ne debat avec
celuy que tu aymes : & duquel tu es en gra-
ce: ne aussi avec quelconques personnes: car
Hayne engendre plusieurs inconueniens : &
dissentione : mais concorde engendre par-
faicte amour- & dilectiō. Selon droit canon
on doit euitier noyses & tensions pour cinq
causes. La .i. est - pource que celuy prend
Volūtiers noyses & debat3 q̄ a acoustume de
estre arrogant & depiteux. La .ii. pource
quil a acoustume destre feateur. La .iii. pource
quil a acoustume destre faulx & calūnieux.
La .iiii. pource q̄l a acoustume de Volūtiers
despiser- & de prendre noyses & debat3.

Seruorū ob culpā cum te dolor vrget in iram,
Ipse tibi moderare, tuis vt parcere possis.

Tu ne dois pas corriger tes seruiteurs
quãd tu es courrouce & en yre: iacoit ce qu'iz
soiet coupables: mais tu te dois attremper
& deporter iusques a ce que ton yre soit pas-
see: pource que si les corrigeois quand tu es
courrouce- tu les pourrois corriger sãs me-
sure- & desordõnement. Pource Seneque ne
vouloit pas corriger ses seruiteurs quand il
estoit courrouce: mais tenoit la main leuee
dessus eux sans frapper: iusques a ce que
son yre fust passee: & disoit- si les corrigoye
quãd ie suis courrouce- ie les occiroye: mais
quand iay attrempe mon yre ie les corrige
par mesure. Le saige dict que' celuy est fol
qui tost iuge selon son yre: celuy qui scait re-
fraindre & amoderer son yre est saige.

Quem superare potes interdum vice ferendo,
Maxima enim morum semper patiëntia virtus.



Tu dois supporter & espargner aucuns
neffoys ceulx que tu peulx vaincre & sur-
monter: car patience est la plus grand ver-
tu de toutes les vertus de bonnes meurs:
pource que par le moyen de patience toutes
les vertus prennent force- dignueur- & at-
trempanee: pource- dist le peuple- que vertu
est venue quand elle est aornee- conseruee &
attrempee par patience: par laquelle les
autres vertus se reiglent & conforment: car
par patience vaincras tout.

Conserua potius quæ sunt iam paria labore,
Cū labor in dāno est, crescit mortalis egestas.

Tu dois garder & espargner ce que tu as
acquis & conqueste & grand peine & a grād
sueur de ton corps: & plus moderement te
dois despendre que ce qui te vient dauāt ai-
ge- & sans peine & travail: car chascū doub-
te la peine qu'on a de les acquerir. Item na-
turellement chascun garde & ayme mieulx
ce quil acquiert & grād peine & travail- que
ce qui vient dauantaige: car quand on des-
pend ce qu'on a acquis & grand peine & la-
ueur- on vient a grād pauurete & dommai-
ge & mortelle indigence: laquelle croist de
iour en iour.

Le penit

Le temple.

¶ Il nous lisoit de deux chaussetiers - desquelz l'un estoit pauvre : si auoit si grande famille - que son mestier ne pouoit soustenir son hostel - ne fournir a sa despenſe : lequel comme ſaige ſe miſt continuellement a ſeruir dieu : & oyoit meſſe tous les iours ſans failir : & par la grace de dieu auoit des biens de ce monde pour ſon eſtat : mais celui qui eſtoit plus riche que luy beſongnoit toutes les feſtes & les dimanches : lequel par punition de dieu deuint a grande pauvrete & indigence : & de ſaict par grand enuie comme tout courrouce diſt a ſon voysin : comme baſton ſaict - tu ne beſongnes pas la moytie du temps : toutesſoys tu viz plus largement & as plus de biens de ce monde que moy qui beſongne feſtes & demanches continuellement : lequel reſpondit quil auoit trouue ung theſor en terre - duquel il eſtoit riche deueni : & ſil vouloit faire comme luy : de tout ce quil trouueroit - quil en auroit ſa part : lequel ſi accorda - & alla a legliſe tous les iours comme ſon voysin : & tantost eut aſſez de biens quand il commenca a ſeruir dieu & a laymer : Pour ce dict Leuangile : Querez premierement le royaume de dieu : & toutes choſes vous diendront & habonderont largement.

Dapſilis

D'ap̃s ilis inter dum notis, charus & a micus,
Cum fueris foelix semper tibi proximus esto.

Tu dois donner & estre large aulcunes
foys a tes chers amys - toy mōstrer humble
& begnin enuers eulx : toutesfoys tu dois
premier subuenir & ayder a toy mesmes : car
comme dict L'apostre : Qu'il ne doit hayr sa
chair ne sa personne : charite' commence a
soy mesmes : puis a ses parens ou aultre qui
en a puissance.

Exemple.



On peult comparer le riche a la' geline:
pource que la geline prend si grand curiosi-
te de nourrir ses poussins: que souuent laisse
le menger pour eulx : & de fait en devient
toute

toute seiche : mais quand les poussins sont
grands- il ne leur en souuient : car ilz ne la
cognoissent point : ne ne tiennent compte
d'elle. Semblablement quād le riche homme
a nourry ses enfans en ieunesse bien cheres
ment : & a souuent laisse a boire & a men-
ger: de leur pere & mere il ne leur en souuiet
plus- & nen tiennent compte deulx: Pource
conseille que quand tu es riche & puissant
tu donne & distribue tes biens a tes enfans
& a tes amys : affin que tu soys tousiours
prochain a toy mesmes : cest a dire que tu
retiennes si largemēt de tes biens- quil suf-
fise ayder & subuenir a tes parens.

Telluris si fortē velis cognoscere cultus,
Vergilium legito.

CSe tu veulx scauoir le cultiuement de la
terre- & comment on la doit labourer &
munder : & quand on doit semer & cultiuer:
tu dois lire le poete nomme Vergile: car en
son liure tu trouueras la maniere de labou-
rer la terre : & pource que par tel labueur on
acquiert plusieurs richesses : ilz mettoient
tout leur estude & entendement a labourer
& cultiuer leurs terres : mais ceste opinion
est faulse: car le souverain bien de ce monde
est dieu seruir- craindre- & aymer.

Quod

Quod si mage nosse laboras.
Herbarum vires macer tibi carmine dicet.



¶ Se tu veulx scauoir la force & la Vertu
des herbes - tu dois lire le poete Macer.
Les anciens disoient que le souverain bien
de ce monde estoit sante du corps : & pource
mettoient toute leur estude a scauoir la pro-
prieete & nature des herbes : pource quelles
sont ordonnees pour la sante du corps. La-
quelle opinion est faulse.

Si romana cupis, & punica noscere bella,
Lucanum quæras, qui Martis prælia dicet.

¶ Se tu veulx scauoir les batailles de
Rome - & Daffricque : lis le poete nomme
Lucain. Les anciens disoient que le souue-
rain

rain bien de ce mōde- est acquerir bonne fa-
me- & bonne renommee de noblesse: & pource
mettoient ilz toute leur estude pour scauoir
les faictz des anciens: & par especial de ceulx
de Rome & Daffricque: lesquelz ont este
moult subtilz sur les faictz des barailles.

Si quid amare liber, vel discere amare legēdo,
Nasonam petito.

CSe tu veulx aymer par amour- eis ce
poete nomme Naso: en ses faictz mondainz
& aussi luxurieux. Les anciens cuydoient
que le souuerain bien de ce monde fust en
delectation mondaine: Et pource estoient &
estudioient ce poete nomme Naso: lequel
enseigna les tours & la maniere daymer
par amours.

Sim autem cura tibi hæc est:
Vt sapiens viuas audi que discere possis.
Per quæ semotum vitiis traducitur æuum.
Ergo ades, & quæ sit sapientia disce legendo.

CSe tu veulx viure saigement: fuyz les vi-
ces- & ensuyz les vertus: lesquelz boutent
hors de la personne tous vices & pechez. Itē
dois lire & estudier en telle maniere que tu
puisse deuenir saige: & acquerir sapience &
saigesse:

faigesse : & fuyr les opinions & erreurs des
anciens deuant dictz - & quatre commandem
mens dessusdictz.

Si potes ignotis etiam prodesse memento,
Vtilius regno est meritis acquirere amicos.

Tu dois bien faire & proffiter les eſtran
giers : & non pas tant ſeulement a tes parens
& amys : car il eſt plus bñe & proffitabie
d'acquerrir des amys par tes deſſertes - que
d'acquerrir vñg royaume ou vñg grãd threſor.
Salomon dict quil vauet mieulx acquerrir
bñ nom & bñe grace - quor nargēt. Pour ce
dict Tullies - quil n'ya vñlle ne chasteau qui
puiſſe lōguement durer ſans amytiē & cōcor
de. Dieu ſaict plouuoir ſur les bñs & ſur les
mauluais. Parquoy ne dois pas tāt ſeules
ment aymer les bñs : mais aucunes fois auſſi
les mauuais : & les reduire a biē faire : & leur
donner & ſubuenir a leurs neceſſitez : & mi
ſeres :

Mitte arcana dei, coelū que inquirere quid ſit,
Cum ſis mortalis, quæ ſunt mortalia cura.

Tu ne te dois enquerir des ſecretz de dieu :
ne quelle choſe eſt le ciel : ceſtaſſauoir des
ſecretz que humaine nature ne peut ſcauoir
ne en

ne entendre. Mais il te fault croire fermement
sans nulle doubte ce que sainte eglise tient
à croit pour vray. Mais pource que tu es
mortel: tu te dois enquerir des choses mortel
les: nō pas des choses immortelles. Pource
dict l'apostre: quil n'est oeil qui ayt veu- ne o
reille qui ayt ouy- ne cueur qui ayt pense ne
pour pense les biens que dieu a appareille à
tous ceulx qui le croient & aymēt: car celui
qui mange trop de miel luy nuist. Aussi pa
reillemēt celui qui enquier trop des secretz
de dieu plus que nature ne peult ne doit sca
voir n'entendre- sera opprime deuant dieu &
priue de sa gloire. A ceste question on peult
respōdre par deux exemples. Premierement
on ligit d'ung prophete qui estudia moult lo
guement pour scauoir la nature des mou
ches amiel: laquelle ne peult onques scauoir
ne trouuer. St̃ Tullies racōpte en son liure
quil fist de la nature des dieux qu'ung roy
demanda à vng prophete quelle chose estoit
dieu. Lors ledict prophete demāda terme de
respōdre à la questio. Auquel ledict roy dōna
trois iours. St̃ apres les trois iours ledict
prophete demāda encores plus grād terme:
auquel ledict roy dōna seulement trois iours.
Item apres les trois iours vouloit enco
res plus de terme: Ha ha- dist le roy: ie voy
bien que tu te trusse de moy: Mais ledict
prophete

prophete se deuſa tresgracieuſement. & diſt:
Je cognois que dieu eſt tāt ſouuerain & in-
comparable: car de tāt plus y penſe: de tant
ſuis ie plus confus & eſbahy: & ne ſcay que
ie dois dire: car en nulle maniere ne puis co-
gnoiſtre quelle choſe eſt dieu. Or maintenant
ledict prophete reſpondit a ladicte queſtion
principalle: & diſt quātq potier de terre peult
dune meſme maſſe de terre faire vng pot
d'honneur: & vng aultre a deſhonneur. Item
monſeigneur ſainct Auguſtin diſt que no-
ſtre ſeigneur a faict naiſtre les mauuais
pour quatre raiſons. La premiere eſt: car
les bons en ſemblēt eſtre meilleurs. comme
le blanc ſemble eſtre plus beau & meilleur
quand il eſt dēpres le noir. La .ii. pource que
la iuſtice de dieu eſt approuuee & exaltee
par les mauuais: car ſil eſtoit miſericors
que tout le monde fut ſalue: ſa iuſtice ne
demonſtreroit point. Si vng iuge pardōnoit
a treſtous il ne ſembleroit point eſtre iuge.
Et par le contraire ſi iamais ne pardōnoit:
il ne ſembleroit eſtre miſericors. La .iii. eſt:
car par les mauuais les bons ſont honorez
& leur eſt appareille plus grād guerdon. Itē
ſi ne uſt eſte nulz mauuais. noſtre ſeigneur
ne uſt point prins mort: ne ſainct Etienne
ne uſt eſte lapide. ne nul marty: coronne. La
iiii. eſt: car des mauuais ſōt & ont eſte plus
de ſainctz

sainctz en paradis nez & engendrez que des
aultres: car E sau fut engēdie Ysaac: lequel
E sau estoit tresmauluais hōe. Et Dachs
mauluais fut engendie Ezechias: & ainsi de
plusieurs aultres. Item de L'espine vient la
Rose. Son couppoit toutes les espines: il
ne naistroit nulles Roses. Par les choses
dessusdictes appert cleremēt que dieu a fait
les mauuais pour attirer a soy les bons.
Et aussi pareillemēt pour demōstrer sa mi-
sericorde & iustice. Or dōc puis quil est ainsi
que ie t'ay dict & prouue qu'on ne peult co-
gnoistre les secretz de dieu: comment donc-
ques pourroit on cognoistre ce quil veult
faire: ne la chose de ce quil a faict. Or on ob-
stant que monseigneur saint Augustin: &
plusieurs aultres- ainsi comme i'ay dict: en
ayent baille & demonstre plusieurs & main-
tes raisons nouuelles. Et pource tu ne te
dois enquerir des secretz de nostre seigneur
plus auant que nature humaine ne peult
entendre ne cōprēdre. Les docteurs sont do-
pinion: & dient que la presence de dieu ne
porte nulle necessite quelle ne peult aultres-
ment. Et ce prouue Boece de consolation
par raison & exemple. Premier dict que dieu
scait aucunes choses necessairemēt- & na-
turellement a aduenir: cōme il est es secretz
de necessite que le soleil tieue du matin.

¶

Item

¶ Item il scait aucunes choses de franc & liberal arbitre: car il scait bien quād aucun veult faire aucune chose, quil a la franche volonte & liberal arbitre de faire ou non. Pour ce lhomme fait naturellement ce quil fait. Car dieu la ordonne & institue. Itē le soleil se lieue necessairemēt: pource que nostre seigneur Iesuchrist la ainsi ordonne: & ainsi les choses qui doiuent aduenir naturellement sont necessaires: mais celles qui tiennent par liberal arbitre sont deliberez de faire ou non: car dieu la ainsi ordonne & institue & preserve. Itē se peult prouuer par exemple que la diuine patience de dieu nimporte nulle necessite. Or supposōs quen aucun lieu ayt vng chemin qui soit diuise en troys voyes ou en troys chemins: par lequel chemin vng homme doit passer.

¶ Item supposons quil y ayt vng aultre homme qui soit hault sur vne grāde montaigne: lequel scait & cognoist toutes choses a aduenir: lequel crye & haulte voix & lhomme qui doit passer par le chemi des troys voyes: & dict: Je te deffendz que tu ne passes point par la voye fenestre: mais par la dextre: ou a tout le moins par la moyenne voye. Si celuy homme nen tient cōpte: mais passe par la voye fenestre: & chet entre les mais de ses ennemis. Que peult mais lhōme qui estoit dessus

dessus la montaigne: le quel scauoit bien les
choses aduenir: & quil deffendoit qe ne passast
point par la boye senestre. Il est tout notoi-
re de son mal: pource quil auoit liberal arbi-
tre & fraîche Volunte daller par tel lieu quil
luy plairoit. Et aussi quād on luy deffendoit
il ne deuoit point passer: mais deuoit passer
par la boye dextre- ou par la moyenne. Et
ainsi appert que la diuine prouidēce de dieu
ne porte nulle necessite des choses qui sont &
aduenir: & desquelles on a liberal arbitre &
fraiche Volunte de les faire- ou nō. Il ya auc-
cuns Prophetes qui dient que homme qui
naist en bōne planette ou signe sera biē for-
tune. Ceste erreur resprouue saint Gregoire
en son Dmelle: & dict que plusieurs naissent
en ce mōde en vng mesme signe ou planette
& en vng mesme point: dont les vngs sont
Rois- ou Ducz: & les aultres sōt ribaulez &
tresmauuais. A ce respōdēt les saintz pro-
phetes: & dient que le point passe a vng bi-
rement de loie. Saint Gregoire dict & re-
spōd: que iacōit ce quil soit ainsi que le point
de la fortune passe a vng birement de loie:
touteffoys il est impossible de naistre en ce-
luy point nen si peu de temps: car on voit
par experiance que quād vng enfant naist: il
met a naistre plusieurs pointz. Pource dict
saint Gregoire: que ce ne peult estre Bray:

car la cōstellatiō estoit cause necessaire da-
uoir bien ou mal: ou estre damne ou sauue.
L'hom ne se pourroit excuser de son peche:
en disant: Sire- vous qui estes createur de
toutes choses: vous auez donne a celle pla-
nette- sur laquelle ie suis nay: telle propiete
quelle me contrainct de faire telz pechez:
ausquelz ie ne puis resister. Et comme dict
sainct Augustin- peche est volontaire: car
ce qu'on faict contre sa volonte- & par force
n'est point peche. Parquoy me semble que
ie dois estre excuse du peche que ie faictz
contre ma pauvre volonte & influence de la
planette- sur laquelle ie fuz nay: qui me con-
trainct a faire ce que ie faictz. Ceste opinion
& erreur est la pire de toutes les aultres de-
uāt dictes: car si estoit ainsi que toutes les
choses fussent establies & ordonnees de par
dieu: & qui ne peust aultrement estre sen-
suyuroient plusieurs inconueniens. Pre-
mierement pource que peche ne seroit point
peche: Car si on pechoit par l'ordonnance de
dieu- ce seroit chose necessaire: & ainsi dieu
nauroit cause de punir les pecheurs. Item
aussi- bien ne seroit bien. Item dieu nauroit
point de iustice: car elle seroit estaincte &
mise a neant: pource que ne seroit Paradies
ny enfer. Itz ne faudroit auoir cure de nulle
chose temporelle: Car il ne faudroit point
laboures

labourer terres ne vignes : ne faire nullcs
foynes-ne marchandises:naussi ne faudroit
prendre medecines puis que tout seroit or-
donne & destine quand il debueroit mourir.
Ainsi faudroit dire que celuy qui debue-
roit estre condamne par la predestination
diuine- ne pourroit estre sauue en vsant de
son liberal arbitre- & franche volonte. Et
ainsi n'auroit nul liberal arbitre de faire
bien ou mal:car tout seroit necessaire.

Lique metum lethi, nã stultum est tẽpore in
omni,

Dum mortem metuis amittis gaudia vitæ.

Tu ne dois laisser - & non pas doubter la
paour de la mort corporelle : pource quen
tous temps est mouet grand folie de doub-
ter & craindre la mort: car quand tu doubtas
la mort tu perds les ioyes de la vie: Et tou-
teffoys tu dois doubter - & souuent penser
a la mort spirituelle pour quatre raisons.
La premiere - pource que celui qui pèse sou-
uent a la mort spirituelle s'abstient de mal
faire. La seconde raison - pource qu'on est
plus humble de cuer. La tierce raison est
affin que nous tous pensions de bien faire.
La quarte raison est que tu desires la mort
corporelle pour auoir la vie spirituelle.



V Un saint preudhomme requist a pria
 iadis nostre Seigneur qui luy di mō-
 strast quelle chose estoit la mort : le-
 quel ouyt Vne Voix dedans Vng Boys: lequel
 estoit pres de son hermitaige : laquelle ap-
 pelloit : dequoy il fut moult esbahy. Lors le
 saint preudhomme yssit hors de son hermi-
 taige - a Veit Vne beste qui estoit moult mer-
 ueilleuse: laquelle auoit corps dasne: a iam-
 bes a cuysses de cerf - pied de cheual - a face
 de lyon: a si auoit diuerses cornes - a des dēs
 de diuerses manieres : mais toutesfoys a-
 uoit Voix humaine. A moralement parler
 les conditions deuant dictes sont les effectz
 de la mort: Et pource quelle auoit le corps
 dasne est entendu que la mort porte toutes
 choses - comme fait le pauvre asne: car elle
 porte

porte l'ame a dieu (selle a bien faict) Selle
a mal faict elle la porte aux diables. Item
elle porte le corps aux vers : & les richesses
aux amys par les cuisses & iambes de cerf
tu dois entendre la legierete de la mort :
car elle sault habillement par tout. Car
maintenant en occist ung en Lombardie : &
tantost occist l'autre en France - & en Bue :
car elle va legerement par tous pays & con-
trees du monde. Par les piedz du cheual
dois entendre les remors de conscience : car
tout ainsi come le cheual est beste batailleu-
se : ainsi la mort faict l'ame combattre deuant
dieu par le remors de conscience : en rendant a
dieu raison de tout ce quelle a faict - quand
elle estoit en son corps. Par ce quelle a face
de lyon dois entendre quelle ne doute nul : car
ainsi comme le lyon ne doute ne vieux ne
jeune - ne saige - ne noble - ne riche - ne fort -
ne prelat - ne lay. Ainsi la mort ne doute
creature vivante. Par ce quelle a diuerses
manieres de dens : dois entendre la diuersite
de mourir : car la mort les occist en diuerses
manieres : ce stassauoir par espees - par mer :
par feu - & par venin : car il y a infinies manie-
res de mourir : pour ce quelle a diuerses cor-
nes : tu dois entendre quelle fiert & frappe tous
sans nulz esparner : Come Papes - Cardi-
naux - empereurs - roys - ducz - cotes - prin-

ces Cheualiers & autres Seigneurs &
 generalement tous ceulx qui sont nez de
 mere. Pource quelle a voïr humaine tu
 dois entēdre la faulsete de la mort : car au-
 cunessoyz elle fainct de faire aucuns
 mourir : aucunessoyz de non faire mourir.
 Puis vient a frapper soudainement : par
 quoy chascun doit tousiours bi n viure : as-
 fin quil puisse bien mourir sans doute : &
 mourir spirituellement.

Iratus de re incerta contendere noli,
 Impedit ira animum, ne possit cernere verum



Tu ne dois prendre noyse ne debat con-
 tre personne viuant de chose incertaine.
 Speciallement quand tu es courrouce : car
 pre em

vre empesche l'entendement & couraige de
l'homme en telle maniere quil ne peult ne
scet iuger ne regarder se la chose est vraye
ou nō. Pour ce se doit premier informer par
nature deliberat on auant quil meue i oyse
ne debat: car il nest aultre chose sinon vens
temporelz qui trouble & destruyt souuent la
vie de l'homme en mouuant guerres & dis-
sentions & infiniz debatiz- de faict- de parolles:
laquelle est cause de gaster & destruyre
villes- citez- & chasteaulx. Contre ceulx qui
sont courrouceez a deuy remedes princi-
paulx: Cest assauoir doulces parolles: &
doulce responce sans riens respōdre: car ainsi
que tu voyz par experiance que le boys multi-
plie le feu: ainsi respōses cōtraires multiplient
& enflamment l'home qui est vre & trouble.

Fac sumptum pro pere, cum res desiderat ipsa.
Dandū est enim aliquid, cum tempus postulat,
aut res.

Tu dois faire de bon cuer & hastiue-
ment ta despēse: cest assauoir ton present ou
don quand la chose le requiert - en conside-
rant que tu dois donner- & a qui tu dois don-
ner: car tu dois donner en temps & en lieu-
comme la chose le requiert: car il ya temps
de semer- & tēps de moissonner- tēps de per-
dre- &

Die- & aussi temps de gaigner. Toutes choses ont leurs temps. Le saige dict: despends largement en temps & en lieu - sans faire noyse ne debat. Car on dict communement que plus despends chiche que large. Pour ce est necessaire de souuent despendre & donner ses biens largement.

Quod nimium est fugito, paruo gaudere memento,

Tuta mage est pupis, modico que flumine fertur.

Tu dois estre cōtent de petite chose bien acquise- & fuyr toute superfluite. Car la nef va plus seurement en vng petit fleuve quen vng grād fleuve: comme en la haulte mer. Pour ce dict le saige: quil vauet mieulx peu auoir de chose biē acquise par iustice & mesure- que plusieurs biens mal acquis par iniquite sās iustice & mesure. Le prophete dict: que tant que l'homme plus riche est mis en grand dignite en ce monde: de tāt est il plus pauvre enuers dieu. Le prouerbe dict: que celui est riche qui na comme riens: & celui est pauvre qui a moult de richesses.

Quod pudeat, socios prudens cælare memeto,
Ne plures culpent, id quod tibi displicet vni.

L'hom-

CL'homme qui est saige doit celer le blasme & honte de ses compaignons: affin que plusieurs ne sachent ce que tu scais: & que blasme soyés: car ilz seroyēt plus diffamez de plusieurs que de toy seulement: mes les dois chastier secrettement - & non pas publicquement. Le prouerbe dict - que celluy est faulx q̄ reuelles le secret de son amy. Itē ce que tes yeulx voient ne dois pas tost reuellet - mais dois tenir secret.

Nolo putes prauos homines peccata lucrari:
Temporibus peccata latent, & tempore patent.

CJe ne dueil pas que tu cuide que les mauvais hōmes pecheurs gaignēt leurs pechez sans auoir punition & correction en ce monde: ou en l'autre: car les pechez sōt occultez souuēt par long temps: mais puis apres en certain temps sont reuellez - manifestez et punis. Se dieu ne punissoit les pecheurs il sembleroit q̄lz gaignassent: & fussent quittez de leurs pechez - et que leur faict sen portast mieulx - ou quitz en eussent aucuns prouffit - laquelle chose seroit contre droit & contre raison: car nul mal ne demourera sans punition - ne nul bien sans remuneration. Il n'est peche si secret quen la fin ne soit reuele. Pour ce sōt souuēt decupz ceulx
qui

qui cuydent cacher leurs pechez- comme fist
Dauid du peche quil auoit commis avec
Hersabee: lequel peche deuant tout le peu-
ple Dyssrael fut reueüe- comme il est escrit
au second liure des Roys.

Corporis exigui vires contemnere noli,
Consilio pollet, cui vim natura negauit.;

¶ Tu ne dois despriser les forces & vertus
de ceulx qui sont petis & foibles de corps- ne
celuy qui est pauvre des biens de ce monde:
car iacoit ce que plusieurs soient petis & fois-
bles de corps par apparence: touteffoys il
aduiet souuēt que celuy & qui nature a nye
ses forces quilz sont meilleurs & plus ver-
tueux a donner vng bon conseil que les au-
tres qui sont fors & puissantz de corps. Le
grain de moustarde: iacoit quil soit petit &
lait: touteffoys il a moult de force & de ver-
tu: car premierement il amodere les grosses
humeurs qui sōt dedās le corps. Itē il gua-
rist de morsure de serpent- de froid venin- de
mal de dentz. Itē il purge le ceruel: & si gua-
rist & romp la pierre- & faict auoir bon ap-
petit- & si conforte lestomach. Il guarist de
epilence & dydropisie. Qui cuyderoit que si
petit & si vñ grain eust si grandes vertus?
Item on treuve vne pierre precieuse nōmee
Agathe:

Agathe: laquelle est noire & de grosse couleur & rude: celle pierre a moult de vertus & proprietes: car quand elle est assumee elle faict fuyr les serpens: & si guarist les demoniacles: car elle est contraire aux diables. Item si vne fille boit de l'eau - la ou ladicte pierre aura trempé: celle n'est pucelle tant ost baira vueille ou non. Item elle faict venir les fleurs aux dames - & si appaise la douleur du ventre: & si ayde aux femmes à enfanter. Item saint Isidore dict: que ladicte pierre a l'usage & art en eau: & la boulez en huyle elle estoit: laquelle chose seble estre contre nature.

Quem scieris non esse parem tibi, tempore cede,
Victorem à victo superari sæpe videmus.

¶ Tu te dois deporter & esparagner en temps & en lieu celui que tu scez qui n'est pareil à toy de temps ne daage: ne qui na grande experience come toy: car celui qui a souvent vaincu - & faict de plusieurs beaux faictz d'armes: est aulcunefois vaincu de celui de q'il a este vainqueur. Le Cocodrille est si fort & si tres grand serpent - qui n'ya beste si grande ne si puissante qui le puisse vaincre: ne trait qui luy puisse faire mal: mais il ya vne petite bestellette nommee Aïcor: laquelle se met dedens la fange: & quand ledict Cocodrille

sa trois

la trouue cuidant que ce soit toute fange si
sangloutist-laquelle si tost quelle est dedans
son corps luy perce le ventre - parquoy ie
meurt tout incontinent.

Aduersus notum noli contendere verbis,
His minimis verbis interdum maxima cres-
cit.

Tu ne dois prendre noyse ne debat 3 con-
tee tes amys & ceulx que tu congnois: Car
bien souuent par petites parolles diennēt &
croysent grandes dissensions & debat3: ou
parolles- par lesquelles tu pourroys perdre
ton amy en peu de temps-lequel tu as con-
queste par long temps- & a grand peine: car
par vne petite estincelle de feu se prend et
allume souuent grand flamme- ainsi par
vne petite parolle multipliee pourrois per-
dre vng grand et bon amy.

Quid deus intendat, noli perquirere sorte,
Quid statuatur de te, sine te deliberat ipse.

Tu ne dois enquerir par sort: ne par art
de ce que nostre seigneur veult faire et or-
donner de faire de toy- ou de quelque aultre
creature: car dieu a delibere & ordonne sans
toy ce quil veult faire- ne ton conseil- ne de
nulle aultre creature mortelle. Senecque
dict

dict qu'on doit enquerir tant seulement des
choses qu'on peult entendre & comprendre
ce qui est licite de scauoir.

Exemple.

Ou fect dung clerc qui follement sou-
stenoit - & disoit que sil estoit prede-
stine: destre sauue ne pouuoit estre
damne. Et par le contraire - sil estoit prede-
stine destre damne ne pouoit estre sauue: &
quil conuenoit de necessite qu'il fust damne:
& pource faisoit tous ses desirs & plaisirs: &
ne luy challoit de faire bien ou mal: Mais
aduint qe fut griefuement malade: Lors il
enuoya querir ung moult saige Phisicien: &
luy pria qui le guarist le plus tost quil se-
roit possible. Le Phisicien estoit tressuffisant
en medecine & tresbon Theologien - & sca-
uoit bien toute la pensee dudit clerc - & luy
dit: Se tu dois mourir de ceste maladie - ie
ne te pourroyes guarir - & par le contraire
se tu dois guarir - tu en guariras bien.
Ha sire dist le clerc - ie scay bien que qui ny
mettra remede soubdai ie mourray. Alors le
medecin luy dist: Se tu crois que ta vie puis-
se estre prolongee par la vertu de la mede-
cine par moy faicte: pourquoy ne crois tu
que penitence puisse alonger ta vie de ton
me,

me. Adoncques ledict clerc pensa a la vertu
des parolles que ledict Phisicien luy auoit
dict. Ha sire dist il: ie vous requiers que do-
resnauant vous soyiez Phisicien des ames:
car par vostre medecine & parolle ie suis de-
liure dune grand erreur & de fosse creance-
si croys fermement que mon oppinion est
faulce & mauuaise affin que nul nadiouste
foy aux sortileges & deuins: chascun doit
croire fermement sans nulle doubance que
dieu peult tout faire: et s'as luy nul ne peult
rien faire: tant soit bon preudhomme. Com-
ment doncques croys tu sortileges & deuins:
car de ce quilz font: ne scauent quilz font: et
si neusent sinon que du mauuais art: par la
reuelation du dyable. Et qui peult est ne pour-
roit rien faire contre moy la volente de dieu.
Tu dois scauoir de vray que nostre sei-
gneur permet & seuffre que s'as deuins font
aduenir sortileges: Mais comment dit mon
seigneur saint Augustin. Dieu te seuffre
pour tesprouuer: et scauoir se tu es ferme
en la foy ou non: et le dyable denfer te faict
pour toy damner: et pour toy tirer en enfer
perpetuellement. Et pource dient les docteurs
de sainte eglise que tous ceulx qui croient
les deuins et sortileges sont excommuniez
et mauditz de dieu & de sainte eglise: Car
ils sont reputez ydolâtres & mauuais chre-
tiens:

fiens - pour ce quilz attribuent au dyable &
a nature humaine lhonneur - la reuerence &
la foy quilz deueroient attribuer a Dieu.
Item on trouue aucuns deuins q font leurs
fors par herbes p parolles - & par plusieurs
autres choses - pour guarir maladies de
gens - de cheuaux - & de plusieurs autres
bestes. Item il y a aucuns qui font breuetz
ausquelz sont plusieurs croix & dient que
ce sont les haux dons de nostre seigneur -
& que tous ceulx qui les portent ne peuuent
perir en feu en eue - nen autres lieux
perilleux. Et ilz font autres breuetz pour
liet sur les personnes pour guarir de plu-
sieurs maladies lesquelz pour monitions
ne excommunies quon leur face ne se veul-
lent abstenir - & deuez scauoir que vous &
ceulx qui les font ou font faire - & pareille-
ment tous ceulx qui les portent & y ont fi-
ance - & tous ceulx qui les vendent - donent
ou prestent - pechent griefuement silz ne
sont simples gens & ignorans en telle ma-
niere que leur simplessse & ignorance les ex-
cuse. Laquelle chose ne les peult excuser
quand ilz ont este suffisamment admonne-
siez. Je ne dis pas que se aucuns cueillent
herbes medecinales en disant Water nos-
ter - ou credo que ce soit peche mortel:
mais quon ne face autres sortileges. Et

¶

sachez

ſ: rechez que ce peche de ſortilege ha bonde
plus es femmes que es hōmes - pource que
elles ont moins de diſcretion & quelles croy-
ent plus legerement que les hommes.

Inuidiam nimio cultu vitare memento,
Que ſi nō le dit, tamē hāc ſufferre moleſtū ē.

¶ Tu ne dois auoir enuie ſur ton frere
Chreſtien - ne auoir precieus ioyaux ne be-
ſtemens - quelle ne nuise ou face dommaie
ge a ceulx de deſſus leſquelz tu as enuie -
touteſſois leur eſt grief & moleſte de ſouſte-
nir & porter: car enuie proprement eſt auoir
ioye du mal d'aultuy - & douleur de ſon biē.
Saint Auguſtin dit - que celui qui a enuie
des biens d'aultuy - eſt cōme celui q̄ eſt auen-
gle des rays du ſoleil: Senèque dit: qui ſont
tant de tourmens & maledictions des en-
uieux qui ſont des biens & benedictions des
heureux.

Eſto animo forti, cum ſis damnatus inique,
Nemo ſiā gaudet, qui iudice vincit iniquo.

¶ Tu dois eſtre patient - & auſſi pareille-
ment tu dois eſtre fort de cuer & de couraige
quand on te condāne & iuge fauſement & a
tort: car en la fin en ſeras venge: car le iuge
qui iuge

qui iuge iniustement ne iouyra pas longue-
mēt de son iniustice & iniquite: mais en sera
puny & corrige. Salomon dit que la iuste iu-
stice cause & de bon droict que le iuste de luy
mesmes adressera la voye - & le mauuais
iniuste sera puny de son iniustice & iniquite.
Celuy qui est constāt & ferme en toutes ses
aduersitez - acquiert quatre biens. Le .i. car
quand il est insuperable ne peult estre sur-
monte ne suppedite de tout le monde. Et
pource tout le monde ne pourroit vaincre ne
confondre celuy qui est ferme & constāt. Le .ii.
pource que tousiours a victoire sur ses
ennemys. Le .iii. pource quil en deniēt riche.
Le .iiii. pource quen la fin il acquiert la gloi-
re de paradis - laquelle est tousiours preste
& appareilliee a tous ceulx qui sont fors &
vertueux en ce monde - en resistant aux pe-
chez & vices de ce monde.

Nec te collaudes, nec te culpaneris ipse,
Hoc faciunt stulti, quos gloria vexat inanis.

Tu ne te dois louer ne blasmer en nulle
maniere: tu te dois laisser louer ou blasmer
par ung aultre - non pas par toy mesmes:
car les folz oultreueydez & peins de vainre
gloire se louent & gloufient de leurs faictz.
Pour trois raisons euidentes nul ne se doit
louer

louet ne Bouloir estre loue des autres. La
i. est que si regarde le temps passe - il trou-
uera quil a faict maintes choses desquelles
doit auoir douleur & desplaisir. La.ii. est:
car si considere le temps aduenir - il verra
moult de choses - desquelles doit doubter.
La.iii. est: car si cōsidere le temps present -
il trouuera en soy moult de pechez - & par
ainsi nul ne doit appeter louge ne soy loue
en ce monde present.

Litis præteritæ noli maledicta referre.
Post inimicitias, iram meminisse malorū est.

Tu te dois taire des maledictions & tan-
cōs q̄ sont passees - & non pas les racomp-
ter & les dire: car tu les dois mettre en ou-
bly - sans iamaïs en auoir memoire - specia-
lement quād tu as fait paip avec ceuluy au-
quel tu auois eu noyse: car cefi fait de mau-
uaises gens dauoir memoire & retenir en
son cuer les haines du temps passe. Tuel-
les dit quil nest riens si fait - ne deshonneſte:
que de faire guerre avec ceuluy avec qui tu
as vescu longuement & familièrement en
bonne paip & concorde.

Exemple,

Du



¶ Du temps passe que la cite de Rome es-
 toit payenne- auoit ung temple en ladicte
 cite de Rome- lequel estoit fonde en thono-
 neur du dieu de paiz & de concorde- auquel
 temple ledict dieu de concorde estoit assis en
 telle maniere- quil differoit aux autres y-
 dolles- lesquelles auoient le visage tourne
 vers la porte- & ledict dieu de concorde la-
 uoit tourne deuers le mur- & auoit en escrit
 deuant luy ce mot icy- benefice- & derriere
 luy auoit en escrit ce mot icy: Ire- en signi-
 fiant que tout homme qui veult faire paiz
 & concorde doit mettre derriere toutes les
 iniures quon luy a faictes: car autrement
 luy seroyent ostez tous les biens quil auroit
 acquis par deuant.

Vtere questitis modicè, cum sumptus abundat.
 Labitur exiguo quod partum est tēpore lōgo.

It iii

Tu

Tu dois dependre & vser de tes biens acquis par mesure & attremperment- iacoit que maintenant tu en ayes grande habondance: car on a despèdu & consumme en peu de tēps ce qu'on a acquis & espargne a grand peine & travail en son temps. Pource dit la decretale- que le viure de long temps est despèdu en peu de temps. Et par ainsi nul ne doit estre eschats ne trop large en donnant sa ou il ne doit point dōner- pource que toutes choses ont leurs temps: car il ya temps de donner- & temps de retenir.

Inspiciens esto, cum tempus postulat, aut res,
Stultitiam simulare loco, prudētia summa est.

Tu dois estre & faire le fol - ou dissimuler folie en temps & en lieu quand la chose le requiert: car cest souueraine prudence de scauoir bien dissimuler folie - cest assauoir de faindre & scauoir faindre en temps & en lieu conuenable: car plusieurs peuent dissimuler estre folz pour plusieurs causes. Premièrement pour euitier offense humaine. Secondement pour baine gloire. Tiercement pour euitier leur personne. Quartement pour euitier la diuine offense de nostre seigneur.

luxu.

Luxuriam fugito, simul & vitare memento,
Crimen auaritiæ, nam sunt contraria famæ.

Tu dois fuyr & eniter luxure & auarice-
pource que vices & pechez sont contraires a
bonne renommee : car par luxure on perd
son argent & sa substance- ou on courrouce
dieu- & si perd on son corps. Pource dit Ba-
tien- qu'on affoiblist & debilité plus son corps
de perdre vng peu de sa semence & nature-
que de perdre quarante fois plus de son sang :
car ceulx qui vsent souvent de femmes per-
dent leur couleur- & deuiennent biciz & soy-
bles de leur corps.

Le temple.



Quons lisons en l'adie des petes quil y a-
uoit vng saint pere qui auoit nourry vng
Re iiii enfant

enfât en ung boys en son hermitaige: mais
quand celui enfant fut en aage - il fut bien
souuent tente du peche de luxure - & de fait
vouloit retourner au monde pour soy ma-
rier - dequoy le saint pere en fut moult cour-
rouce - tant que par l'espace de deuy ans ce-
luy saint pere par exhortation le destour-
ba de retourner au monde: Mais en la fin
dit au saint pere - quil ne pouuoit plus en-
durer - & quil luy estoit force & contraincte
q'il retournaist au monde. Auquel dit le saint
pere: Puis quil te fault retourner - tu ten-
yras & prendras femme: Car par mariaige
tu pourras faire ton sauueniement: mais quand
tu yras ie te demande ung dy - c'est assauoir
que tu ailles a la fontaine que tu scez qui est
dedans la forest - & la tu iureras quarante
iours - en priant nostre seigneur Iesuchrist
quil te vueille donner bonne femme - & de ce
fut le ieune homme trescontent: Lors print
du pain ce quil luy en faisoit mestier: Puis
sen alla en ladicte fontaine. Puis quand il
eut ieusne par l'espace de vingt iours em-
pres la fontaine - ainsi comme il estoit en or-
raison il commença a sentir vne si terrible
puantise & si grande - quil ne la pouoit en-
durer ne souffrir. Adoncques s'apparut vne
si treslaide Vieille - laquelle estoit si redneu-
se & morueuse de laquelle venoit toute la
puant.

puantise laquelle il sentoist : Alors ladicte
vieille le salua - en disant : Las ou es tu mō
doulx amy - ie t'ay long temps quis qu'on
ques ne t'ay peu trouuer iusques a mainte
nant. Helas dit elle - ie t'ay plus ayme & des
sire que tous les hommes du monde. Le ie
une homme luy respōdit : O treslaide & tres
puante vieille - que demandes tu : Je te prie
trescherement dit elle - que tu dormes avec
ques moy. A ce mot le ieune hōe dit : fuy fuy
& luy cracha au visage - en disāt : Ja a dieu
ne plaise que i'aye telle amye - tant orde - &
layde comme tu es. Adonc luy demāda qui
elle estoit - & comment elle auoit a nom. Je
suis Luvre. Il y a deux ans passez que ie
t'ay commence a querir - cest a dire depuis
que tu fuz premierement tente de Luvre.
Certes dit le ieune homme - se ieusse sceu
que le peche de Luvre eust este si ord & si
puāt - ie neusse iainais voulu retourner au
monde - & pource ie prometz a nostre sei
gneur Iesuchrist - que doresnauant ie gar
deray Virginite. Alors sen retourna vers le
saint preudhomme - & luy compta tout ce
qui auoit veu & ouy. Lors le saint preud
homme fut moult ioyeux - auquel dit : Se
tu eusses accompli les quarante iours - tu
eusses bien veu d'autres reuelatōs : & tous
iours depuis cecuy ieune homme demoura
audict

audict hermitaige en sa virginite.

Noli tu quedam referenti credere semper,
Exigua est tribuēda fides, qui multa loquūtur.



Tu ne dois pas croire tousiours ce qu'on
te dit & rapporte - ne y adionster foy - ainsi
cōme font plusieurs iongleurs qui racōptēt
diuerſes nouuelles p̄ douces parolles pour
toy decepuoir. Et plusieurs dient & racom-
tent plusieurs choses qui ne sont point veri-
tables: car en plusieurs parolles naissent au-
cunes mēsonges. Pour ce dit Eſope quō ne
doit pas croire tousiours les parolles qu'on
oyt dire - ne tous ceulx qui les dient ou ra-
comptent: Car celuy est reputē pour fol &
mēſchant qui croit les parolles d'ung mēſ-
chant mēſonger. L'occasion est cause qu'il
esment

esmement les infideles a dire telles paroles: & pour ce quil est peu de chrestiens: & encores qui pis est de ceulx qui y sont y en aura peu de sauuez: car ceulx serot seulement sauuez qui garderot les commandemens de Dieu: Et qui croyront ce que sainte eglise croit les quelz arguent ainsi & disent pourquoy nostre seigneur auoit cree si grand nombre de gens quand il scet & scauoit bien quilz seroient damnez eternellemēt. Car il est plus dinfideles que de chrestiens. Et des chrestiens seront tant seulement les bons sauuez: Et diēt que sil estoit ainsi quilz fussent to⁹ damnez avecques les mauuais chrestiens: pour ung sauue en y auroit mille damnez & plus.

Item dict que cest merueille comment dieu donne & a donne tāt de richesses & de biens a si grād multitudine de peuple quād il scet & scauoit bien quilz sont & seront damnez. A ceste erreur on peult respondre & dire que ce nest pas de merueilles se plusieurs sont damnez: & a la comparaison et regard de ceulx qui sōt sauuez: Car il nest pas merueille se iustice rend aux grādz pecheurs ice quilz ont merite & desseruy: et de ce nul ne se doit esmerueiller: car tu voyes bien que le soleil baille la lumiere a tout le mode: autāt aux bons cōme aux mauuais. Parquoy nul ne se doit esmerueiller se la misericorde de dieu

bonne des biens aux bons - ne se la iustice
de dieu pugnift ceulx qui sont rebelles &
mauuais contre dieu . Et pour l'informa-
tion de ce Monseigneur saint Augustin
dit que se dieu Vouloit tous les mauuais
seroyent bons: Mais il aynte mieulx quilz
soyent ce quilz veulent estre: car silz sont
bons ne sera pas sans merite ne guerdon.
Pareillement silz sont mauuais ce ne sera
point sans punition: Car nul ne se peult ex-
cuser qui ne face bien s'il veult pource que
chascun a liberalle & franche volunté de
faire bien ou mal. La sainte escriture dit
que Dieu met deuant l'homme deux mi-
seours: C'est assauoir vie & mort - lequel qui
Vouedra aura: car s'il fait bien il aura vie
perdurable. Et s'il fait mal il aura mort es-
ternelle: Parquoy appert clerement qu'on
ne doit croire les argumens des infidelles:
Car ilz en dient plusieurs quilz ne scauent
pas.

Quod potu peccas ignosceretur tibi noli,
Nam nullum crimem vini sed culpa bibentis.
Tu ne



Tu ne dois nul blasmer se tu peche par trop boire de vin tant que tu en deuienne yure: Car ce n'est pas la coulpe du vin: mais de celly qui en boit trop: car le vin en tant quil est cree de dieu est bon pource quil faict moult de biens a qui en prend attrepeement par mesure. Aristote dict en son si piefine liure des secretz que le vin prins attrempeesment rend lhomme moult ioyeux a habille en toutes ses choses quil a a faire.

Consilium arcanum tacito comitte sodali.
Corporis auxilium medico committe fideli.

Tu te dois cōseiller si secrettement a tō loyal amy a cōpaignon de toutes tes affaires et besongnes quand tu scez quil est secret a loyal quand tu las bien approuue.

Darcis

Dareillement: tu ne dois faire medeciner
ton corps sinon a celluy qui est seable et
loyal et expert en lart de medecine pour
medeciner ton corps. Le prophete dict que
on doit son secret conseil dire a son ancien
amy non pas au nouuel lequel nest pas
deuement esprouue. On interroqua ung
prophete quelle chose il deuoit faire le len-
demain: Lequel respondit et dist - se ie te
disoyes comment le pourroys tu celer de le
dire quand ie ne le puis celer de te le dire.

Succellus indignos noli tu ferre molesté.
Iadulget fortuna malis, vt læ lere possit.

Tu dois porter patiemment les fortunes
et indulgences a toy contraires: qui te vien-
nent par tes pechez a desertes: car de tant
que tu boys que daucuns sôt les mieulx for-
tunez: de tant les faict fortune plus hôteuse-
ment descendre a tûber en bas: car fortune
nest autre chose que nature sans raison: car
elle espargne souuent les mauluais affin



quelle les puisse blecer & decepuoir. Pour-
tant sont souuent les mauuais plus fortu-
nez des biens de ce monde que les bons: les-
quelz ne se doiuent esmerueilleir pourtant se
les mauuais sont bien fortunez en ce mons-
de: car il n'appartiēt pas au p. bons selon la
religion chrestienne de estre exaulceez es biens
temporelz: car ilz doiuent estre pauures et
bien tenez en ce monde: car les mauuais
nont riens au ciel - ne les bons sur la terre
es choses mondaines.

Prospice qui veniunt hos casus esse feren-
dos
Nam leuius lædit quicquid præuidimus an-
te.

Tu dois souuent penser aux fortunes &
cas q te peult aduenir de iour en iour affin
que tu ne soyes surprins par inaduertances

car toutes fortunes & aduersitez: desquelles
tu as este aduise ne te blessent ne griezuent
tant que celles qui te viennent soudaine-
ment. Senecque dict que le sage doit tous-
iours penser a son courage: et des fortunes
et aduentures qui luy peuvent aduenir. Car
iâmais le sage ne dit: Je ne cuidoie point
que telle fortune me deust aduenir.

Rebus in aduersis animum submittere noli,
Spem retine, spes vna hominem nec morte re-
liquit.

Tu ne te dois desesperer pour les choses
contraires qui te viennent & peuvent ad-
uenir: car tu dois auoir et retenir en toy
mesmes bonne & ferme esperance: car bõne
esperance ne laisse point l'homme a la mort: car
tout homme doit auoir bonne esperance en
l'article de la mort de viure eternellemen t en
la gloire de Paradis. Desesperance est pro-
pice a l'enemy de noser & contraire a toute rai-
son: Car l'homme qui meurt en desesperance
iâmais n'aura pardon ne remissio. Ainsi ia-
coit ce que tes besongnes se portent mal et
que fortune te soit contraire. Pourtât tu ne
te dois desesperer: mais dois auoir bonne
esperance que dieu te donnera assez de biens
au temps aduenir: Car ceulx qui n'ont nuls
les

les fortunes n'aduersitez en ce monde ne sont
point aymez de dieu. Sainct Gregoire vng
iour quil alloit par Rome se logea chez vng
hoste: lequel estoit trefriche: auquel il dema
da de son estat: Lequel luy respondit quil
estoit trefriche: & biē fortune - & que iamais
nauoit eu nulle fortune: ne desplaisir en ce
monde. Mais auoit eu tousiours bonne pro
sperite de corps & de biens - et aussi quil a
uoit vescu glorieusement: et aymoit femme
& enfans: nipueux: nepees: barletz: seruātes:
& plusieurs aultres seruiteurs: & que toutes
les choses temporelles luy habondoient lar
gement de iour en iour a son plaisir. Et lors
quand saint Gregoire entēdit ce il fut moult
esbahi & en grand doubtaunce: parquoy in
cōtinēt dist a ses seruiteurs: Nus tost allōs
nous en dicy: Car dieu nest point ceans - et
par aduenture nous pourrōs estre enuelop
pez & prins avecq luy en ses richesses et pe
chez. Lors ainsi quilz furent vng peu loing
dicelluy hostel dudict hōme - la terre soubs
dainement sourrit & engloutit celluy riche
homme - & tous ses biens & toute sa famille.
Lors saint Gregoire se tourna: & dist. Re
gardez mes freres comme Dieu pardonne
misericordieusement a ceulx a qui il donne
& enuoye aduersite en ce monde: & comme
il punist cruellement ceulx a qui il ne donne

A

nulle

nulle aduersite : mais toute prosperite : Et
dit on quen celluy lieu a encores vne fosse en
memoire et remembrance dudict myracle
et exemple.

Rem tibi quam noscis aptam, dimittere noli.
Fronte capillata, post hæc occasio calua.

Et tu ne dois laisser la chose que tu scez
qui test profitable a necessaire de present-
ne pour le temps aduenir : Specialement
quand fortune te dict que tu es en bone pro-
sperite: car apres celle occasion a bonne for-
tune que tu laisserois te pourroit Venir vne
autre fortune calue a aduerse: a a toy ne
pourroit iamais retourner ce que tu auroys
laisse: car le commun proverbe dict- quon ne
doit iamais mettre a ses piedz ce quon tient
en ses mains. Lucan dict: quon doit oster de
foy toute negligence: car negligence nuist
tousiours a toutes choses qui sont prestes-
lesquelles tu peulx auoir incontinent- si tu
ne les laisses par negligence. Et dict que
ce que tu peulx faire aujourdhuy n'attends
point a demain de le faire: car quand l'hom-
me est en sa bonne fortune a prosperite il
treuve moult d'amys. Pour ce dict le saige.
Quand tu seras riche et bien fortune te se-
ra contraire tu demeureras seul.

Quod

Quod sequitur specta, quodq3 imminet. ante
videto.

Illum imitare deum, qui partem spectat utraq3.

Tu dois penser & regarder aux choses
presentes. passées. et aduenir: car tu dois
ensuyuir celluy qui regarde l'une et l'autre
partie: Cest assauoir tes choses presentes.
passées. & aduenir. M^oseigneur saint Au
gustin diet. O toy homme. se tu desplaisois
& cognoissois: & tu me plaisois. Mais main
tenant pource que tu ne te veulx veoir tu te



desplairas. & moy aussi: cest assauoir quand
tu seras iuge de moy. & de toy mesmes pour
tes pechez quand tu bruleras au feu d'esper.

Senecque dict que l'homme preus doit dis-
poser & ordonner de trois temps: car il doit
ordonner du temps present et pourueoir et
regarder au temps aduenir: & doit auoir
memoire & souuenance du temps passe: Car
aultrement nyroit pas bien.

Fortius vt valeas, interdum pacior esto,
Pauca voluptati debentur, plura saluti.

Tu dois estre attrempe & auoir mesure
en toutes tes choses: afin que tu soyes plus
fort de corps & d'ame pour resister encontre
les vices et pechez: car peu de chose peu
faire pour ton plaisir & delice. C'est assauoir
peu boire: peu manger: & peu estre luxurieux
euu- nauaricieux: pource que to^s exces s'ont
contraires a son salut: Mais tu dois faire
beaucoup de choses pour ton salut: Car tu
te dois attremper de trop boire & de trop
manger: & fuir tous plaisirs mondains & faire
toutes choses plaisantes a dieu. Senecque
dict que de exces & voluptez viennent quatre
maux. Premierement pource que les exces
sont cause de plusieurs maladies de corps &
d'ame: & en la fin ensuit la mort. Seconde-
ment pource qu'ilz empeschent l'homme de
faire son salut et saulement. Tiercement
pource qu'ilz font oublier tous biens faictz.

Quar-

Quartement: car ilz mainent l'home droict
en enfer & a peine eternele.

Iudicium populi nunquam contempseris v-
nus.

Ne nulli placeas dum vis contemnere multos.

Tu ne dois deuiser le iugement ne la sen-
tence de plusieurs: quand ilz sont saiges et
prudens: car tu ne peulx: ne dois plaire a
aucun se tu veulx desuiser cōtre dire & des-
plaire a plusieurs: car si contredisoyz & des-
prisoyz chascun tu seroyz fol: Car celluy est
presumptueux & maudict de tout le monde
et reputé le plus fol des folz qui desprise
tout homme: & ne veult auoir amictance ne
complaire a nulluy: Mais luy mesmes par
son oultreueydance retourne et desprise la
sentence de plusieurs saiges & prudens.

Sit tibi precipuè, quod primum est, cura salu-
tis,

Tempora ne culpes, cum sis tibi causa dolo-
ris.



Tu dois prentierement & principale-
ment penser a la cure du salut de ton
ame- & de ton corps: car toymesmes
est cause de ta maladie- & non pas le tēps.
Pour ce sont folz ceulx qui blasment & res-
prennent le temps- en disant- que le temps
est cause de leur maladie- de leur fortune-
et de leur peche. Item aucuns dient: il faict
maulvais temps & perilleux- certes ilz ne
seauent quilz dient: Car nul temps n'est de
foy mesmes mauuais. Leuāgise dict- que-
rez le premier le royaume de Paradis- et
vous aurez toutes les choses lesquelles vo^s
sont necessaires et prouffitables au salut
de vo^s ames. Secondement tu dois querir
le salut de ton corps. Cest assauoir que tu
dois faire que tu soyes de bon regime & bien
attrempe de tout. Senecque dict- que par
trop

trop boire & trop manger viennent plusieurs
cures maladies. Item les medecins diēt que
la bouche: cest assauoir trop boire & trop mā
ger. & faire exccs occist plus de gens que ne
font les especs es batailles.

Sōnia ne cures, nā mens humana, quod optat,
Cum vigilat, sperans, per somnum cernit id
ipsum.

E Tu ne dois curer ne penser aux songes
que tu as faictz: & ny adiouster foy ne creā
ce: Car tu songes souuēt: & est la pensee hu
maine encline de songer en dormant: ce quelle
aura desire & couuoite en veillant: Car il
semble souuent qu'on voit en dormant ce que
on aura deu en veillant. Sainct Gregoire
dict que y a quatre manieres de songes. Le
premier vient par trop grande affection de
ceulx qui songent: & telz nul ne doit croire
ny adiouster foy en nulle maniere. Le deu
xieme est: celluy qui vient par cogitation fan
tasmaticque: & par illusion dyabolique:
telz songes nul ne peult escheuer. Le troi
siesme vient par reuelation diuine. Et a ce
stuy doit on adiouster foy. Le quart vient p
ar le desir de la chose qu'on a veue en veillant.
Et de ce songe parle celluy present cōman
dant. Et dit qu'on ne doit tenir compte: ny
adiouster foy en nulle maniere.



Oc quicunque velis, carmen co-
gnoscere lector.
Hæc præcepta feres, quæ sunt
gratissima vitæ.



Se tu veulx fuyr vices et pe-
chez: tu dois ensuyuir et gar-
der les commandemens: les-
quelz sont de droict canon et
approuuez en la sainte escrip-
ture. Pour ce quelque personne
qui vouedra auoir parfaicte congnoissance
des commandemens de cestuy liure: doit
garder & retenir les commandemens qui cy
apres sensuyuent: car ilz sont tresagreables
& prouffitables a tous ceulx qui veuissent
mener bonne vie- et fuyr vices et pechez:
par

parquoy chascun les doit retenir en sa memoire & entendement.

Instrue præceptis animum nec discere cesses,
Nam sine doctrina vita est quasi mortis imago.

Tu ne dois cesser d'apprendre et enseigner ses commandemens: car l'homme qui est sans doctrine est comme ung ymage de mort. Et pource se tu ne gardes bien les commandemens de ce liure ce sera ton dommage - non pas le dommage de celluy qui les a faictz et compassez - et pource tu ne dois cesser d'apprendre tant que tu les saches. Senecque dit quil vauet mieulx beaucoup que le vieil homme apprenne en sa vieillesse quil ygnore ce quil doit scauoir: & ce qu'on luy enseigne - & dit que l'homme sans doctrine ressemble a ung ymage de mort: Car tout ainsi que l'homme mort est priue de vie naturelle - Semblablement l'homme sans doctrine est priue de toutes vertus - & remply de tous vices & pechez. Pource nul ne se doit excuser d'apprendre ce qui luy est necessaire pour son salut: soit ieune ou vieulx en quelque aage quil soit: car il vauet mieulx tard que iamais.

Commo-

Cōmoda multa feres, ſin autē ſpreueris illud,
Non me ſcriptorem ſed te neglexeris ipſe.

Tu acquerras moult de prouffit- ſe tu
gardes bien & retiēs tous ſes cōmandemēs de
dieu. Mais ſe tu les deſpriſes il te viendra a
plusieurs maux: Car ſe tu ne les gardes
bien ce ne ſera pas mon domnage qui ne
ſuis eſcripueur- mais ſera le tien propre ſāſ
auctre. Plusieurs maux & inconueniens te
viendront ſe tu ne gardes ſes cōmandemēs:
car premierement viendront toutes males-
dictions- pource que tu ſeras maudit en
champs & poſſeſſions: & en tous biens tem-
porelz & ſpirituelz. Item ſera maudit le
fruct de ton ventre & de toute ta terre - et
de tous ſes biens: mais par le contraire ſe
tu gardes bien ſes commandemens toutes
les benedictions & tous biens te viendront- &
ſi ſeras bien heure & loue en ta cite: & en to^s
biens tēporelz & ſpirituelz- & ſi ſera le fruct
de ton ventre beneiſt & le fruct de ta terre &
de tous ſes biens. Item dieu t'enuoyera de
ſon threſor de Paradis: Ceſtaſſouoir que
dieu ſera du ciel deſcendre la pluye pour ar-
rouſer la terre.

Cum rectē viuas, ne cures verba malorum,
Arbitrii noſtri nō eſt, quid quiſque loquatur.

Tu



Tu ne dois curer ne prendre garde
aux parolles que diēt les mauuais
de toy-especiallement quand tu vis
iustement et saintement: Car il
nest pas en nostre liberal arbitre de
appaiser-ne de faire taire les mauuaises
langues des mauuais. Ne te chaille qz
diēt de toy: Car ilz dient pluſtoſt le mal que
le bien- & si font pluſtoſt leur dommage que
le tien. Selon le droit canon les mauuais
occisent les bons en quatorze manieres. La
premiere est en prenāt les biens de leglise. La
deuiesme est en faisant difficulte de dōner
les benefices- & les choses ecclesiastiques.
La troyziesme est: quand ilz oftēt les biens de
leurs parēs: cest assauoir de leurs pere & me
re, La.iiii.est- quand ilz font quelque chose
se Volun

se volontaire dequoy on peult mourir. La
cinquiesme est - de non donner a ceulx qui
ont necessite. La.vi.est- quand ilz nyent les
dismes quilz doiuent a dieu & a sainte egli-
se. La.vii.est- quand ilz nuysent a leur frere
chrestien de faict & de volunte. La.viii. est-
quand ilz induysent aucun a malfaict. La
ix.est- quand ilz pourchassent & amortissent
enfans - & quilz empeschent nature. La.x.
est- de soy coupper aucun membre. La.xi
est- quand ilz ostent a aucun leur benefice.
La.xii.est - quand ilz font chose pourquoy
aucun peult mourir. La.xiii.est- quand ilz
baissent conseil de mort. La.xiiii.est- quand
ilz hayent leur frere chrestien.

Productus testis saluo tamen ante pudore,
Quantumcunque potes cælato crimen amici.

Tu dois celer le blasme & meffaict de
ton amy tant comme tu peulx: cest assauoir
quand il est cause daucun cas : & que tu es
appelle en tesmoignaige contre luy pour di-
re verite : en tant comme tu peulx - quand
vient quil te fault iurer tu ne te dois point
pariurer ny ue toy infamer ne deshonorer.
Le saige dict en telle maniere- iacoit ce que
Socrates & platon soient mes amys: tous
tessoys iayme plus verite que Socrates ne
Pla.

Daton: car dessus toutes choses tu dois
aymer Verite.

Sermones blandos, blesosque cauere memeto,
Simplicitas viri fama est, fraus ficta loquendi.

Tu dois fuyr & euitier douces parolles
quand elles sont decepuables: comme ceulx
qui parlent tant doucement en souspirant
& gemissant: mais celles sont vertueuses: tu
les dois tenir & approuuer: car simplesse- &
auoir fame sospeconneuse de non dire
Verite est mauuaise - pource la dois eui-
ter.

Segnitie[m] fugito, quæ vitæ ignauia fertur,
Nam cum animus languet, consumit inertia
corpus.

Tu dois fuyr & euitier oysiuete & paresse
mere des pecheurs. Fuyde de tous biens: &
remplie de tous maux: car quand le cou-
raige languist & quil se habandonne a pa-
resse- il consume & destruyt le corps de la
personne. Item celuy qui lest paresseux de
faire biens corporelz est paresseux de faire
biens spirituelz.

Nous



Nous faisons d'ung paresseux qui res-
print ung abbe de ce quil faisoit la-
bourer les religieux - & disoit: pour-
quoy faictes vous labourer les biens qui bien-
nent sans labourer a ceulx qui seruent dieu.
Pour ce dict nostre seigneur a la Magda-
leine quelle auoit esleu la meillieure partie
auant sa seur Marthe le recepuoir: pource
quelle ne luy oydoit point a faire ses beson-
nes: car elle ne faisoit que prier & escouter
nostre seigneur - & estre en contemplation.
Adonc labbe fist prendre ceulx hommes - les-
quel se disoit si deuot. Si le fist enfermer
dedans vne moult belle oratoire & deuot &
luy dist: Puis que tu es si spirituel que tu
peulx viure sans labourer: tien boys cy
ung beau liure & deuot - auquel tu contem-
pleras dieu en cest oratoire. Alors quand
l'heure

l'heure de nonne fut passe il commença a a-
noir fain - & escoutoit & regardoit tousiours
son lappelloit pour disner: Et quand ce vint
au soupper - il demanda a l'abbé se les freres
n'auoient encores rien menge: & luy dist
quil auoit fain. Ha ha dist l'abbé - tu dis que
tu es spirituel: ceulx qui viuent spirituelle-
ment n'ont nul besoing de noz viandes que
nous mençons & labourons - pour auoir
a manger. Adoncques commença a crier
mercy a l'abbé de ce quil luy auoit dict: & sen
commença a repentir. Ha dist l'abbé: ie voy
bien ce quil te fault. Certes tu as besoing
de Marie Magdaleine: & de Marie Mar-
the: cest a dire quil te fault labourer pour
viure: & si te fault contempler & penser a
dieu pour auoir la vie eternelle.

Interpone tuis interdum gaudia curis,
Vt possis animo quemuis sufferre laborem.)

Tu dois a ieunesse prendre repos &
soulas - & ioye en toutes tes oeures, beson-
gues & operations: ou en estude - ou quelque
sabeur que ce soit: car si tu es attrépe entous
tes faictz & operatiōs: tu porteras plus pa-
tiement: & plus legerement en ton courais-
ge & entēdement les faictz - & la peine de ton
labeur: car toutes choses ont leur temps: &
leur

leur lieu qui les scait prendre a point : & si
Boys par experitce de larc qui est tousiours
tendu se gaste. Pareillement l'homme ne
peult estre tousiours en peine ne travail.
Pour ce dict Aristote - que les hommes ont
aucunes foys & doiuent auoir corporelle re-
creation: soit en labeur corporel ou spirituel.

Alterius dictū aut factum ne capseris vnquam.
Exemplo simili ne te derideat alter.

Tu ne te dois mocquer ne truffer des
faictz d'aultruy: cest assauoir quand tu Boys
aucune personne mal fortunee - ou accusee:
ou iugee d'aucun vice : & par aduenture le
temps viendra que par semblable cas pour-
roit a l'exemple se mocquer de toy : & diroit
on de toy : Cestuy se mocquoit l'autre iour
de la fortune & misere d'ung tel: & maintenāt
est en plus grande fortune & misere quil ne-
floit Car on dict communement - que celuy
qui se truffe - en la fin sera truffe - & ainsi nul
ne se doit truffer d'aultruy : car nul ne scaict
qui luy est a aduenir : car la sentce est iuste
& raisonnable que celuy qui se truffe sera en
la fin truffe & moque.

Que tibi fors dederit tabulis suprema notatur
Augendo serua, ne sis quem fama loquitur.

Tu dois biē noter & escrire en tes tables:
cestaſſauoir en ton entendemēt & memoire:
les premieres fortunes & bonnes aduētures
qui te viennent : & les garder & accroistre en
telle maniere que tu ne puiffes auoir blaſme
ne reproche: cest a dire que quand tu es riche
tu dois donner & reſpandre de tes biens par
meſure: affin que tu ne ſoyes repoute trop &
uarieuſ ne trop eſchars : & auſſi ſe tu en
dōnois trop largemēt tu deuendrois a pau-
urete: parquoy chaſcū ſe truſſeroit de toy: &
diroit on le prouerbe cōmū: celui a tāt faict
par ſes deuy mains quil eſt venu du plus au
moins. Et pource tu dois garder meſure: &
tes biens accroiſtront de mieulx en mieulx.

Cum tibi diuitiæ ſuperant in fine ſenectæ,
Munificus facito viuas, non parcus amicus.

Tu dois eſtre large en la fin de tes iours:
a tes amis: & non eſchars: ceaſſaſſauoir quād
tu as de quoy: & que les richesses ſurmontent
tout ce : & oultre quil te faict beſoing pour
ton eſtat: car tu en dois dōner a tes parens:
& en faire aumosnes aux pauvres de Jeſ-
uchriſt. Sainct Ambroise dict- que ſe tu ne
donnes a boire & a mēger a celui qui meurt
de ſain (ſe tu as de quoy) toy meſmes ſas occi-
cis - & es cauſe de ſa mort.

Vtile consilium dominus ne despice serui,
Nullius sensum, si prodest, tempseris vnquam.

Tu ne dois despriser le conseil de tes ser-
uiteurs- si est profitable & vtile: ou pareil-
lement le sens ne le conseil de nulle person-
ne si le te proffite- & est vtile pour toy: & pour
ton faict: iacoit ce que tu soyes grãd & puis-
sant seigneur. Senecque dict- tu dois con-
siderer que tes seruiteurs sont hõmes com-
me toy: & quil test necessaire dauoir seruis-
teurs: & pource ne dois despriser leur conseil
quãd il est profitable & vtile: mais les dois
ouyr: & escouter doucement - & vser de leur
conseil quand il est bon & vtile: car souuent
ceulx qui sont humbles ont plus grand don
de sapience: & si sont plus saiges que ceulx
qui sont orgueilleux - & esleuez & assis en
haux sieges en audience.

Rebus, & in censu, si non est, quod fuit antè,
Fac viuas contentus eo, quod tēpora prēbent.

Tu dois estre content de ce que le temps
te dõne: iacoit ce que tu nayes point tant de
Biens de ce monde que tu souloys. Pour ce
te conuient restraindre & amoindrir ton estat
& ta despense: car si tu vouloys tenir si grãd
estat que tu souloys- tu ny pourrois aduenir
sans

sans prendre & embler iniustement les biens
d'autrui: & ainsi dois estre content de ce que
tu as de present: maintenir ton estat selon
ta rente & reuenue: & rendre graces & louen-
ges a dieu de tout: nonobstant que tu n'ayes
pas tant de possessions que tu souloys: ou de
marchandises- se tu es marchât: car les biens
de ce monde sont bien variables: maintenât
on est riche- maintenât on est pauvre. So-
crates disoit qu'il y auoit vng homme qui se
complaignoit a luy- pource quil estoit pau-
vre: lequel luy demandoit quelle chose il
deuoit faire- auquel il respondit: Si les biens
que tu as ne sont suffisans pour ton estat &
pour ton viure: faictz & te gouerne en telle
maniere que les biens te suffisent: & ainsi tu
seras content de ton estat. faitz comme di-
soit Iob: Dieu te ma donne: dieu te ma oste:
dieu soit loue du tout: car ainsi luy a pleu:
& ainsi la faict: Pour ce chascun doit estre
content de ce que dieu luy a donne.

Vxorem fuge ne ducas sub nomine dotis,
Nec retinere velis si cœperit esse molesta.

Tu ne dois prendre femme ne conuoites
pour son douaire: ne pour sa richesse: mais
tu dois estre femme qui soit vertueuse- de
bonnes meurs- & de bônes doctrines- de bon

pere & de bonne mere : speciallemēt de bon-
ne mere : car les filles si ensuyuent volun-
tiers les meurs & conditiōs de leurs meres.
Quand tu as femme espousee - se par ad-
uenture elle te fait moleste : cest a dire s'elle
est ribaude ou aduultere : tu la dois fuyr &
mettre hors de ta compaignie : & saches selō
droict canon & ciuil - que tu ne dois laisser ne
toy separer d'avec elle : sinon par aduulters :
car cest vng souverain don de dieu de trou-
uer bonne femme & loyale.

Multorum disce exemplo, quæ facta sequaris,
Quæ fugias, vita est nobis aliena magistra.

Tu dois apprendre par exemple de plu-
sieurs saiges hommes quelles besongnes tu
dois faire pour te reigler selon ton affaire.
Premierement tu dois eniter ce qui eniter
car la vie des autres estrangiers qui nous
ont precedez doit estre nostre reigle & nostre
maistresse de tous noz affaires & gouverne-
ment : cest a dire que tu dois considerer com-
ment plusieurs sont venuz a grand honneur
& perfection pour eulx saigement gouver-
ner : & comme plusieurs sont venuz a grand
misere par leur malice cōduyte & gouverne-
ment : & pource que les faictz de ce monde
sont variables & difficiles a cognostre : tu
dois

dois penser & repenser plusieursfoys ce que
tu veulx faire: et comment du pareil cas en
est prins aux sages qui tont precede: et par
ainsi tu pourras de leger congnoistre ce qui
est prouffitabile ou nuyfible.

Quod potes id tentas, operis ne pondere pres-
sus,

Succumbat labor, & frustra tentata relinquo.

Tu dois esprouuer & essayer se tu es assez
fort & vertueux pour accõpleir & faire ce que
tu veulx faire: ou ce que tu as commence &
faire: & comment tu te dois conduire et me-
ner a bõne fin: affin que labeur cestassauoir
ce que tu as commence ne te soit trop grief-
& que tu ne ployes dessous ton fais: car il
te faudroit laisser tout ce que tu auroyes
encommence de faire: parquoy chascun se
trufferoit de toy: car cest beaucoup plus grand
honneur de soy garder de commencer les
choses qu'on ne peut mener ne conduire a
bõne fin: que de les commencer & les laisser
imparfaites. Le sage dict: Celuy qui cryde
plus scauoir que sa faculte & sa nature ne
requiet: tout son fait ne vauet riens: pour
ce que tout demeure imparfait.

Quod nosti haud rectè factum nolito tacere,
Ne vidiare malos imitari velle tacendo.

M iii

CTu

Tu ne dois taire ne celer ce que tu scez qui
est faict inuistement & sans raison: car se tu
seuiois aucune chose contre la loy: ou con-
tre le bien commun- ou contre plusieurs- tu
le dois reueler & manifester: car si tu le ce-
lois- on pourroit dire que tu serois content
& participant du faict: & si sembleroit que
tu aymerois mieulx iniustice que iustice:
entant que tu celerois les vices des mau-
uais: & les esparagnerois de corriger- & de
reueler tous leurs meffaitz. Je ne dy pas
que tu ne les doibues admonester par dou-
ces parolles auant que tu reueles leurs pe-
chez & meffaitz. Monseigneur saint Au-
gustin dict: Ne cuydes pas que ce soit mal
faict de reueler & iuger les pechez d'autrui:
pourcee que se tu les celois tu serois pis la
moitie: & si serois cause de leur damnation:
& perdition de corps & d'ame.

*Iudicis auxilium sub iniqua lege rogo,
Idem etiam leges cupiant, ut iure regantur.*

Tu dois requerr la yde du iuge quand la
loy est trop rigoureuse: cest a dire quand tu es
cause d'aucun cas particulier: & que la loy
est trop rigoureuse & aspre contre toy: ou
quand on te veult faire iustice tu dois requerr
humblement la yde du iuge: car les loys
veulent & requierent quelles soyent gouuer-
nees

nees & interpretees tousiours a la meillen-
re partie pour celuy qui a tort. Item aussi le
iuge peult amoderer les loix de son office-
quand elles sôt trop rigoureuses: car il vauet
mieulx que le iuge soit reprins destre trop
doux que s'il fust reprins destre trop cruel & ri-
goureux. Toutesfois les loix qui sont ap-
promiees par droit canon sont bonnes &
iustes - non obstant quelles semblent es-
tre iniustes a celuy qui est condamne par
elles. Item aussi tout bon iuge de son office
les peult amoderer - non pas quil puisse de
tout son office & benefice.

Quod merito pateris, patienter ferre memeto,
Cumque reus tibi sis, ipsum te iudice damna.
Tu dois souffrir & porter patiemment la
peine que tu as desservie - a laquelle par bon
droit & iustice tu es cōdamne: car puis que
tu sez que tu es coupable - toy mesmes te
dois cōdamner & estre ton iuge. Boece dit:
que les mauuais se doiuent aller presenter
deuant leurs iuges de leur bon gre & volun-
te - & requerir humblement la punition de
leurs vices & pechez: car il vauet mieulx que
le malfaicteur se iuge d soy mesmes: qu'il
auctre le iuge. Et ce dit l'apostre: Se nous
nous iugeons nous mesmes - nous ne serōs
pas iugez de Iesuchrist - comme faisoient

les enfans D'israel - qui disoient : Le que
nous souffrons est iustice : car nous auons
peche contre nostre frere.

Multa legas facito, perlectis selege multa,
Nam mirāda canunt, sed nō credenda poetæ.

Tu dois lire & estudier plusieurs choses:
& retenir les bonnes- & fuyr les mauuaises:
car il est licite d' scauoir bien & mal: mais tu
ne dois pas croire tout ce que tu tiras- pour
ce que les poetes & plusieurs autres disent
moult de fables & de choses merueilleuses-
& pour ceste cause nul ne doit estre trop heu-
reux de la doctrine de ces poetes: lesquelles
sont pleines de fables & de mensonges. Da-
uere dit: que par especialles ieunes enfans
doiuient fuyr la doctrine des poetes- pource
qu'ilz croient de leger tout ce qu'ilz voyent &
oyent dire - & par ainsi tu dois estudier de
toutes sciences- & retenir les bonnes- & fuyr
les mauuaises.

Inter conuiuas fac sis sermone modestus,
Ne dicare loquax, dum vis vrbani haberi.

Tu dois estre attrepe de parolles- & toy
garder de trop parler a table entre ceulx q
boiuent & māgent: car tu dois estre attrem-
pe de

pe de parler - affin qu'on ne die que tu soyes
vng mensonger - & vng controuueur de nou-
uelles - & de bourdes - speciallement quand
tu deulx estre tenu & reputé pour humble-
doulx: & courtoys. De ce as experiance des
gaigneurs rustiqz quand ilz sont en la ta-
uerne ilz meinent si grād buict qu'on ne peult
durer empres eulx: car pour auoir pluystost
fait - ilz parlent souuent tous ensemble en
telle maniere quilz ne scauent quilz dient - ne
que les aultres deussent dire qui sont avec-
ques eulx. Le saige dit: qu'on ne doit arguer
contre son amy - quand il boit & mangeut.
Ne blasmer - ne despriser quand il est ioy-
eux. Pour ce chascun se doit garder de
trop parler - speciallement en beuuant & en
māgeant: car tu dois parler & taire a point
quand il est temps.

Coniugis iratæ nolito verba timere,
Nā lachrimis struit insidias, dū fœmina plo-
rat.

Tu ne dois doubter les parolles d ta fe-
me quand elle est courroucée contre toy: car
les femmes sont de telle condition que tant
quelles se mōstrent plus courroucees & plei-
nes de pleurs & gemissemens de tant plus
fort sefforcent de toy deceuoir & prendre en
leurs laqs. Et ce font elles quād elles voy-
ent que

ent que par leurs pleurs - parolles - & gemissemens ne peuuent surmonter leurs marrys. La femme doit estre subiecte a l'homme - pource tu ne la dois doubter pour chose que elle die - ne face.

¶ Sainct Crisostome dit qu'on peult chastifier sa femme en deux manieres. Premièrement en l'admonnestant doucement - & en luy remonstrant sa faulte par douces parolles. Secondement quand elle ne se veult corriger namender par douces parolles - tu la dois battre & corriger dung baston. Toutefois tu te dois bien garder des aguets & deceptions de ta femme - quand elle est mauuaise: car la sainte escripture dit: qe n'est si mauuaise yre ne si perilleuse que la teste dung serpent: Ne il n'est si mauuaise yre - ne si perilleuse que l'yre de femme: car elle est treshardie de faire ce quelle pense & tressubtile de nuire quand elle veult: Car quand elle se courrouce elle oseroit dire & faire ce que l'homme n'oseroit penser: car cest la plus terrible beste qui soit quand elle est courroucee - & la plus cruelle - & d'autre part cest la plus douce beste qui soit - & la plus piteuse quand elle est bone & sans courroux.

Exemple,

¶ Nous



N Dus eis dōs quune femme pource qu'e
son mary sauoit batue pensa q yma
gina de luy donner a boire dung bru
uaige - duquel fut tout pure - ydiot - & cōme
hors du sens - & ainsi quelle le pensa le fist.
Lors quand elle eut baillie celuy bruaige il
deuint tout fol - en telle maniere quil ne sca
uoit quil faisoit: Lors elle lembraissa & le ie
ta sus sō liet - puis sen courut a ung mona
stere qui estoit pres dilec - & cōmenca a crier
& braire - cōme si elle fut enragee en disant:
Helas pour dieux benez moy secourir & ay
der a mon pauvre mary qui se meurt - le
quel a destia perdu la parolle: Helas quand
il estoit en sa bonne sante il ne demandoit a
dieu aultre chose sinon quil peust estre moy
ne - a moy dauetre part ay bone charrete - &
encores bone de present - ie ne ducil pas en
pescher

pescher son saulement - ne son salut. He-
las pour dieu: dit elle: Venez tost - & luy met-
tez l'habit de religion - affin quil accomplis-
se son deu - & quil meure religieux. Lors les
moynes vindrent la - & luy firent la grand
couronne - & puis luy destirent l'habit de re-
ligion le mieulx quilz peurēt: car il ne par-
loit ne ne cognoissoit personne diuant. Et
lors quand vint le matin que son yuresse &
frenaisie luy fut passee - il regarda & fut
fort esbahy quand il se trouua en habit de
moine - & qui luy auoit destu cest habit - &
fait si grand couronne: Lors la femme luy
dit: Helas mon trescher mary - dequoy vo-
us esbahissez vous? Ne vous souuiēt il point
commēt la nuit passee vous auez este fait
moine quand vous estiez en vostre grand
frenaisie. Vous scauez bien que lon temps
a que vous auez voue de deuenir moine -
Pour ce ie demanday les freres - puis vous
ay fait ordonne moine: mais affin que ie
nempeschasse vostre deu - & vostre sautue-
ment - iay voue & promis a dieu chastete en
telle maniere qe me conuient demourer tou-
te seule pauvre esgarree en ce monde. De
ces parolles fut moult esbahy le mary - &
dit qe ne scauoit nulles nouuelles de ce que
elle disoit - ne quil nauoit nulle volonte de-
stre moine - & vouloit oster l'habit. Helas dit
la fem

me - commēt estes vous si hardy dester vo-
stre habit - & de rompre vostre deu - commēt
vous boulez vous dāner - & moy aussi : car
ie vueil bien que vous scachez que iamais
vous n'aurez compaignie avecques moy :
Car vous estes Bray moine : Il a dieu ne
plaise que ie couche - ne dorme avec moine -
& aussi vous scauez bien que se vous laissez
vostre habit - tout le monde se trufferoit de
vous - & chascun diroit que vous seriez apos-
tat - & par ainsi tout le mōde fuyroit vostre
compaignie - pource que vous seriez epcō-
munie - tant le sermonna que par son sens
& belles parolles - il entra en l'ordre de reli-
gion & luy donna tous ses biens.

Vtere quæ sitis, sed ne videaris abuti,
Qui sua cōsumunt, cum deest, aliena sequūtur.

Tu dois despendre tes biens par mesure
sans faire epcēs - affin' qu'on ne die que tu tē
abuses & les despendz follement & que tu ne
soys trop eschars. Tu dois tenir le chemin
moyen : car tu ne dois point estre trop large
pource que quand les biens faillēt plusieurs
maulx sensuyuēt - & pource chascun se doit
garder de consommer & despendre follement
tous ses biens. Plusieurs maulx peuuent
venir de venir a pauurete & despendre ses
biens

Biens spirituelz & si ne tient on compte des
sainctz de Paradis. Secõdemẽt on a tres-
grãde vergongne de demander le pain pour
dieu. Tiercement par pauurete on commẽ-
ce plusieurs pechez-cõme en l'arrecin & plus-
sieurs meurdres.

Fac tibi proponas mortem non esse timendã.
Quẽ bona si non est, finis tamẽ illa malorũ est.

Tu dois douter la mort pour les peines
qui sensuyuent: Cest a dire que tu dois fai-
re si bonnes oeuvres & operatiõs en ce mõ-
de que tu ne double la mort: car iacoit ce
quelle ne soit pas bonne: cest a dire que ne
la repoute pas bonne - toutesfoys elle est la
fin de tous maux de ce monde. Sẽblable-
ment on peult dire que la mort est tresbõne
pour les mauuais-cõme pour les bõs: car
par la mort les mauuais laissent de faire
& continuer leurs pechez: pour ce leur est bõ-
ne: mais est meilleure aux bons comme dit
le Psalmiste que la mort des saictz est tres-
bonne & tresprecieuse apres la mort.

Exoris linguam, si frugi est, ferre memento,
Nanque malum est, nil velle pati, nec posse ta-
cere,

Tu

Tu dois porter & souffrir de bonnairement
les parolles d ta femme quād elles sont pro
fitables pour toy ou pour aultre: car cest cō
tre droict & raison de non vouloir souffrir
quon parle ne de ce vouloir taire- toutesfois
iacoit ce que la femme soit accoustumee de
dire mēsonges- quād elle dit brary tu la dois
escouter benignement. Quand elle dit mal
tu la dois corriger doucement & luy dire a
myablement quelle se taise. Le philosophe
dit que nonobstant que le conseil des fēmes
soit repoute d nulle bassesse- toutesfois quād
elle dit son opinion- & baille son conseil tan
tost sans penser a ce quelle doit dire- on le
trouue souuent bon & de grand prouffit- &
Btificate.

Dilige non agra charos pietate parentes,
Nec matrē offendas, dū vis bonus este parēt.

Tu dois aymer ton pere & ta mere de
bōne amour sās nulle fainctise: car cest grād
abusion de courroucer sa mere- quand on
deult estre bon & aymer son pere & sa mere:
car celuy qui fera mal a son pere & a sa me
re en la fin luy en prendra mal- & mourra
malheureux: Pour ce leuāgille dit que se tu
beux viure lōguement sur terre tu dois ho
norer & aymer ton pere & ta mere- ou ainsi
seppo

sepposer se'peult - tu ne dois courroucer ta
 mere- cestassauoir sainte eglise . Quand
 tu deus estre bon & aymer ton pere - cest-
 assauoir dieu createur de tous . Item cest
 des principaux commandemens de nostre
 roy : Cestassauoir Dieu son createur- son
 pere & sa mere - apres le premier comman-
 dement qui dit que tu dois croire & aymer
 Vng seul dieu.

Securam quicumque cupis traducere vitam.
 Nec viciis hēiere animū, quē moribus obsunt.



Tu dois desirer & couuoiter du tout de-
 mener bonne vie & seure en ce monde- & toy
 garder de tumber en peche: car tu dois & ta
 puissance fuyr tous vices & pechez- lesquels
 sont contraires & toutes bonnes meurs &
 cause

cause de perdition d corps & d ame: car pour
riens ne se doit laisser surmonter a peche.

Hec precepta tibi semper relegenda memeto.
Inuenies aliquid, in quo te vtare magistro.

Tu dois noter & auoir en la memoire les
cōmandemens deuant ditz. lesquelz tu dois
souuent lire: car se tu notes bien & considere
les commādemens dessusdictz - & ceulx qui
sensuyuent cy apres tu y trouueras aucuns
nes choses qui te sont necessaires & vtilles
pour ton gouuernement tāt de corps que d a
me - & quelle chose tu dois faire & ensuyuir -
& quelle chose dois laisser de faire ou souyr:
car en lieu auquel regne & a damnation d i
ce & peche vertu ny peut estre en nulle ma
niere pource quilz sont contraires.

Despice diuitias, si vis animo esse beatus,
Quas qui suspiciunt, medicant semper auari.

Tu dois despriser les richesses de ce mōd
de se tu veulx estre heureux & viure seure
ment pour acquerir la gloire de Paradis
qui est eternelle: car ceulx qui plus en ont
sont les plus pauures - & plus heureux sont
les autres. Pour ce dit lenangeliste: Se tu
veulx estre parfaict & bien heureux en ce
mon

monde va & vende ce que tu as en ce mode
& le done pour dieu aux pauvres membres
de Jhesuchrist. Sainct Augustin dit que l'a-
varicieux ne peult iamaiz avoir suffisance:
car de plus en plus veult avoir & desire
plus d'avoir & si ne s'ot iamaiz assurez: car
ilz ont tousiours paour. Sainct Augustin
dit que les avaricieux doubtent les quatre e-
lemens. Premierement ilz doubtent l'eau - affin
quelle ne noye leur marchandise. Seconde-
ment ilz doubtent le feu - affin quil ne brulse
leurs marchandises & possessions. Tierce-
ment ilz doubtent la terre - affin que leurs
fructz ne perissent. Quartement ilz doubtent
le vent - affin que par les vents ilz ne soyent
empeschez de faire & daller en leur marchan-
dises. Item ilz doubtent toutes personnes -
affin quilz ne leur emblent leurs thresors:
mais ceulx qui desprisent hayent les richesses
ne doubtent riens - sinon Dieu leur crea-
teur tant seulement.

Commoda nature nullo tibi tempore deerunt,
Si contentus os fueris quod postulat usus.

Tu dois estre content des biens & prou-
fit que nature te donne & en usage du temps:
car se tu es content & as suffisance: les biens
de nature ne te faudront iamaiz: car tu ne
dois querir ne demander a Dieu que ce q' il
teft

est prouffitable - necessaire & utile pour
soutenir nature humaine. Boece dit que
nature est contente de peu de chose - pource
deuons desirer & demander premiers les biens
spirituels. Car qui a les biens spirituels doit
auoir esperance & croire fermement qu'il au-
ra assez de biens temporels: car on doit sou-
uent le iuste delinque nauoir necessite en
telle maniere qu'il n'ayt tousiours pour sou-
stenir sa vie naturelle.

Cum si incautus nec rem ratione gubernes,
Noli fortunam quę non est dicere cęcam.

Tu ne dois pas dire que fortune soit a-
ueugle - laquelle n'est riens - pourtant se tu es
fol & te gouverne mal a point: car fortune
n'est point auengle - iacoit ce que les pauures
dient quelle est auenglee: mais comme dit le
saige - il te conuient souuenir de pauurete
en prosperite - ientends quand tu es riche tu
en dois garder pour le tēps aduenir. Boece
de consolation dit que fortune n'est riens si
non ce que le peuple commun ymagine: car
fortune n'est autre chose qu'ymagination &
fantasie & pource quand tu te gouvernes
mal de toy mesmes - tu ne dois appeller for-
tune auenglee ne mauuaise: car elle n'est si
non folle ymagination & creance.

Dilige denarium, sed parce dilige formam,
Quam nemo sanctus, vel honestus captat ha-
bere.

Tu dois aymer tant seulement les de-
niers pour ta vie soustenir: cest assauoir mo-
derement pour auoir & achapter ce qui est
necessaire pour auoir la vie corporelle: car
nul saint homme ne iuste ne doit demâder
sinon ce qui luy est necessaire pour sa sub-
stance & vie corporelle - non pas comme ces
Usuriers qui amassent ces grands mons-
ceaux d'argent - desquelz ilz font leur dieu
& leurs ydolles: car ilz ont plus de fiance en
leur or & leur argent que dieu leur createur:
car comme dit l'escriure - auarice n'est auel-
tre chose fois que seruires & adoremens des
faulces ydolles.



¶ Il nous risonz dung auaricieux qui auoit moult dor & d'argent - lequel vng iour print tout son tresor & le mist au meillieu de sa chambre dessus vng beau drap : puis appella sa femme & son filz & leur monstra son tresor qui estoit dedans sa chambre - puis les fist aller dehors & ferma la porte : mais le filz se tint hors la porte & regarda par vng petit pertuis que son pere vouloit faire de son tresor - & dit que son pere se mettoit a genoulx deuant son tresor quil adoroit en disant : Vous estes mon esperance - ma gloire - & mon refuge : car ie ne quiers ayde ne secours d'aultre dieu que de vous. Lequel en disant ces parolles se coucha dessus son tresor - & entre les aultres pieces dor en veit vne qui estoit moult belle & plus reluyfante a laquelle dit : tu es belle - ie cuyde que tu soys bone a m'engager - lequel la mist dedans sa bouche & la transgloutit & aualla - & de rechef en reut vne aultre qui estoit moult belle & plus grande que celle de deuant - laquelle il mangea comment il auoit fait l'aultre. Item en veit vne aultre plus grande & plus belle que n'estoient les deux aultres precedentes - laquelle il cuydoit transgloutir come il auoit fait les aultres : mais pource quelle estoit trop large & trop espesse elle lestrangla : puis fut son ame ensepuelle en enfer - et fut trouue

mort dessus son thresor comme vne bestie.
Sans faulte ainsi en prendra a tous ceulx
q'aymet leur thresor plus que dieu leur crea-
teur - & plus leurs corps que leur createur.

Cū fueris locuplex, corpus curare memento,
Eger diues habet nūmos, sed nō habet ipsum.

Tu dois medeciner & faire curer ton corps
quand tu es riche & puissant pour garder
ton corps en sante: car le riche homme a sa
richesse & ses derniers a sa Volunte quand
il luy plaist: mais il n'a pas son corps ne sa
sante de son corps.

Exemple.

¶ Il nous lisons d'ung riche hōme qui ayma
mieulx perdre vng oeil que de donner vng
florin a vng medecin pour soy guarir. Et
d'autre part on treuve plusieurs qui se lais-
seroient auāt mourir quilz donnassent vng
denier pour la sate de leurs corps pour eulx
meciner - & cest ce que dit le saige: Si tu es
contraire a toy mesmes comment seras tu
bon aux autres estrangers: pource appert
bien clerement que les auaricieulx n'ont point
cure deulx mesmes - iacit ce quilz ayent
plusieurs richesses mondaines.

Verbera

Verbera cū tuleris discens aliquādo magistri,
Fer patris imperium cum verbis exit in iram.

Tu dois porter & souffrir patiemment auc
cunesfois les correctiōs de ton maistre si tu
veulx bien apprendre. Pareillement quāds
ton pere est courrouce tu te dois taire & luy
cōme filz obeissant respondre humblement



par ta douce parolle & responce tu appaise
ras son yre: car le cōmun prouerbe dit- que
douce parolle estaict grād yre. Et par ainsi
tu as aucunesfois souffert: les batures de
tō maistre quāds tu aprenois. Seblablement
& par plus forte raison dois souffrir & por-
ter les parolles de ton pere quāds il est cour-
rouce. Le Philosophe dit qu'ilz sont troyes
personnes esquelz nous ne pouons rendre

Qu'iii

les

les biens faitz. Premièrement a dieu - lequel
nous a donne estre - & ame raisonnable - &
amendement - lequel deuons aymer & doub-
ter - pource quil nous a faitz quand no^s ne
fids point. Il nous a rachaptez quā nous
estions perdus - & si nous a donne sens & en-
tendement de discerner entre bien & mal. Se-
condement au maistre qui ta appris scien-
ce & doctrine: car pour tout le tresor du mo-
de on ne pourroit achapter science. Tierce-
ment a ton pere & a ta mere - lesquels tont
donne estre naturellement - & donne tous les
membres naturels. Qui seroit celuy qui pour-
roit achapter ung oeil ou vne main? Qui
seroit celuy qui pourroit achapter science?
Qui seroit celuy qui te pourroit sauuer - si
non dieu ton createur? Tout le tresor du
monde ne pourroit ce faire. Et pource nul
ne pourroit rendre le bien que ces trois per-
sonnes deuant dictes nous ont fait.

Res age quæ profunt, rursus vitare memento.
In quibus error inest, nec spes est certa labo-
ris.

Tu dois faire choses proffitables & vtili-
tes - & fuyr celles qui sont inutilles & sans
prouffit - & contraires a bonnes doctrines &
qui sont sans nul prouffit: car cest folie de
faire chose qui ne prouffite de riens a toy - ne
a autres.

a autres - ne de quoy on a esperance d'au-
cun proffit de present ne au temps aduenir.
Item il ne suffit pas de faire tāt seulement
les choses q̄ te sōt prouffitables: mais aussi
conuient quelles soyent prouffitables aux
autres.

Quod donare potes, gratis concede roganti,
Nā rectē fecisse bonis in parte lucrorum est.

Tu dois donner tost a celuy qui te demā
de a requiert (si tu as de quoy) a tu le puis
ses faire selon ta faculte - a si dois donner
choses loyalement acquises - a de ton pro-
pre: car d' nulles choses mal acquises nul ne
peult licitement donner a faire auumosne.
Et se tu donnes iustement du tien propre
tu partiras au gaing - a prouffit - a en seras
remunere deuāt dieu ton createur en saul-
tre monde - a aussi par aduenture en ce mō-
de. Il y a aucunes simples gens qui cuydēt
que ce soit bien faict de rober a vng riche
Usurier pour donner aux pauvres: Certe
telle pensee est dyabolique - a silz ne font
nul bien - iacoit ce quil donnent tout ce quilz
desrobent aux riches ilz font plus grād pe-
che que dauumosnes - comme tesmoigne le
droict canon a la sainte escriture: Pour ce
doit chascun donner du sien propre loya-
lement acquis.

Quod

Quod tibi suspectum est, cōfestin discute quid sit,

Nāque solēt primo quę sunt neglecta nocere.

Tu dois tost discuter & enquerir la verite des choses douteuses & suspecteuses en toutes besongnes que tu veulx faire & cōmencer: car, tu en dois scauoir la pure verite auant que tu procedes plus auant - & si dois regarder & ce quil sen pourroit ensuyuir. Car souuent les choses dequoy on ne se doute - desquelles on na cure de scauoir la verite en la fin quilz se peuent ensuyuir sont aucunes fois tresnuysables & domageables - & en diennēt plusieurs inconueniens - ausquelz si on y eust pourueu de bonne heure neussent peu nuire - ne porter nul dommage. Pour ce dit le cōmun prouerbe - que mal aduise a souuent peine:

Cum te detineat veneris dannosa voluptas,
Indulgere gulę noli, quę ventris amica est.

Tu dois estre sobrie de boire & de manger se tu veulx fuyr le peche d luxure: & speciallement quād tu es enclin & habandonne au diet peche: car la bouche est amye du vêtre - Parquoy tu te dois garder de donner a ta bouche vins - & viandes - si soudainement quelle

quelle soit cause de ton peche: car quand tu
es enclin- & que nature sencline audict pe-
che- tu dois faire ieusnes & grands absti-
nences & dois ymager tout les boyes &
manieres- par lesquelles tu pourrois corri-
ger ta chair des mouleuis d'sirs luxurieux:
desquelz viennent infinis maux.

Cum tibi proponas animalia cuncta timere,
Vnū hominē tibi pręcipio plus esse timendū.

Tu dois plus doubter l'homme que nulle
aultre beste viuāt- iacoit ce que tu ayes pro-
pose ton entendemēt de doubter toutes les
aultres bestes: & de ten garder: affin quelles
ne te nuysent- ou facēt auecū dōmaige tou-
teffois tu dois plus doubter l'homme que
nusses aultres bestes- pource que l'hōme est
fait & forme & ymage & semblance de dieu:
Et aussi pource que l'hōme est fait & la sem-
blance de dieu- aussi sont faictes & crees tou-
tes bestes & son seruice.

Item pource que l'homme & en soy plus de
subtilite & cautelle que toutes aultres bes-
tes. S'aict Augustin dit: que dieu crea pres-
mier l'hōme rationat: affin q'il entendist le sou-
uerain bien que dieu son createur luy auoit
faict & dōne: & aussi quil le seruist & aymast
de tout son cuer et de toute sa pensee: affin
quil

qui peut paruenir a la gloire de paradis.

Cum tibi praua lida fuerint in corpore vires,
Fac sapias, sic tu poteris vir fortis haberi.

Tu dois apprendre & acquerir science-
puis que dieu ta donne sens & entendement
de ce faire: car se tu as science & sapience en
toy- tu seras repoute pour fort & pour bail-
lant. Pour ce dict Salomon- que science et
sapience baillent mieulx & sont plus prou-
fitables que la force & bailliance corporelle:
car l'homme prudent & sage baillie mieulx
que l'homme fort de ses membres. Pour ce
doit apprendre science pour attremper & a-
moderer la force corporelle.

Auxilium à notis petito, si fortè laboras,
Nec quisquam melior medicus, quàm fidus
amicus.

Tu dois demander conseil & ayde a tes
amys quand tu es en rancune: fortune: & ne-
cessite- affin qu'ilz te confortent & conseil-
lent en ta misere & fortune car il n'est si bon me-
decin que le bon & loyal amy- car tout ainsi
comme le medecin est vtile et prouffitabele
pour guarir toutes maladies- tout aisi un
bon amy est vtile pour ayder & reconforter
son

son amy en sa fortune & tribulatiō. Le sage
dit - que le loyal amy est bray medecin pour
la vie de l'homme: & si n'est riens qu'on doive
tant hayr et auoir en ire: que celluy qui est
ennemy quād il s'ainct & mōstre signe de sire
amy: car lon doit mieulx aymer vng bon
amy que or ne argent ne aultres biens mon-
dains. On trouue a le scripture troys ma-
nieres de diuers amys. Premièrement aus-
cuns sont amys du mōde - pource quilz ay-
ment les vanitez de ce monde. Secondemēt
aucuns sont amys du dyable: car telz a-
mys naymēt sinon a mal faire. Tiercemēt
sont aucuns amys de dieu - pource quilz ay-
ment & gardent ses commandemens.

Cū sis ipse nocēs, moritur cur victima pro te?
Stultitia est morte alterius sperare salutem.

Tu ne dois pas faire sacrifice a dieu des
bestes mues - ne auoir esperance a la mort
des bestes mues cōme auoient les anciens
qui faisoient sacrifice a dieu des bestes mues:
car en ce ilz auoient toute leur foy & creāce.
Certes cest grand folie dauoir esperāce de
salut en la mort d'aucune creature: sind en
la mort de Ihesuschrist tō redēpteur: car nul
pecheur ne doit cuyder auoir pardon ne re-
mission de ses pechez par aultre mort: sinon
par la

par la mort de nostre seigneur Ihesuschrist.
On eit en la sainte escripture: que les an-
ciens erroient follemēt: & auoiēt vne folle opi-
nion: car ilz occioiēt diuerses bestes: desquel-
les ilz faisoient sacrifice a dieu: & croyoient
que p la mort des bestes que dieu leur donast
pardon: & dois scauoir que telles folles ceri-
monies que faisoient les anciens: lesquelles
sont abolies et mises au neant par la loy
nouuelle de nostre redempteur Ihesuschrist: &
par la mort de nostre seigneur sont abolies
toutes ces erreurs: pource que la braye foy
& creāce est venue en l'aduenement de nostre
benoist sauueur & redempteur Ihesuschrist.

Cū tibi vel socium, vel fidum quæris amicum,
Non tibi fortuna est hominis, sed vita petēda.

E Tu ne dois pas demander la fortune de
l'homme: mais sa vie, cest adire quād tu veulx
auoir et acquerir vng bon et loyal amy ou
compaignon. tu ne dois pas demāder de sa
fortune. cest assauoir s'il est riche. noble. ou
puissant: mais dois demāder s'il est de bon-
ne vie. sage. & prudent: car par science et
prudence on peult bien resister aux falaces
deceptiōs de fortune. Pource que ce que for-
tune donne en long temps: elle lose en peu
d'heure: mais la science & prudence dure ius-
ques

ques a la mort: car nul ne la peut offer. Le
philosophe dit- quilz sont quatre manieres
de personnes qui ne gardent point braye a-
mour. La .i. est l'homme cruel & mauuais:
car il ne demande sinon hayne & deception-
ou dissention. La .ii. est dicte de l'homme an-
cien: pour ce quil doubte estre deceu. La .iii.
est lenfant: car pour vne pomme on perd son
amour. La .iiii. si est la femme: car qui plus
luy donne a son amour & non plus. Mais
braye amour si dure tousiours en aduersite:
et en prosperite.

Vtere quæsitis opibus, fuge nomen auari,
Quid tibi diuitie prosunt, si pauper abundas?



Et tu dois user et desuendre tes biens en
telle maniere: qu'on ne die que tu soyes auari-
cieux

ricieus ne eschats - cest assauoir en faisant
autmosnes - & auecques ceulx auec lesquelz
il est expedient de despendre et de donner.
Que te baudroit vng grand thresor: ou plein
vng grenier tout de froment - & vng celier
plein de vin - se tu nen faisois bien a toy & a
autres - certes tout ne te baudroit riens -
mais te nuirroit grandement au corps & a l'a-
me - si en seroies diffame du monde: car chas-
cun diroit que tu seroies auaricieus - & que
tu mourroies pauuement empres les biens.
M^oseigneur saint Hierosme dit: Mauditz
soient tous ceulx qui viuent seulement affin
qu'ilz puissent amasser richesses mondaines
qui si tost passent & qui sont transitoires et
de peu de valeur - par lesquelles p^ossent leurs
richesses de moult de valeurs eternelles.

Si famam seruare cupis (dum vinis) honestam,
Fac fugias animo quæ sunt mala gaudia vitæ.

Tu dois fuyr tous pechez se tu veulx
auoir et garder bonne fame et bonne re-
nommee en ce monde: car les mauuaises
ioyes & plaisirs mondains de ce monde sont
souuent cause de male fame et renommee -
& en la fin de dānation perpetuelle. Le sage
dit: que bonne fame ou bon loz ou bonne
renommee si bauct mieulx que tous les thres-
sors &

fois a richesses de ce monde- pource que le
Bon nom dure plus longuement que ne font
les richesses.

Cum sapias animo, noli irridere senectam,
Nam quicunque senet, sensus puerilis in illo
est.

Tu ne le dois pas truffer de vieillesse-
cest assauoir de vieilles gès pour tant que tu
es saige- & que dieu ta donne sens & entens-
dement de toy sagement gouverner- car tu
en seroyes blasme de toutes gens dentende-
ment. Car comme dit Job. Sapience viêt &
croist en tout homme en brief temps: mais
prudence vient en long temps et prolonge
experiance. En tout homme vieil est saipie:
ce: mais par aucuns accidens et deffaillie-
ment de nature viennent les anciens et re-
tournent comme enfans- & ont tous com-
munement les operations: manieres: & cō-
tenances des enfans. Pource nul ne se doit
moquer ne truffer des vieilles gens: mais
doit patiemment souffrir leurs fautes et
leurs simpleesses: car tu dois considerer et
ymaginer que sans nulle faulte il fault de-
uir en tel estat- ou mourir ieune.

Disce aliquid, nā cum subito fortuna recedit,
Ars remanet, vitāq; hoīnis nō deserit vnquā.

A

¶ **T**u

E Tu dois apprendre art ou science pour
euitier fortune. laquelle subiteinēt se depart
de toy: mais ton art ou ta science ne te lais
sera iamais iusques a la mort: mais se par
fortune tu pers les biens de ce mode- par tō
art ou science les pourras recouurer. Mais
si tu n'auois art ou science- & fortune te estoit
cōtraire: tu demourrois pauvre & meschāt-
& pourrois tumber en plusieurs inconueniēs
et peris de corps et d'ame. On liect en ung
commun proverbe: que mestier d'auēt mieulx
ques premier. Item mestier & science font e
uiter grand indigence- & ostent l'homme de
grand misere et dangcr.

Perspicito cūcta tacit⁹, quid quisque loquatur
Sermo hominū mores & cēlat, & indicat idē.

E Tu te dois taire- amoderer & escouter ce
que chascun dira: & tout noter en ton enten
dement: car par la parolle des gens tu pour
ras cognoistre leurs science- prudence- et
mauuaistie: car de l'abundance du cuer la
bouche parle- & dict comme le cuer pense:
Car pource dit l'euāgile. Sa mauuaie ie te
iuge & condamne par ta bouche & parolle:
Car communement chascun parle & dit ce
qu'il pense. La bonne personne dit tousiours
biē: & la mauuaie tousiours mal. Et pour
ce au p

ce aux parolles des gens on cognoist leurs
conditions soyent bonnes ou mauvaises.

Exerce studiū, quamuis perceperis artem,
Vt cura ingeniū, sic & manus adinuat vsum.

Tu dois exercer & ensuyuir l'estude-
coit ce que tu ayes l'art & sciēce de plusieurs
choses: car tout ainsi que tout mestier ayde
et rend la main habille & prestie pour faire
et exercer par hanter ledict art ou mestier-
pareillement pour estudier souvent & han-
ter l'estude & les clerics: en sabilite en quel-
que science que ce soit- et si acquiert on en-
saige de tous ars & de toutes sciences pour
souuent en user et estudier: car il faut trop



mieux auoir l'art & l'experience d'aucune
science ou d'aucun mestier: que d'auoir la

science sans experyence ou vsaige. Que le
vautdroit ta science ou ton art- se tu ne ten
sces ayder ne vses- et pource dois en telle
maniere estudier & souuent: que tu en puis
ses acquerir l'experyence & vsage de la sciens
ce & mestier duquel tu te veulx ayder.

Multum ne cures venturi tempora fati,
Non timet is mortem, qui scit continere vitā.

Tu ne dois trop curer d'acquerir de for
tune quand tu la dois auoir- ne de plusieurs
autres choses desquelles enquerēt plusieurs
simples gens qui veulent scauoir les secretz
d dieu: car nul ne peut scauoir telles choses
sinon par reuelatiō: car celuy qui scait des
piser ceste vie mortelle & faire bonnes oeu
ures et garder les commandemens de dieu
ne doubte point la mort- & ne luy chault de
scauoir sa destinee aussi quād il mourra: car
il sen attend du tout a dieu son createur: les
quel congnoist & scet tout. Le sage dit- que
la mort naturelle n'est autre chose sinō sail
tir hors de prisō pour venir a sa maison. Itē
mort est fin de tout epissement et bannisse
ment- & peut venir en franchise et liberte.
Item mort est cōsumation de toute peine
& labeur pour venir a repos de vie. Itē mort
est fin de tous biens temporelz pour auoir
Biens

Biens spirituels. Item mort est despouilles
 ment & allegement d'ung tresgrief & pesant
 fardeau: cest assauoir ce charnelite. Item mort
 naturelle n'est aultre chose sinon chemin &
 science pour aller & retourner en son pays
 cest assauoir en la gloire de paradis: & pour
 ce nul ne doit doubter la mort naturelle
 quand il est de bonne vie: & qui garde les
 commandemens de nostre seigneur dieu: &
 redempteur Iesuchrist son createur. Mais
 de la mort eternelle est tout le contraire: car
 chascun la doit doubter sur toutes choses.

Disce, sed ad oētis, idoētos ipse doceto,
 Propagāda etenim rerum doctrina bonorum



Tu dois apprendre ta science & ton gou-
 uernement des sages: & puis tu dois ensei-
 gner

gner aux ygnorans bonnes meurs & bones
doctrines: cest assauoir comment se doiuent
gouuerner: iacoit ce quil face bon appredre
de chascun-toutessois la science & doctrine
des sages est pe² proffit able & meilleure que
les autres: & pource quãd tu auras biẽ ap-
pris et en bon conseil des sages: apres tu
dois apprendre et enseigner les ignorans
celuy enseigne et endoctrine soy mesmes
en apprenant & enseignãt les autres pour-
ce que nulle science: ne nul art ou mestier ne
peut longuemẽt durer sans exercice & sans
vsaige cest assauoir sans en vser souuẽt: car
vsage & pratique faict croistre les sciẽces et
mestiers. Le philosophe dict quilz sont deux
choses qui ne prouffitent riens: cest assauoir
le tresor qui est enclos en terre & la sciẽ-
ce qui est enclose en homme sans commu-
nicquer ou enseigner aux autres.

Hoc bibe quod possis, si tu vis viuere sanus,
Morbi causa mali est homini quandoque vo-
luptas.

Tu dois boire le vin en maniere quil ne
te face mal: car tu nen dois prendre oultre
ce quil te suffist a ta compercio si tu veulx
viure en sante de corps & dame: car yuressse
et toute superfluite de vin sont cause de eu-
pore et de plusieurs maux et maladies. &
aussi

aussi de plusieurs debatz & dissensions : ce-
fuy qui prend le vin par mesure & attrem-
pentent luy profite moult & luy faict plu-
sieurs biens. Premièrement il faict auoir
bonne couleur naturelle. Item il faict auoir bon-
ne digestion. Item garde la viande de corru-
ption dedans le corps de la personne. Item il
cuist la viande en lessomach & si la purifie &
la conduit par tous les membres du corps ius-
ques à ce quelle soit couuertie par pur & net &
subtil sang : & esiouist le cuer de la persōne.
Item il faict l'homme bien parler & hardi-
ment : & si fait venir appetit de toutes choses.

Laudaris quodcūque palā, quodcūque pro-
baris,
Hoc vide, ne rursus leuitatis crimine damnes.

Et tu ne dois iamaiz parler ne diffamer
quelcōque personne laquelle tu auras louee
& approuuee publicquement destre bonne &
iuste : naussi aultre chose quelque quelle soit :
car ce seroit signe d'incōstance & de legiere-
te : & de rechef tu pourrois estre repins de
crime : & aussi blasme destre trop legier & in-
constant. Et si diroit chascun que tu ployes
rois à tous vñs : cest à dire quen toy n'auoit
point de fermete ne de fiance : Et par ainsy
seroys fuy & diffame de toutes personnes.



Et nous tiſons de quatre Philoſophes qui diſputoient enſemble de l'inconſtance & mutabilite des choſes. Le premier diſoit que la plus muable choſe du monde eſt la femme. Le ſecond diſoit que ceſtoit le vent. Le tiers diſoit que ceſtoit la lumiere. Le quart diſoit que ceſtoit le cuer de l'homme. Et ceſte derniere opinion fut trouuee veritable. A ce propos diet ſainct Gregoire - quil neſt choſe ſi muable que le cuer & la penſee de l'homme.

Tranquillis in rebus quę ſunt aduerſa caueto
Rurſus in aduerſus melius ſperare memento.,

¶ Tu dois fuyr & eſcheuer les choſes contraires - quand tu es en bonne proſperite - & bonne fortune : & comment on a grand peine d'ac-

ne d'acquérir les biens: & grand despitaisir &
 melancolie de les perdre. Et de rechef se da-
 uenture tu biens de prosperite en aduersite:
 tu dois auoir esperance que tu auras mieulx
 au temps aduenir: & plus de biens que tu
 neuz oncques: car des biens les maulx biens
 nent soudainement.



Les poëtes faignent que la deesse
 Circes se disoit fille du soleil: par
 elle entendoient la prosperite de ce
 monde- dient: Ung iour que Ulysses
 estant sur la mer veit de loing le pa-
 lais de la deesse Circes: mais icelle deesse
 auoit telle propriete quelle transfiguroit les
 gens en telle forme quelle vouloit. Lors les
 dict Ulysses enuoya aucuns de ses com-
 paignons audict palais de Circes pour
 archer.

achepter des viures : mais quand la deesse
les veit fist semblant de les recepuoir ioy-
eusement - & de leur faire bonne chere : la-
quelle fist tantost mettre les tables - & leur
donna a boire & a menger. Et si tost qu'ilz
eurent ben dung bruuage quelle leur fist
donner - ilz furent muez en figure de Porcs.
Lors quand Ulixes veit que ses compai-
gnons ne reuenoient point - il sen alla au
palays parler a la deesse Circes - & luy de-
manda quelle auoit faict de ses compai-
gnons qui luy auoit enuoyez pour auoir des
viures. Mais sans respondre ladicte Cir-
ces luy presenta a boire - laquelle refusa : En
telle maniere eschepua destre mue en porc
comme ses compaignons : & fist tant ledict
Ulixes par belles parolles que ladicte dees-
se le print pour mary : & pource tantost fist re-
uenir ses compaignons quelle auoit muez
en porcs en leur premiere figure come de-
uant. Et quand ledict Ulixes eut demeure
vng an avec ladicte deesse Circes : luy & ses
compaignons sen retournerent en leur pays : &
laisa ladicte deesse grosse dung filz : lequel
on appelloit Legano : lequel fist depuis par
ignorance occire son pere Ulixes. A morala-
lement parler de ceste deesse dois entendre
la prosperite de ce monde : laquelle est com-
me la mer : & par les compaignons de Ulixes
qui fu

qui furent muez en porcs - tu dois entendre
ceulx qui viuent en la prosperite de ce mō-
de: lesquelz si tost quilz ont beu des delices
de ce mōde ilz sont muez en figures de porcs:
cest a dire que par leurs vices & pechez per-
dent l'usage & cognoissance de raison & den-
tendement - & deuiennent comme porcs: ou
autres bestes muez: Mais quand Delibes
veit: cestassauoir l'homme saige & prudent:
Il se garda moult bien de boire des vices &
pechez de ce monde: Par ainsi se peult ma-
rier avecques ladicte deesse Circes: cestassa-
uoir avecques la prosperite de ce monde: &
qui plus est: ceulx qui sont muez en porcs:
cestassauoir ceulx qui ont perdu raison: l'ho-
me saige & prudent par douces parolles &
exemples le faict retourner a la raison
cestassauoir a leur premiere figure.

Discere ne cesses, cura sapientia crescit.
Rara datur longo prudentia temporis usu.

Tu ne dois cesser d'apprendre - iacoit ce que
tu soys rude d'engin: car par continuation &
par force d'estudier: tu pourras acquerir grā-
de science & prudence: car on a peu de sciē-
ce & prudence: se elle ne vient par long vsaige
& continuation: car il est impossible d'acque-
rir science ou prudence - ne nul autre art -
ou me

ou mestier en peu de temps: car il fault que
telles sciences & artz viennent par longue
continuation. Et pource disoit vng saige
Senateur de Rome: que sil auoit vng pied
en la fosse: si voudroit il tousiours appren-
dre comme sil vouloit dire que toute science
sacquiert par continuation & long vsaige.

Parcè laudato, nam quem tu sæpe probaris,
Vna dies, qualis fuerit, monstrabit amicus.



Tu dois louer tes amys par mesure-
iusques a ce que tu les auras bien
approuuez: cest a dire - iusques a ce
que tu ayes vraye experience quilz sont
tes amys: & par especial que tu les ayes
approuues en peril de mort: Car on co-
gnoist quand on est en peril de mort ceuluy
qui est

qui est bray amy. Pource tu dois par mesure & attrempance louer ton amy: car ung iour viendra que celui que tu auras loue se demonstrera si est ton amy ou non: si est tel comme tu cuydes. Les signes de braye amour se demonstrent en quatre manieres. Premièrement par parolles: car quand la personne a le cueur plein de cordialle amour: alors sa bouche parle moult abondamment: & moult affectueusement: car on dict communement que de abondance du cueur la bouche parle. Secondemēt on cognoist la braye amour par donner: & cestuy signe est plus grand que le premier: car plusieurs gens aydent de leurs parolles: lesquelz nayderoient pas de leurs biens. Tiercemēt on cognoist son parfaict & loyal amy: par le seruice quon faict de sa personne: & cestuy est encores plus grand que nulz des deuant dictz: car plusieurs ayderōt de leurs personnes: & de leurs biens qui ne seruiroient pas de leurs personnes: comme fist le bon Jacob qui seruit Laban quatorze ans pour son amy Rachel. Quartemēt on cognoist son parfaict & loyal amy en aduersite & perille de mort: & cestuy signe est beaucoup plus grand sans nulle comparaison que tons les autres: car on ne peult trouuer plus grand signe damour & damytie: car plusieurs a-

mye

mys abandoneroiēt tous leurs biens & leurs
personnes au service de leurs amys: lesquels
ne voudroient pas pourtant mettre leur
corps en peril de mort: car nulle ne peult mō
strer plus grande charite: ne plus grand si-
gne d'amour que de mettre son corps & son
ame pour son loyal & parfaict amy: comme
fist vng senateur de Rome nōme Papina
duquel ra compte Valere en son liure: car
tout ainsi quō espreuve loy en sa fournaise:
aussi on espreuve son amy en aduersite: car
on treuve plusieurs qui sont seulement amys
de tables: cest a dire de boire & de mēger.

Ne pudeat, quæ nescieris, te velle doceri,
Scire aliquid laus est, pudor est nil discere vel-
le.

Tu ne dois pas aucunement auoir hōte
ne vergongne son taprend ce que tu ne scez.
Ne te chailles de qui tu apprennes: mais
que tu seaches: car cest grā hōneur & louen-
ge: & tresgrand profit de scauoir aucune
chose: Et par le contraire est tresgrand des-
honneur - & tresgrand dominaige de riens
scauoir - ne de riens vouloir apprendre. Ce
feroit grand folie a vng homme - & est dan-
ger de tout le mōde: si aymoit mieulx estre
puisonier: & en seruitude tous les iours de sa
vie que de demander grace: certes ce seroit
grand

grand folle. Tu scez bien que science est la
fontaine de tous biens. Et ignorance si est
la mere de tous maux.

Cū venere & Baccho lis est, & iuncta voluptas
Quod lautū est animo cōplectere, sed fuge lites



¶ Tu dois fuyr yuressse & luxure: & toutes
voluptez: car par yuressse & luxure viennent
plusieurs infinis maux & inconueniens:
pource que la ou regne yuressse & luxure on
ne peult iamaiz auoir bonne pais: ne con-
corde. La ou regne yuressse & luxure ne sont
que toutes voluptez - noyses & debatx.
Pource tu dois fuyr yuressse & luxure - & es-
tre sobre de boire & de manger: & de tou-
tes choses qui pourroient troubler noyses
& tous

à tous débats - à toutes mauuaises volu-
ptez: à aussi tous mauuais desirs charnelz.
Et sçaches que l'homme qui sera souuent
pure ne sera iamais riche ne puissant. Le
saige dict. que par vin - & par sème - viennent
plusieurs maux & incōueniens. Premiere-
ment par vin vient l'apure - noyses & débats -
meurtre - larricin - & plusieurs maux infi-
nis. Item par femme vient ydolatrie - com-
me tu as exemple de Salomon: lequel a-
dora les ydolles pour l'amour d'une femme.
Item par femmes on est en plusieurs fati-
tez - & est on trompe comme fut Aristote qui
se laissa cheuaucher & mettre la bride par
vne femme - ainsi comme si eust vne beste
moue. Item aussi par femme plusieurs ont
este deceuz: ainsi comme fut Virgille - le-
quel fut pendu à la fenestre d'une femme de
Rome: laquelle luy promist de le tirer amol
en sa chambre: quand il fut au meillieu du
chemin - elle le laissa la pendre iusques au
lendemain que chascun le pouoit bien veoir.

Demissos animo ac tacitos vitare | memento,
Qua flumen est placidum, forsan latet altius
vnda.

¶ Tu dois fuyr ceulx qui parlent peu & so-
briement: cest à dire: ceulx qui parlent sim-
plement:

plement- en contrefaisant ypocrite: car tels
les gens sont pleins de malices & deceptions:
comme tu voyes le fleuve qui dort & ne court
pas souvent: leau est plus parfonde & plus
perilleuse quen celui qui court fort. Tullies
dict en son liure: qu'on doit plus doubter
ceulx qui parlent peu & simplement comme
pucesses & ypocrites: que ceulx qui parlent
hauttement & tost: qui dient clerement tout
ce quilz pensent - & ont sur le cueur - sans
faire nulles fictions- ne ypocrisies.

Cum tibi displiceat rerum fortuna tuarum:
Alterius specta, quod sis discrimine peior.

Tu ne dois auoir desplaisir de la perte
a fortune de tes biens: & se dauenture tu as
desplaisance de la fortune & perte de tes biens:
considere & regarde bien: & tu trouueras
que plusieurs qui sont meilleurs & plus no-
bles que toy qui nont riens: & qui quierent
& demandent leur pain pour dieu. Item tu
trouueras- & peulx deoir tous les iours que
plusieurs qui sont iustes & de bonne vie: &
meilleurs que tu nes: perdent souvent tous
leurs biens par fortune- & viennent a grand
pauvrete: & pource se tu regardes bien tous
tes ces choses tu auras patience de la perte
& infortune de tes biens. Mource dict le

P.

droict

droict - que cest loye & soulas aux pauures
meschantz & infortunez dauoir compaignie.

Quod potes, id tenta, nam litus carpere remis,
Tutius est multo, quam velum tendere altum.

Tu te dois essayer de faire ce que tu
peux faire - & demourer & conduire
à bonne fin: car quand tu commences
quelque chose à faire - tu dois regarder du
commencement le moyen - & la fin: cest à di-
re que quād il est plus seur de tenir le moyen
estat & commun - selon ta puissance que de
monter si hault quil faille descendre: car cest
grand honneur de monter: mais cest grand
deshonneur de descēdre. Et tu ne dois com-
mencer chose que tu ne puisse acheuer: car
cest grand honte de laisser la chose impar-
faicte. On dit communement qui trop em-
brasse mal estraint. Pour ce sont bien heu-
reux tous ceulx qui bōt: & tousiours tiennent
le moyē chemin. Qui plus hault mōte quil
ne doit: de plus hault chet quil ne vouloit:
& pource est plus seur de mener sa nauire
par auirōs: que tēdre sa voile en hault & al-
ler en haulte mer: cest à dire qđ est plus seur
de mener moyen estat que de vouloit nager
en haulte mer - & estre en peril de mort.

Contra



Contra hominem iustum, prauè contendere
noli,
Semper enim deus, iniustas vlciscitur iras.

E Tu ne dois estriuer ne prendre noyse- ne
debat encontre l'homme iuste & innocent: car
nostre seigneur Iesuchrist punist tousiours
les pres iniustes- speciallement quand ellis
sont faictes iniustemēt & sans cause contre
les iustes & innocens. Et cest ce que dict la
saincte escriture: Toutefois quand les
iustes & innocens sont iniurieez & molestez in-
deument & sans cause ilz doiuent auoir pa-
tience: & pardonner tout ce qu'on leur a faict:
comme fist nostre seigneur qui pardonna a
ceulx qui le crucifioient & mettoient a mort
iniustement & sans cause.

P ii

Ereptis

Ereptis opibus noli mœrere dolendo,
Sed gaude potius, tibi si contingat habere.

Tu ne dois pleurer ne desconforter quand
tu perds tes richesses: & pareillement quand
tu perds les biens temporelz de ce monde:
mais tu te dois esiouyr & auoir ioye & desir
d'acquérir & gagner d'autres au temps ad-
uenir: car les richesses du monde ne sont
pas nostres: mais sont a fortune - pource
quelles sont dehors nous - & tout a l'aduen-
ture. Sainct Ambroise dict - que nous na-
uons riens qui soit nostre: sinon ce que nous
portons avecques nous.



On liq̃t d'ung homme qui estoit moult
desconforte: pource quil auoit per-
du son filz & son argent: lequel de-
mandoit

mandoit conseil a ung saige Philosophes
pour scauoir quil deuoit faire. Lors le Phi-
losophe luy dist : Ne pleure plus de ce que tu
as perdu ton filz : mais esioys toy de ce que
nostre seigneur tauoit donne ung filz : & que
tu las perdu. Itē a ce que tu dis : tu as perdu
ton argent : de ce ne dois pleurer nauoir me-
lancolie : car scaches de Bray que ton or en
auoit perdu plusieurs : & par aduenture se
tu ne leusses perdu il teust perdu : pquoy ne
te chaille de riens : tout est subiect a fortune :
pource pense den gaigner de nouuel- & den-
gendrer de nouveaulx enfans.

Est iactura grauis, quæ sunt, amittere damnis,
Sunt quædā quæ ferre decet patiēter amicū.

Tu dois plus souffrir pour ton amy que
pour nulle chose terrienne : cest a dire- iacoit
ce que soit griefue chose de perdre ses biens :
& tresgrand dommaige : touteffoys cest plus
grand dommaige : & doit on plus doubter
de perdre son loyal amy que de perdre les
biens & richesses de ce mōde : car on ne peult
recouurer la perte & mort de son amy. ¶ 3.
obstāt quil face bien mal de perdre les biens
de ce monde- lesquelz on a acquis en grand
peine & trauail : touteffoys tu dois porter
& souffrir plus pour ton loyal amy que pour
riches-

richesses transitoires de ce monde. Tout
homme sage & vertueux doit souffrir qua-
tre choses pour son amy. Premièrement il
doit souffrir mort & priuation de vie corpo-
relle. Secondement priuation de tous biens
mondains. Tiercement priuation de toutes
dignitez & offices. Et quartement priua-
tion de Vertus.

Tempora longa tibi noli promittere vitæ,
Quocunque ingrederis sequitur mors corpus
vt vmbra.

Tu ne dois promettre à ta vie de viure
longuement : cest à dire que tu n'ymagines-
ne promettes à ta vie de viure longuement :
car tu dois scauoir que tu n'as point de de-
main- & que la mort est pres de toy : & que
nul ne peult alonger sa vie - & en quelque
lieu que tu soys la mort te suit- & là apres
toy : comme l'ombre suit le corps en quelque
lieu qu'il soit. La mort & la vie sont comme
deux coureurs qui courent l'un contre l'aut-
re : lesquelz tantost se trouuent & rencōtrent :
car aussi tost que l'homme est ne il court na-
turellement- & demande la mort : car cest sa
nature : pource que pour mourir est venu en
ce monde.

Thurs

Thure deū placā, vitulum sine cřescat aratro.
Ne credas placare deum, dum cřdeā litatur.

Tu dois appaiser dieu par encens - & par
bonnes oeuvres - & par bonnes oraisons - &
laisser le beau croistre pour labourer a la
charrue : car tu ne dois pas cuyder ny ma-
giner d'appaiser dieu par occision de bestes :
comme on faisoit en l'anciēne loy de Moys-
se : car iacoit ce quil fut commande en la loy
de Moysse de sacrifier des bestes mues : tous
tesfoys ce commandement estoit figure du
nouuel testament - auquel nous sont prohibē-
bez & deffendus telz sacrifices : car au nou-
uel testament auons commandement de
sacrifier a dieu par l'encens : lequel est odorif-
ferant : & de prier dieu doucement par humi-
bles & deuotes oraisons.

Cede locum læsus fortunæ, cede potenti,
Iedere qui potuit, prodesset aliquādo valebit.

Tu dois dōner lieu a la fortune : & a plus
grand que toy : car se fortune te nuist & est
contraire de present : elle te pourra ayder &
estre propice au tēps aduenir. Item si plus
grand que toy te nuist & blece de present : il
te pourra ayder au tēps aduenir. Pour ce tu
dois auoir & porter patiemment toute for-
tune :

tune: car tu dois ployer à tous vents: cest à
dire que tu dois auoir patience tant en ad-
uersite comme en prosperite: & de ce tu as
experiance par le chesne qui brise & rompt
souuent: pource quil ne se peult ployer ne
humilier contre le vent - comme faict le ro-
seliaune qui se ploye & humilie de toutes
pars que le vent ploye & souffre.

Cum quid peccaris, castiga teipse subinde
Vulnera dû sanas, dolor est medicina doloris.

Tu te dois chastier & corriger de toy
mesmes de tō peche: cest assauoir par bray
contrition de cuer: & par satisfaction de



penitence cōiointe en satisfaction: car ainsi
cōme vne douleur est medecine & guarison
dune

d'une aultre douleur: ainsi penitence te guari-
rist: cest a dire quād tu prēs a recoys de bon
cueur: a que tu ayes braye contrition a re-
pentence: a que tu accomplisses la penitence
quon ta baille a enioinct. Car saint Gre-
goire dict - quil bault mieulx souffrir vng
peu de peine en ceste vie mortelle- que souf-
frit en l'auetie monde peine de tourmēt eter-
nel. Il ostre seigneur punist aucuns en ce
monde pour cinq causes. La premiere est-
affin que pour la punition les iustes en ayēt
plus grand merite.: Cōme il appert de Job
a de Thobie: lesquelz estoient tres iustes: a
touteffoys ont este griefuement punys en ce
mōde. La.ii. est - affin que vertu soit gardee
a deffendue du peche dorgueil: comme il ap-
pert de saint Pol qui fut colaphise a batu
du Sathanas. La.iii. affin quilz corrigent
leurs pechez: cōme il appert de Marie seur
de Moyses: laquelle fut par long temps la-
dresse- affin quelle corrigeast ses pechez. La
i.iii. est - affin que la gloire a puissāce de dieu
soit manifestee: comme il appert de lenfant
qui fut ne auuegle: duquel parle saint Jehā
en telle maniere: Cest enfant ne ses parens
nont point peche parquoy il doit estre auue-
gle: mais il est ne auuegle: affin que les oeu-
res: cest assauoir les miracles a la gloire
de nostre seigneur soit manifestee en luy. La
v. est

Il est affin que commencement de peine & tribu-
tation soit continuee perpetuellement par
eulx: cōme il appert Dherodes & des So-
domites qui sont & seront perpetuellement
es peines denfer avecq les damnez.

Damnaris numquam post lōgū tēpus amicū.
Mutauit mores, sed pignora prima memento.

Tu ne dois d leger departir ne delaisser
ton amy: cest a dire que quād tu as bng bon
amy p lōg temps- sen aucune maniere il a
faillly cōtre toy- tu ne te dois pas si tost par-
tir de son amytie- iacoit ce que l'offense quil
la faicte te soit griesue & moult estrange- &
nonobstant quil ayt mue ses meurs & gran-
dement faillly contre toy: tout esfois te dois
encores souuenir de la vieille amour- & des
premieres accointances que tu as eues au
temps passe avecques luy: car il pourra en-
cores muer ses meurs & conditions en bien.
L'escriture dit: que celui qui est amy en au-
cun temps- & non pas continuellement- ne
sera pas bray amy pour toy secourir en tri-
butatin quand tu en auras besoing.

Gratior officiis quo sis mage, charior esto.
Ne nomen subeas quod dicitur officiperdit.

Tu

Tu dois estre doulx: courtois & gracieux
en tō office. ou en ton seruice: sans estre fier
ne orgueilleux. a ceulx lesquelz aurōt affaire
avec toy: & qui te feront seruice & plaisir: af-
fin que tu ne soyes repete ingrat ou mesco-
gnoissant du bien & seruice quon ta faict.
Itz aussi quon die que le nom quon appelle
office perdu: cest a dire affin qu'ilz ne puis-
sent dire qu'ilz ont perdu le bien & le seruice
qu'ilz ont faict: ou aussi. affin que tu ne per-
des l'office en quoy tu es par tō orgueil & in-
gratitude: car tu dois tousiours estre doulx:
courtoys: & gracieux. & auoir la cognoissan-
ce des biens & seruiçes quon ta faictz.

Suspectus, caueas, ne sis miser omnibus horis
Nam timidus & suspectus aptissima mors est,

Tu ne dois estre suspecconneux en nulle
maniere que ce soit: car celui qui est sus-
conneux: cest assauoir qui ne se fie en person
ne est meschant: & si sera tousiours repete
pour meschant et miserable. et si n'aura ia
iour de sa vie au monde pais ne repos de
corps: ne de cōscience: Parquoy appert que
la mort seroit plus cōuenable aux suspecō-
neux que la vie: Car mieulx leur vaudroit
mourir: que viure longuement en telle peine
et misere: car quand tu es iuste: loyal: et de
bonne

Bonne Vie- tu ne dois doubter ne Vieulx ne
jeune- ne pauvre- ne riche- ne noble- ne Vie-
lain- ne mort- ne Vif: mais dois viure sans
auoir doubte que de dieu. Senecque dict en
son liure du remede des fortunes que paour
vient a l'homme & luy dict: Tu mouras.
Seurete luy respond: Mourir est a l'homme
chose naturelle- non pas peine- pour ce est il
venu' en ce monde- affin qu'il meure & retourne
en l'autre monde- dont il est venu: car la
Vie du monde n'est sinon vng pellerinaige:
car quand l'homme a assez alle & venu d'ung
coste & d'autre- il fault qu'il retourne dont il
est venu. Item paour dit: tu mourras- & seu-
rete respond: Si ie meurs ne seray pas le
premier- naussi ne seray pas le dernier: car
plusieurs sont mors deuant moy- & aussi pa-
reillement mourront tous ceulx qui vien-
dront apres moy: car cest reigle generale
sans nulle excusation. Item aussi tost meurt
jeune que Vieulx. Item paour dit: On dit
mal de toy- seurete respond: Si ien estois
coupable- ien auroye paour. Specialemēt
son disoit & auon peust prouuer en iugement
qu'il fust ainsi qu'on dit de moy.

Cum fueris seruos proprios mercatus in vsus,
Et famulos dicas, hominet tamē esse memēto.

Tu dois traicter doucement tes propres serfs: lesquelz tu as acheptez pour ton seruice: car iacoit ce quilz soyent serfs - tu dois auoir memoire quilz sont hommes comme toy: car tu dois scauoir quau commencement de ce monde naturelle franchise si estoit pareille & esgalle a tout homme. Pour ce dit Senecque: Celuy qui est maintenant seigneur & grand maistre - le temps pourra venir par fortune quil deuendra serf - pour ce les honneurs & fortunes de ce monde sont tantost virees. Pour ce nul ne sy doit fier. Item Senecque dit - que tu dois viure avec tes serfs familiarierement - & les dois reputer pour tes amys & bons seruiteurs - car iacoit ce quilz soyent serfs - toutesfoi sont ilz hommes comme toy. On dit communement quil nest nul petit amy - ne nul petit ennemy.

Exemple.

On list dung homme qui auoit trois amys: & le premier laymoit plus que soy mesmes, le second laymoit autant que luy mesmes - & le troysiesme au-
tant.



Est que luy mesme. Or aduint qe eut affai-
re grãdemẽt de ses amys : mais pour auoir
aide a sa necessite sen alla vers le premier
qe aymoit plus que soy mesmes - auquel ex-
posa son affaire & son cas - & luy dit . Vous
scauez bien que ie vo^s ayme plus que moy
mesmes : Se vo^s requiers que maydiez a ce
besoing . Lequel luy respõdit : Hõ ie ne scay
pas qui tu es - iay plusieurs autres amys :
lesquelz me fault auourdhy festoyer : meãt
moins dit il : Voicy deux linceux que ie te do
ne pour toy couvrir : Lors le bon hõme com-
me tout confus sen alla vers le secõd amy -
lequel il aymoit autãt comme soy mesmes -
auquel il exposa tout son cas cõme il auoit
fait a l'autre premier - en luy demãdant cõ-
fort & ayde : lequel luy respõdit : Beau donx
amy iay maintenant autre chose a faire
que de

que d toy ayder ne cōseiller d ton fait: mais
toutes fois ie tacompaigneray iusques hors
la porte- puis men retourneray en mon ho-
stel pour faire mes besongnes. Adoncques le
bō hōme triste & cōde desespere sen alla vers
le tiers amy lequel il laymoit moins que soy
mesmes - auquel il exposa son cas cōme il
auoit fait aux autres en disant: Helas ie
nay pas bouche q̄ doive parler a toy: car ie
ne t'ay pas ayme cōde ie deusse: mais toutes
fois ie te requiers & prie que tu ne me fasses
les point ace besoing: car ie suis escōduyt &
relique d tous mes amys si nō d toy. Lequel
luy respōdit, ioyeusement & luy dit: Certes ie
te retiens & repute pour mon loyal amy: car
ie iray volontiers avecques toy pour parler
au roy & le prieray pour toy - affin quil ne te
liure & condāne entre les mains de tes enne-
mys. A morassement parler pour le premier
amy tu dois entendre les richesses de ce mō-
de qu'on ayme plus que soy mesmes: mais
quād on est cite deuāt le roy: cest assauoir de
uāt dieu de Paradis on emporte si nō deux
petis linceux pour soy ensepueir. Par le se-
cōd amy tu dois entendre la femme & les en-
fans - & les autres parens: car aussi tost q̄ l'z
ont acōpaigne leur pere iusques a la porte-
cest assauoir iusques a son monumēt. & quil
est bonte en terre. tantost ilz sen retournēt
en leurs

en leurs maisons pour faire leurs beson-
gnes - & pour departir les biens de leur pere
lequel est trespassé . Par le tiers amy tu
dois entendre foy - esperance - charite - au-
mosnes - & tous les biens qu'on a faitz en sa
vie - lesquels sont deuant quand nous som-
mes citez & semondz deuant le roy de para-
dis pour nous garder & deffendre de nos en-
nemys: cest assauoir des peines de enfer quand
l'ame partira d son corps. Par ceste hystois-
re appert clerement que celui qui est vray
amy tousiours ayde en tēps d'aduersite - &
preuilegiement comment on n'emporte rien de
ce mode - sinon le bien qu'on a fait en sa vie
pour tousiours bien traicter & aussi pour
bien gouverner ses serfs ainsi comme tu
voudrois qu'on te traictast si tu estoies en
ce point cōme ilz sont: car iacoit ce que par
fortune aucuns sont serfs & en seruitude -
toutesfoiſ nous sommes tous freres en Jhesu-
christ - & si sont hommes comme tu es.

Quàm primū rapienda tibi est occasio prima,
Ne rursus queras, quę iam neglexeris ante.

Tu dois prendre tes premieres bonnes
aduentures - lesquelles te viennent - cest as-
sauoir les premieres bonnes fortunes & ad-
uentures lesquelles tu cognois qui te se-
ront

seront proffitables - & pareillement neces-
saires - affin que puis apres tu ne requieres
ce que deuant tu pouoys auoir sans requere
ir naussi pareillement demander ne sans
danger de nulle personne de ce mode. Pour
ce dit le prouerbe - qu'on ne doit pas mettre
à ses piedz ce qu'on tient à ses mains - cest à
dire que la chose que tu deulx auoir aujour
dhuy - laquelle t'est vtile & profitable tu ne
dois point attendre au lendemain de la pre
dre: car par aduenture ce que tu penlx au
jourd'hui auoir sans danger se tu attends
au lendemain tu ne l'auras pas à ton plai
sir & sans dāger. Parquoy sensuyt que nul
ne doit estre paresseux ne negligent de la
bourer pour son corps & pour son ame quā
il est temps: car tu dois faire aīsi que faict
le fromis qui faict sa pouruoyance en este
pour son viure tout le temps aduenir.

Morte repentina noli gaudere malorum,
Fœlices obeunt, quorum sine crimine vita

est.

Tu

Q



Tu ne dois auoir ioye ne liesse de la mort soudaine des mauuais: cest assauoir des pauures pecheurs: mais en dois auoir grand desplaisir & douleur: car il aduiet souuent que tant les bōs comme les mauuais meurent soudainement: car les iugemens de dieu sont diuers - & sont cinq causes pour quoy on doit auoir douleur de la mort des mauuais. La i. cause est pource quilz sont damnez perpetuellement silz meurent en peche mortel. La ii. pour la tresgrande honte quilz ont a leur mort deuant tout le monde. La iii. quilz sont priuez de la vision de leur createur. La iiij. est pour la cruelle peine & passion quilz seuffrent a leur mort. La v. est pour horrible ymage quilz prennent as pres leur mort: car ilz semblent a celle horrible beste de laquelle parle lapocalypse au
p.iiij. ch. 6.

Dist. chapitre pour cinq causes principales
 on doit auoir ioye de la mort des bons & ius-
 tes. La i. pource qu'apres la mort corporelle
 le renaiſſent & viennent a la gloire de pa-
 radis. La ii. est pource quilz ont plus bel ho-
 ſtel & plus grand pour demourer. La iii. est
 pource quilz ont meillieure viande pour mā-
 ger. La iiij. est pource quilz ont plus gran-
 de lumyere pour veoir. La v. pource quilz
 ont plus doulx air pour respirer. Ces cinq
 biens acquierent les iustes apres leur mort
 quand ilz sont en la gloire de Paradis.

Cum cōiunx tibi sit, nec res, & fama labore.
 Vitandum ducas inimicum nomen amici.

Tu dois fuyr & escheuer toutes haynes
 & melencolie pour ta femme: cest a dire que
 quand tu as femme q̄ est belle a tu nas bien



de quoy la gouuerner garde bien que nul ne
te decoypue: car souuent se faindront et fe-
ront semblant destre de tes amys pour la-
mour de ta femme: iacoit ce quilz soient tes
ennemys: & trouueront maniere de donner
mauluais los a ta femme & de la deshono-
rer: pource dois reputer telles gēs trahistres
& non pas leur donner le nom destre de tes
amys: car inimitie & hayne est du tout con-
traire a amytie. et concorde. Et se daduen-
ture il aduient quon parlast mal de ta fēme
& il nest pas verite & tu ne cuyde ne crois a
ta conscience qui ne soit pas ainsi. combie
que par tout en soit le bruit et renommee:
tu dois adiouster plus grande foy a la veri-
te de ce que tu scays qu'a la diffamable rend
mee quon donne a ta femme. & a ton amy:
Car il aduient souuēt que les gēs diffamēt
& parlent mal sur aucunes personnes. la-
quelle chose nest pas verite. Et aucūes fois
quil est verite. Ainsi as l'ung & l'autre des
cas qui peuent aduenir et estre vray.

Cum tibi cōtingat studio cognoscere multa,
Fac discas multa, vites nescire doceri.

Tu ne te dois enorgueillir pour ta gran-
de science: cest a dire que si aduient que tu
ayes appris par ta diligence & par bien es-
tudier

studier moult de sciences - pource tu ne te
dois orgueillir ne cesser dencores plus ap-
prendre & ne dois auoir honte d'apprendre de
plus moindie que toy: car tu dois ymaginez
que tu scez peu au regard des autres: car
il n'y a si saige qui ne trouue encores quel-
que chose a apprendre. Pour ce dit le prouer-
be que nul ne peut tout scauoir ne tout a-
uoir: Car nul n'est parfait en quelque sciens-
ce que ce soit.

Miraris verbis nudis me scribere versus,
Hos breuitas sensus fecit coniungere binos.

Tu ne te dois esmerueillez si ce petit
liure contient deus sentences en deus vers:
Car iay ce fait pour deus causes pricipal-
les. Premièrement pour euitier longues pa-
rolles & trop grand plixite: car se ie y eusse
mis plusieurs vers - la sentence fut si gran-
de, & si obscure qua peine mon sens neust
peu comprendre ne proposer. Et pource ay ie
fait ce petit liure en double vers - lesquelz
contiennent deus briefues sentences & vtili-
les pour les simples gēs: & aussi pource que
aujourd'hui plusieurs s'esioyssēt des brief-
ues parolles ou sentences. La secōde cause

pourquoy l'ay fait & accompli ce petit liure
en deux vers - pour ce que la doctrine & gou-
uernement du corps & de l'ame y est conte-
nu - pour laquelle chose se peut intituler ce
petit liure le miroir de regime & gouver-
nement du corps & de l'ame.

DEO. GRATIAS.

Les dictz des

SAGES.



Les faitz & dictz des bōs sages notables
Ramētenoir souuent sont proffitables.

¶ Louer aultreuy ou blasmer p' b'sage
Destre inconstant est signe par b'saige.

¶ Qui ne se doit louer ne blasmer
Les faitz font l'homme tel quil est reclamer.

¶ Cuydant balloir fol ne prise nulluy
Mais le sage peult presumer de luy.

¶ Trop enquerir n'est pas bon par nul si-
gn'e daultreuy faict trop sentremettre aussi.

¶ Celuy est fol qui aduise et prent garde
Du faict daultreuy et au sien ne regarde.

¶ tiii

¶ De ame mocquer ne se fault nullement:
Car mocqueurs sont mocquez finablement.

¶ Ce que dieu donne a homme est de nature-

Estre ne peult oste de nulle creature.

Onques parfaict que dieu ame on ne
Deit:

Nul sans peche ou sans blasme on ne deit.

¶ Taire et parler a point est grãd sagesse:

Mais folie est de trop grande largesse.

Peu souuent nuyt taire- mais langage:

Maint effoys faict a son maistre dõmage.

¶ Comme bien peu grand dormir est sans
songe:

Dareillement grand parler sans mēsonge.

¶ La parolle est bien bonne sans redicte-

Quand ne vauit mieulx a dire que estre di-
cte.

¶ Le sage aduise quil parle ou combien-

Le que fol pense dict soubdain mal ou bien.

Duir & deoir- et soy taire de tout-

Garde de noise- et nourrit pais par tout.

¶ Homme plaideur- est de mentir mescreu-

Quand il dit Bray- a bien grand peine est
creu.

¶ A celluy est bon regnoin charitable-

Qui en ses faictz et dictz est veritable.

¶ Homme orgueilleux en cuyder affiche-

Ne craint peril- mais tout y est fische.

Chumilite en tout homme bien siet.
Plus se tient bas - et plus hault on l'assiet.

Prudence aprent a viure par raison.
La ou elle est heureuse est la maison.

Il est prudent qui au temps futur vise.
Mais que a pourueoir a icelluy aduise.

Trauailler doit chascun en sa ieunesse.
Pour mieulx auoir repos en sa vieillesse.

Diligence grand besoing et souuenir.
Fait tressouuent l'homme en grand bien
venir.

Le temps perdu on ne peut recouurer.
Parquoy est bon auant temps en bien ou-
urer.

Jusques a la mort deit l'homme en esperance
Combien qua nul ne donne assurance.

Soudainement fortune l'homme monte.
Mais plus soudain le renuerse & demonte.

Qui trop hault monte - trespas il chet
souuent.

Petite pluye abat souuent grand vent.

En grand estat ne gist pas toute gloire.
Mais en vertu dōt est tousiours memoire.

Tresheureux est celluy qui tient sa vie.
En simple estat - mais qui n'ayt d'auette
enuie.

L'homme n'est pas riche par grand auoir.
Mais seulement par suffisance auoir.

Mieulx hault auoir peu & viure en ioye.

Que bñre en dueil & auoir biens mōtioye.

¶ Des biens mal acquis y aucun senties
Ne iouyr le troysiesme heritier.

¶ Propice au monde & a dieu acceptable.

Ne peult estre hōme sans estre charitable.

¶ Nul ne peult bien a deus maistres ser-
uir.

Ne la grace de chascun desferue.

Chose humaine est peche non angelique.

Perseuerer est chose dyabolique.

¶ Quelque chose que dit ou face aucun:

L'intention du cuer iuge chascun.

Bon faict scauoir bien et mal propres-
ment.

Mais bñr fautt de l'ung tant seulement.

¶ Il n'est peche ne mal tant soit celle.

Qui en fin ne soit cogneu et reuelle.

¶ La poire chet soudain quand elle est
meure:

Nul mal iamaiz impugny ne demeure.

¶ Qui celle mal ensemble consentant:

Qui le consent le faire fault autant.

¶ Celly doit bien maudire le foulas.

Dont en la fin conuient dire helas.

Bds & mauuais ne appetēt estre ensēble:

Toute chose quiert ce qui euy ressemble.

¶ Selon les biens doit estre la despence

Le sage y beille - mais le fol point ny pēse.

¶ Despedre trop rien gaigner ne acquerir.

font en la fin l'homme son pain querir.

¶ Donner a point - sagement retenir -
faiet en estat le riche homme tenir.

¶ Qui donne ung don a acoup l'a badonner
Ce double est: et ainsi deux fois donne.

¶ Le don qui est longuement attendu -
N'est pas donne - mais cherement vendu.

¶ Le don eye celluy qui le recoit:
Parquoy le doit cognoistre ou il decoit.

En promesse trop fier ne se fault -
Souuent il tient - mais plus souuent il
fault.

¶ On doit grand homme pour chose qui
promette -

Tenir verite pour terme qui y mette.

¶ Faire du fol aucunes fois est grand sens:
Car on en peult euitier maux cinq cens.

¶ La terre selon que vaut le chef -
Qui a bon chef garde na de meschef.

Violence point longuement ne dure:
Qui seuffre il vainc - prudent est qui en
dure.

¶ Celluy trop tost entre dedans la porte -
Qui mauuaises nouuelles y apporte.

Pour neant met l'homme peine de bien
apprendre:

Se user nen veult - et les bonnes meurs
prendre.

¶ Science na ne ennemy ne aduersaire.

Que le ignorant science est necessaire.

¶ Qui sunt les bons: bon sera sans doutance.
Mais tout mal vient de mauuaise acointance.

¶ Peu de dissolus quelque soit la plaisance:
En la parfin tournent a desplaisance.

¶ Comme l'eau l'eau les immundices.
Bonne doctrine purge et oste tous vices.

Grand folie est de craindre aucunement.
Ce que euer on ne peut nullement.

¶ Qui faict les choses par conseil loing ou
pres.

Aucunement ne sen repent apres.

Qui au conseil sans appeller approche.
Est imprudent et digne de reproche.

Qui est coupable d'aucun crime ou mes-
fait.

Luy de tousiours qu'on parle de son faict.

¶ Qui iustement dit ne luy doit chaloir.
Qu'on die de luy: car pis nen peut baloier.

Comme les beufz par les cornes on lye.
Aussi les gens par leurs motz on follye.

¶ L'homme qui dit et se tient en oyseuse.
Ahet de leger en compaignie noyseuse.

Qu'oyse se meuet par trop rudement dire:
Mais beau parler faict restraindre grand
ire.

¶ Quand gens oyseux va en bne place.
Sagement faict qui dicelle desplace.

¶ Par ire aduizet maint mauuais accidēt.

¶ Qui la retraict est sage et tresprudent.

¶ Recalcitrer encontre la pointure-
faict rengreger et doubler la poincture.

¶ Le que on differe a quon ne laisse pas-
Tout vient a lieu qui attend iusques au
pas.

¶ Petit parler et belle contenance-
Doit estre en femme sans nulle difference.

¶ La femme deffaict vng mesnage-
Qui la bonne-heureux est en son aage.

¶ Qui nullement femme ou fille diffame-
En faictz-en ditz-est mauuais et infame.

¶ Conseil appert de homme et de femme-
Deuant les gens peult tourner a diffame.

¶ Vin et femmes font fouroyer les sages-
Et perir en maintz diuers passages.

¶ Quād feme deult elle dault vng empire-
Quand deult aussi nest rien au monde pire.

¶ Du mal daultreuy ioye auoir ne cōuient-
Car tel ou pire souuent a chascun vient.

¶ Au malheureux fait pis a son malheur-
Derrision que sa propre douleur.

¶ L'herbe on cognoist a lodeur proprement-
Les gens aux dictz aussi semblablement.

¶ Du bien le bien du mal le mal tout tēps-
Du sac ne peult saisir que ce qui est dedās.

¶ Qui bien ayne bien chastie tousiours-
Par le chastoy on amende ses iours.

Qui aime il craint l'amour qui est sans
crainte:

Nest pas amour braye: mais amour faite.

Qui ne craint honte reproche et deshon-
neur:

Ne peut iamais paruenir a honneur.

A priser n'est homme de sa science:

Sil n'est remply de bonne conscience.

Amy seale vault mieulx que argent ne or:

Qui le treuve il treuve grant tresor.

On ne cognoist en la prosperite:

Le bon amy: mais en l'aduersite.

Ong dieu amy pour vng neuf ne laisse:

Ne sers que tu prens: mais scez que tu lais-
ses.

On cuide douls souuent qui est amer:

Cognoistre on doit premierement que ay-
mer.

A son amy on ne doit rien celer:

Ne le secret dicelluy reueler.

Namais homme qui est sage et discret:

Ne reuelle a femme son secret.

Aimer flateurs croire legerement:

Engendrent maux innumerablement.

Pestilence n'est pire entre vng millier:

Que vng ennemy priue et familier.

En ennemy qui est reconseille:

Que ne si fie si n'est bien conseille.

Bien peruers est qui peut et ne vouloit:

De son prochain ayder quil doit deuoir.
L'honneur mondains de gens sont chers
tenus.

Mais quand on meurt on ne emporte nulz.
L'honneur apporte a maint grand preiudice
La ou elle est ne porte point iustice.

Las heritage nest seruice de court,
Le que on y gaigne peu bault ou dure court
L'homme en vices chet tressouddaine-
ment.

Mais en vertus se dresse l'entendement.
Belles raisons de gens mal entendues.
Sont come fleurs aux Pourceaulx effene-
dus.

Il y finent les dictz des Sages.





Nul ne s'y frotte.





Patere aut abstine.























2



RÉS



